

**BOSNA I HERCEGOVINA
FEDERACIJA BOSNE I HERCEGOVINE
Tuzlanski kanton
GRAD TUZLA
GRADSKO VIJEĆE**

S T E N O G R A M

**S DVADESETŠESTE SJEDNICE GRADSKOG VIJEĆA TUZLA ODRŽANE 30.
OKTOBRA 2018. GODINE U POSLOVNOM OBJEKTU „GRAFIČAR“ S
POČETKOM U 10 SATI**

-SJEDNICI PRISUSTVUJE 29 VIJEĆNIKA

U Tuzli, oktobar 2018. godine

ALEKSANDAR VUJADINOVIĆ – predsjedavajući Gradskog vijeća Tuzla

(Intoniranje himne Bosne i Hercegovine.) Poštovani vijećnici Gradskog vijeća Tuzla, predstavnici gradskih službi - obrađivači materijala, predstavnici boračkih i nevladinih organizacija, članovi savjeta mjesnih zajednica, predstavnici sredstava javnog informisanja, dragi gosti, drugarice i drugovi, dame i gospodo, otvaram dvadesetšestu redovnu sjednicu Gradskog vijeća Tuzla.

Konstatujem. Poslovnička. Izvolite. Mirnes Ajanović, poslovnička. Izvolite.

MIRNES AJANOVIĆ - vijećnik Bosanske stranke

Hvala predsjedavajući. Ja se izvinjavam, ali zbog ove okolnosti, tragično stradalih policajaca u Sarajevu i Dana žalosti, ja predlažem da mi, kao Gradsko vijeće, odamo počast policajcima koji su stradali braneći građane, vršeći svoju dužnost Davoru Vujinoviću i Adisu Šehoviću minutom šutnje ili molitvom i javno pozivam gradonačelnika Tuzle da iz budžetskih sredstava izdvoji sredstva za pomoć porodicama ubijenih policajaca.

ALEKSANDAR VUJADINOVIĆ

U redu. Hvala. Poslovnička Mirza Tupajić. Izvolite.

MIRZA TUPAJIĆ - vijećnik Stranke demokratske akcije

Prije svega sve vas srdačno selamim i želim nam uspješan rad. Slažem se sa kolegom Mirnesom. A isto tako, ja bih vas zamolio da danas isto minutom šutnje i molitvom odamo počast Narodnom heroju Hajrudinu Mešiću. Danas je 30. oktobar dan kada je on dao život za ovu zemlju. Znači, radi se o jednom od tri narodna heroja sa prostora Tuzlanskog kantona. Hvala.

ALEKSANDAR VUJADINOVIĆ

U redu. Hvala lijepo na ovim prijedlozima. Znači poslovnička je predviđena samo u onim okolnostima u kojim dolazi znači do kršenja Poslovnika Gradskog vijeća.

Čuli smo ova dva prijedloga. Predlažem da se minutom šutnje ili molitvom oda počast navedenim osobama. (Minuta šutnje, učenje Fatihe ili druge molitve.) Hvala.

Konstatujem da, prema evidenciji Stručne službe Gradskog vijeća, sjednici prisustvuje 29 od ukupnog broja vijećnika 31, što je dovoljno za punovažan rad i odlučivanje.

Za današnju sjednicu svoj izostanak najavila je Azra Gazibegović Šimić i Kenan Osmančević. Pa predlažem da im opravdamo odsustvo.

Podsjećam da su se, u skladu sa članom 58. Poslovnika Gradskog vijeća Tuzla, prijedlozi za naknadno uvrštavanje hitnih i neodložnih pitanja mogli podnijeti u pisanoj formi, najkasnije 48 sati prije održavanja ove sjednice, kao i da su se, u skladu sa članom 61. Poslovnika Gradskog vijeća Tuzla, zahtjevi za izmjenu predloženog dnevnog reda mogli dostaviti najkasnije 48 sati prije održavanja ove sjednice.

Prijedlog dnevnog reda dobili ste uz Poziv za današnju sjednicu Gradskog vijeća Tuzla:

DNEVNI RED

1. VIJEĆNIČKA PITANJA I INICIJATIVE
2. RAZMATRANJE I USVAJANJE:
 - a) NACRTA BUDŽETA GRADA TUZLA ZA PERIOD OD 01.01.-31.12.2019. GODINE
 - b) NACRTA ODLUKE O IZVRŠENJU BUDŽETA GRADA TUZLA ZA PERIOD 01.01. - 31.12.2019. GODINE
 - c) ODLUKE O IZMJENAMA I DOPUNAMA BUDŽETA GRADA TUZLA ZA PERIOD 01. 01. DO 31. 12. 2018. GODINE
3. RAZMATRANJE I USVAJANJE ODLUKE O DOJELI JAVNIH PRIZNANJA U 2018. GODINI
4. RAZMATRANJE I USVAJANJE ODLUKE O DAVANJU SAGLASNOSTI NA ODLUKU O UTVRĐIVANJU CIJENA DIMNJAČARSKIH USLUGA NA PODRUČJU GRADA TUZLA
5. RAZMATRANJE INFORMACIJE O PROVEDENOM POSTUPKU JAVNOG OGLAŠAVANJA SA UTVRĐENOM RANG LISTOM KANDIDATA ZA IZBOR ČLANA UPRAVNOG ODBORA JAVNE USTANOVE CENTAR ZA SOCIJALNI RAD TUZLA
6. RAZMATRANJE I USVAJANJE IZVJEŠTAJA O RADU I POSLOVANJU JAVNIH I DRUGIH PREDUZEĆA, ČIJI JE OSNIVAČ ILI SUOSNIVAČ GRAD TUZLA ZA 2017. GODINU
 - a) JP RTV 7 d.o.o. Tuzla
7. RAZMATRANJE:
 - a) INFORMACIJE O REALIZACIJI AKTIVNOSTI NA RJEŠAVANJU STAMBENIH PROBLEMA RASELJENIH LICA I SOCIJALNE KATEGORIJE STANOVNIKA
 - b) INFORMACIJE O IMPLEMENTACIJI LOKALNOG AKCIONOG PLANA ZA UNAPREĐENJE POLOŽAJA READMISIRANIH POVRATNIKA U GRADU TUZLA 2015. - 2018. GODINE
8. RAZMATRANJE I USVAJANJE LOKALNOG AKCIONOG PLANA ZA RE/INTERGACIJU BH DRŽAVLJANA KOJI SE VRAĆAJU PO OSNOVU SPORAZUMA O READMISIJI NA PODRUČJE GRADA TUZLA ZA PERIOD 2019. - 2022. GODINA
9. RAZMATRANJE INFORMACIJE O PROBLEMATICI SNABDIJEVANJA ELEKTRIČNOM ENERGIJOM PODRUČJA GRADA TUZLA
10. RAZMATRANJE IZVJEŠTAJA KOMISIJE ZA IZBOR I IMENOVANJE
11. TEKUĆA PITANJA

Obavještavam vijećnike da je Kolegij Gradskog vijeća Tuzla održao sjednicu neposredno pred početak ove dvadesetšeste sjednice te razmotrio blagovremene prijedloge za dopunu dnevnog reda.

Gradonačelnik Grada Tuzle je predložio da se u dnevni red današnje 26. redovne sjednice Gradskog vijeća Tuzla uvrsti tačka pod nazivom:

Razmatranje i donošenje Odluke o dodjeli u zakup poslovnog prostora neposrednom pogodbom Udruženju za osobe sa invaliditetom „Duga“.

Kolegij Gradskog vijeća je prihvatio ovaj prijedlog te predlaže da se u dnevni red 26. redovne sjednice Gradskog vijeća Tuzla, kao tačka 3. uvrsti:

RAZMATRANJE I USVAJANJE IMOVINSKO-PRAVNIH AKATA:

a) Odluke o dodjeli u zakup poslovnog prostora neposrednom pogodbom Udruženju za osobe sa invaliditetom „Duga“ a da se ostale tačke redosljedom pomjere.

Sada stavljam na izjašnjavanje ovaj prijedlog Kolegija Gradskog vijeća Tuzla i pozivam vijećnike da aktiviraju uređaje za elektronsko glasanje i da se pritiskom na odgovarajući taster izjasne za prijedlog, ili protiv prijedloga, ili kao suzdržani u odnosu na prijedlog. Glasanje je okončano.

Konstatujem da je prijedlog Kolegija Gradskog vijeća Tuzla, na inicijativu Gradonačelnika Grada Tuzle, da se u dnevni red 26. redovne sjednice Gradskog vijeća Tuzla, kao tačka 3 uvrsti:

RAZMATRANJE I USVAJANJE IMOVINSKO-PRAVNIH AKATA

a) Odluke o dodjeli u zakup poslovnog prostora neposrednom pogodbom Udruženju za osobe sa invaliditetom „Duga“ a da se ostale tačke dnevnog reda redosljedom pomjere, usvojen s 29 glasova za, bez glasova protiv i bez suzdržanih glasova.

Gradonačelnik Grada Tuzle je predložio da se u dnevni red današnje 26. redovne sjednice Gradskog vijeća Tuzla uvrsti tačka pod nazivom:

Razmatranje i donošenje Odluke o utvrđivanju javnog interesa za izvođenje radova na rekonstrukciji postojeće prilazne saobraćajnice u kompleks „DITA 1977“ u Tuzli sa izgradnjom dvostranog uzdignutog trotoara.

Kolegij Gradskog vijeća je prihvatio ovaj prijedlog te predlaže da se u dnevni red 26. redovne sjednice Gradskog vijeća Tuzla, kao podtačka b) tačke 3. RAZMATRANJE I USVAJANJE IMOVINSKO-PRAVNIH AKATA uvrsti:

Odluka o utvrđivanju javnog interesa za izvođenje radova na rekonstrukciji postojeće prilazne saobraćajnice u kompleks „DITA 1977“ u Tuzli sa izgradnjom dvostranog uzdignutog trotoara.

Sada stavljam na izjašnjavanje ovaj prijedlog Kolegija Gradskog vijeća Tuzla.

Pozivam vijećnike da aktiviraju uređaje za elektronsko glasanje i da se pritiskom na odgovarajući taster izjasne za prijedlog, ili protiv prijedloga, ili kao suzdržani u odnosu na prijedlog. Glasanje je okončano.

Konstatujem da je prijedlog Kolegija Gradskog vijeća Tuzla, da se u dnevni red 26. redovne sjednice Gradskog vijeća Tuzla, kao podtačka b) tačke 3. RAZMATRANJE I USVAJANJE IMOVINSKO-PRAVNIH AKATA uvrsti:

Odluka o utvrđivanju javnog interesa za izvođenje radova na rekonstrukciji postojeće prilazne saobraćajnice u kompleks „DITA 1977“ u Tuzli sa izgradnjom dvostranog uzdignutog trotoara, usvojen jednoglasno s 29 glasova za, bez glasova protiv i bez suzdržanih glasova.

Podsjećam vijećnike da je članom 61. stav 5. Poslovnika Gradskog vijeća Tuzla propisano da izuzetno vijećnici i gradonačelnik mogu tražiti izmjenu dnevnog reda na sjednici, te pitam da li ima prijedloga za izmjenu dnevnog reda u skladu sa navedenim članom?

Pardon. Izvolite. Omer Delalić, SBB. Izvolite.

OMER DELALIĆ – vijećnik Saveza za bolju budućnost

Hvala predsjedavajući. Koristim priliku, da u skladu s Poslovníkom, na samoj sjednici mogu da predložim tačku dnevnog reda.

Tražim da se u dnevni red uvrsti tačka šta je učinjeno ispred grada u cilju aerorozagađenja?

Zaključkom Gradskog vijeća Tuzla usvojenim na 15-toj redovnoj sjednici Gradskog vijeća Tuzla održanoj 23. 1. 2018. godine se traži da se za svaku narednu sjednicu Gradskog

vijeća dostavlja informacija koja bi trebala da sadrži podatke koji su zaključci realizovani sa 15-te redovne sjednice Gradskog vijeća Tuzla održane 23. 1. 2018. godine, kao i ranijih sjednica Gradskog vijeća na kojima se raspravljalo na temu aerozagađenja na području grada Tuzle.

Takođe idem malo i u prošlost. Zaključkom Gradskog vijeća Tuzla usvojenog na 17. sjednici Gradskog vijeća Tuzla održanoj 23. 12. 2015. godine se Služba za komunalne poslove, izgradnju i poslove mjesnih zajednica obavezuje da dostavi informaciju o broju toplificiranih objekata i da redovno izvještava Gradsko vijeće o projektima toplifikacije. Mi tih informacija nemamo i mislim da bi ova tačka trebala da se uvrsti u dnevni red. Hvala.

ALEKSANDAR VUJADINOVIĆ

U redu. Hvala. Elvir Mahmuzić, SDP.

ELVIR MAHMUZIĆ - vijećnik Socijaldemokratske partije

Hvala. Pa nije sporno da raspravljamo o bilo kojoj informaciji, o bilo kojem pitanju na ovoj sjednici Gradskog vijeća. Međutim, evo i sam je kolega rekao da nemamo informaciju.

Ja ne vidim svrhu da raspravljamo o nečemu što nemamo pisanog traga, odnosno nikakvog dokumenta koji se zove informacija o kojoj bi raspravljali.

Znači, možemo mi podržati ovu tačku dnevnog reda da se raspravlja ali šta ćemo kada dođemo do te tačke dnevnog reda, nemamo nikakav pisani trag. Tako da predlažem da se ne raspravlja, nego da se pripremi možda za jednu od narednih sjednica.

ALEKSANDAR VUJADINOVIĆ

U redu. Hvala lijepo. Replika Omer Delalić.

OMER DELALIĆ

Pa ja bi pitao ko je kriv za to? 23. 1. 2018. godine tematska sjednica, zadužen je neko da nam da informaciju za svako vijeće. Mi smo imali samo na jednom vijeću informaciju o tome šta je učinjeno ispred grada.

Insistiram na tome. Vjerujte da, evo dolazi period. Već je nekoliko dana bilo da smo mogli da vidimo zagađenje. Znači, stanujem u dijelu grada gdje su individualna ložišta. Znači nas tek čeka ovaj period i mislim da deset mjeseci je bilo dovoljan period da se pripremi ta informacija. Hvala.

ALEKSANDAR VUJADINOVIĆ

U redu. Mirnes Ajanović, BOSS. Izvolite.

MIRNES AJANOVIĆ

Prijedlog je opravdan jer trebalo je prije početka zimske sezone grijanja, bez obzira da li je to centralno ili individualno, pogotovo što je individualno, dobiti na evo sjednicu Vijeća jednu informaciju sažetu o tome.

Mi imamo danas već operativne akte koji će pomoći smanjenju zagađenja kroz recimo izmjenu Odluke o dimnjačarskoj službi, ali to je parcijalno. Ipak smo mi trebali imati određenu informaciju i smatram da treba tačka biti na dnevnom redu, ne da bi mi raspravljali o nečemu što nismo dobili, nego da bi, kao Vijeće, blago rečeno, osudili nedostavljanje informacije shodno zaključku Gradskog vijeća jer je potrebno da takvu tačku imamo i radi više okolnosti pa čak evo i kroz budžet.

Da kroz i nacrt budžeta zatražimo veća sredstva za rješavanje individualnih ložišta u smislu nabavljanja alternativnih načina grijanja kao što su pelet ili slično. Tamo gdje nije moguće centralno grijanje, a gdje je to, posebno u uskom dijelu gdje se nalazi više stambenih objekata.

Nebitno da li to bio urbani ili ruralni dio, tako da je opravdan ovaj prijedlog i podržavam ga.

ALEKSANDAR VUJADINOVIĆ

Dobro. Erna Mešić Delić. Izvolite.

ERNA DELIĆ - vijećnik Socijaldemokratske partije

Zahvaljujem predsjedavajući. Ja bih samo napomenula cijenjene vijećnike, kao i kolegu Omera, da on radi i djeluje u okviru Kluba Saveza za bolju budućnost, koji ima svog predstavnika u Kolegiju Gradskog vijeća koji sačinjava prijedlog sjednice dnevnog reda koji se sastaje redovno nekoliko dana prije svake sjednice dnevnog reda, tako da ste imali evo, kao i svi drugi klubovi, imali ste priliku predložiti za ovu sjednicu tu tačku dnevnog reda. Zadužiti određenu nadležnu službu koja bi pripremila adekvatnu informaciju koju bismo mi danas razmatrali.

Ukoliko ovo ostane na dnevnom redu sa čime se naravno i mi slažemo, da je to tematika kojoj itekako treba posvetiti posebnu pažnju, ali evo ne vidim šta bismo danas mi razmatrali osim prethodnih zaključaka koje i sami imamo dostupne na web stranici i ne znam ko bi nam pružio bilo kakve vrste odgovora.

Još jednom ću napomenuti Kolegij Gradskog vijeća sačinjava prijedlog dnevnog reda za ove sjednice, svaki klub ima svog predstavnika tamo pa ja vas molim, da evo i na tim sjednicama se insistira na ovoj tački za koju smo se svi jednoglasno izjasnili da se nalazi na svakoj sjednici Gradskog vijeća. Zahvaljujem.

ALEKSANDAR VUJADINOVIĆ

Hvala. Replika Mirnes Ajanović. Izvolite. Pardon nisam čuo. Izvinjavam se nisam čuo da se Elvir Mahmuzić javio za repliku. Nije, nije on je ranije ali nisam.

ELVIR MAHMUZIĆ

Hvala. S obzirom da sam ja imao repliku kolegi Omeru da završimo tu repliku. Dakle, da se ne stvori utisak da smo mi protiv razmatranja neke informacije. I mi želimo informaciju naravno shodno zaključcima, a znamo svi dobro da je ovo Vijeće dosta toga uradilo kada je u pitanju va problematika i da ne stvaramo drugu sliku u ovom Vijeću.

Ja samo kažem da je teško raspravljati o nekoj tački dnevnog reda ukoliko nemamo nikakvu informaciju.

Dakle, evo tražimo da se na jednu od narednih sjednica to dostavi pa kako bi imali pisani trag nečega o čemu bi mogli usvojiti određene zaključke, ako treba i kritikovati itd.

Međutim, kako ćemo sad kritikovati ukoliko nemate pisani neki trag? Nemate dokumenta o kojem bi raspravljali.

Eto toliko samo sam to htio da se javim da se ne stvara utisak da smo mi protiv neke informacije koju i mi sami želimo. Hvala.

ALEKSANDAR VUJADINOVIĆ

U redu. Hvala. Replika Omer Delalić. Izvolite.

OMER DELALIĆ

Replika mom kolegi Elviru. Ja uopšte nisam, ovdje se radi o zamjeni teza. Ja uopšte nisam rekao da Vijeće ne radi. Vijeće je donijelo zaključke.

Mene samo interesuje. Ko je taj ko je odgovoran za neispunjavanje zaključaka Vijeća? Hvala.

ALEKSANDAR VUJADINOVIĆ

U redu. Hvala lijepo. Mirnes Ajanović, replika.

MIRNES AJANOVIĆ

Koleginica Deliće je dobro konstatovala da je i kolega Delalić propustio da na vrijeme predloži ovakvu tačku dnevnog reda kako bi se mogla pripremiti informacija.

Mi po Poslovniku imamo pravo i na sjednici Vijeća to uraditi. I vjerovatno je to rezultat ove dvije ubrzane sjednice da nije se stiglo prije tražiti da se dostavi informacija.

Kolega sada je to zatražio, sjetio se sada, sasvim nebitno, zato imamo mogućnost da na sjednici Gradskog vijeća predložimo tačke, nekada i sam ulazak u salu ili slično rezultira time da nas asocira na određene obaveze koje smo smatrali da je trebalo uraditi, pa ili nismo stigli sasvim nebitno iz kojih razloga.

Dakle da konstatujemo dakle jeste problem što danas predlaže se tačka, što to nije urađeno prije nekoliko dana, ali bolje je i danas bar da Vijeće ima tačku, evo ne moramo mi to sad generalno reći, osuđujemo mi nekoga što nije nego da kroz tačku Vijeća u najkraćem što budemo mogli, evo već smo odprilike rekli sve što je trebalo, zatražimo da nam se za narednu sjednicu pripremi i prijedlog mjera. Informacija sa prijedlogom mjera kako da ovu zimu prezimimo ili preživimo u što eto manjem zagađenju u gradu Tuzli.

Zbog toga je potrebno da bude u dnevnom redu.

ALEKSANDAR VUJADINOVIĆ

U redu. Hvala lijepo. Mensur Alić, Tuzlanska alternativa. Izvolite.

MENSUR ALIĆ

Pa evo, mi nismo protiv ove tačke dnevnog reda, ali ulazimo u nešto što ćemo uvesti u praksu na ovom Vijeću da možemo predlagati tačke neke koje nismo dogovorili prije i za koje nemamo materijal.

Evo ja sad ako se ide glasati za ovu tačku, naravno, ovo bi bilo politički ludo da mi ne podržimo i to ja razumijem zašto se ide na ovaj način, ja takođe sad predlažem tačku dnevnog reda, jer sam mislio da bude vijećničko pitanje. Postavljam, takođe tražim da se uvrsti tačka dnevnog reda i to je informacija o Poslovnoj zoni Sjever. Juče sam bio u obilasku, jer evo ja sam, jer ovo je takođe hitno.

Jer nam stoji pet objekata dole bez struje. Zbog čega stanica nije urađena i sve ostalo? Ja to mogu iskoristiti fantastično u dnevnom redu. I tražim da se uvrsti i ova tačka, ako će se uvrstiti ova od prijedloga SBB-a ja predlažem ovu tačku. I onda ćemo tako ići u nedogled. Sad će slijedeći vijećnik, umjesto inicijative, predložiti tačku dnevnog reda.

Ulazimo u nešto što nije dobro, mislim da nije dobro za ovo Vijeće, mislim nemamo informacija a gubit ćemo bez veze vrijeme. Zahvaljujem.

ALEKSANDAR VUJADINOVIĆ

U redu. Hvala. Znači podsjećam vijećnike da je članom 61. stav 5. Poslovnika Gradskog vijeća Tuzla propisano da izuzetno, znači nešto što je vjerovatno, kako sam ja shvatio, hitno, neodložno, naglo iskršlo jel, vijećnici i gradonačelnik mogu tražiti izmjenu dnevnog reda na sjednici i iz tog razloga je znači jel prema Poslovniku predviđeno da se na taj način obrati vijećnicima i pita da li ima prijedloga za izmjenu i dopunu dnevnog reda.

Znači smao u izuzetnim slučajevima. U redu. Alen Kapidžić, SDP. Izvolite. Poslovnička Elvir Kasumović. Izvolite.

ELVIR KASUMOVIĆ – vijećnik Saveza za bolju budućnost

Poslovničku koristim predsjedavajući samo da, da osobe, odnosno vijećnici koji su se javili redosljedom da tako i poštujete taj redosljed vezano za replike.

Ja sam se već davno javio po tački vezano za repliku evo već. (ALEKSANDAR VUJADINOVIĆ –Ja se izvinjavam, nisam vidio.) I dopredsjedavajući isto tako. (ALEKSANDAR VUJADINOVIĆ – Ja se izvinjavam nisam vidio, nisam čuo da ste rekli replika inače bi reagovao. OK. Je li replika? Elvir Kasumović replika. Kome?)

Gospođi Delić. (ALEKSANDAR VUJADINOVIĆ – Dobro. Hvala.)

Upravo sam htio da samo ovo što ste vi maloprije pročitali da i vijećnici iznimno na samoj sjednici mogu da delegiraju tačke dnevnog reda. Moj član Kluba iz Saveza za bolju budućnost, gospodin Omer Delalić je iskoristio svoje vijećničko pravo i sad ne vidim problem po tom pitanju šta je sada konkretno.

Kada mu Poslovnik dozvoljava da to tako nešto. Vidimo da je Gradonačelnik iskoristio isto tako vezano za neke trotoare ovamo, mi smo to podržali, ne znamsad šta je problem da se i ova rak rana grada Tuzle da se stavi na dnevni red.

U stvari ne tražimo mi nit po tom pitanju da se stavi nešto na dnevni red, nego pitamo samo zbog čega se nešto nije ispoštovalo, ono što je doneseno jednoglasnom odlukom Gradskog vijeća Tuzla?

Mi kao vijećnici želimo da se poštujemo. Ako to neko ne želi neka to javno kaže. Ne mora se moja riječ, ja i kad jasno i glasno glasam za nešto ne morate to poštovati, ali mi tražimo da se naše poštuje. Mi u Klubu Saveza za bolju budućnost.

Prema tome, tražimo da se ispoštuje zaključak sa ove sjednice koju je gospodin Delalić naveo i da nam se lijepo informacija svakog vijeća dostavlja i smatrali smo da je to završena stvar.

Sad što se nije dostavljalo ne znamo zbog čega nam se nije dostavljalo. Neka nam se kaže zbog čega. Možda su postojali, pardon, možda postoje opravdani razlozi po tom pitanju, a možda ne.

Znači samo neka nam se dostavljaju informacije i ukoliko nam se ne dostavljaju neka nam se obrazloži zbog čega se ne dostavljaju.

Jer je to zaključak Gradskog vijeća i svi smo to jednoglasno donijeli na sjednici koja je održana u januaru mjesecu ove godine.

ALEKSANDAR VUJADINOVIĆ

U redu. Hvala lijepo. Mensur Alić.

MENSUR ALIĆ

Tražim pauzu od deset minuta. Neka predsjednici klubova sjedu i dogovore se oko dnevnog reda ponovo. Zahvaljujem.

ALEKSANDAR VUJADINOVIĆ

U redu. Prihvata se znači pauza. Dajem pauzu od deset minuta. (Pauza.)

Nastavljamo s radom. Kao što ste čuli zatražena je znači pauza u kojoj se Kolegij sastao prodiskutovao znači i donjeo neke stavove vezano za prijedloge o izmjenama i dopunama dnevnog reda i stav Kolegija je da s obzirom na činjenicu da danas nemamo potrebno materijala o kojem bi mogli diskutovati, a koji se odnose na ova dva prijedloga od strane vijećnika koji su dali svoje prijedloge za izmjenu i dopunu dnevnog reda.

Da se tačka o informaciji i realizaciji sprovedenih aktivnosti vezanih znači za toplifikaciju i rješavanje znači problema aerozagađenja pripremi znači za slijedeću sjednicu i da se kao tačka, mislim dva uvrsti u dnevni red slijedeće sjednice.

U isto vrijeme uputit će se zahtjev odgovarajućim resornim službama da nam pripreme izvještaj zašto nismo dobili izvještaje koji su planirani na tromjesečnom nivou onako prema zaključcima Vijeća koje je to ranije donijelo zajedno sa svim informacijama o tome šta je do sada realizovano po pitanju toplifikacije i šta se planira u narednom periodu realizovati.

Shodno tome pitam vijećnika Delalića da i uvažava ovaj stav Kolegija i da li ostaje kod inicijative za uvrštavanje tačke dnevnog reda ili povlači, nakon ovog pojašnjenja?

OMER DELALIĆ

Pa u cilju rješavanja ovog problema aerozagađenja i razgovoru sada znači na ovom Kolegiju, povlačim ovu tačku dnevnog reda.

ALEKSANDAR VUJADINOVIĆ

U redu. Hvala lijepo. Znači usvaja se prijedlog Kolegija da se kao tačka dva uvrsti znači na slijedeću sjednicu dnevnog reda, znači zajedno sa obrazloženjima koje smo upravo dali.

Takođe shodno znači prijedlogu gospodina Mensura alića da se u današnji dnevni red uvrstii tačka koja se tiče Poslovnih zona takođe Kolegij je dao svoje mišljenje i dao prijedlog da se kao tačka dnevnog reda na slijedećoj narednoj sjednici uvrsti i ova tačka, pa shodno

tome pitam gospodina Mensura Alića znači da li ostaje kod prijedloga da se u današnji dnevni red sjednicu znači uvrsti ova tačka ili povlaći svoje prijedlog?

MENSUR ALIĆ

Povlaćim svoj prijedlog ali takođe da bude isto, da se informacija kompletna pripremi za Vijeće kako bi što lakše došli do zaključaka po toj tački dnevnog reda. Hvala.

ALEKSANDAR VUJADINOVIĆ

U redu. Hvala lijepo. Znači takođe ćemo resornim službama uputiti zahtjev da nam daju punu informaciju o realizaciji i zaključaka Gradskog vijeća i svih aktivnosti koje se tiču realizacije projekta poslovnih zona znači Kreka.

U redu. Onda s obzirom da smo već ranije imali prijedloge za izmjenu i dopunu dnevnog reda, a nakon diskusija koje su znači ovome uslijedile. Sada pitam vijećnike shodno materijalu i prijedlogu dnevnog reda zajedno sa usvojenim promjenama i dopunama dnevnog reda da se izjasne o dnevnom redu u cjelini.

Pozivam vijećnike da aktiviraju uređaje za elektronsko glasanje i da se pritiskom na odgovarajući taster izjasne za prijedlog, ili protiv prijedloga, ili kao suzdržani u odnosu na prijedlog. Glasanje je okončano.

Konstatujem da je današnji dnevni red u cjelini usvojen jednoglasno sa 28 glasova za, bez glasova protiv i bez suzdržanih glasova:

D N E V N I R E D

1. VIJEĆNIČKA PITANJA I INICIJATIVE

2. a) NACRT BUDŽETA GRADA TUZLA ZA PERIOD OD 01. 01. - 31. 12. 2019. GODINE

b) NACRT ODLUKE O IZVRŠENJU BUDŽETA GRADA TUZLA ZA PERIOD 01. 01. - 31. 12. 2019. GODINE

c) ODLUKA O IZMJENAMA I DOPUNAMA BUDŽETA GRADA TUZLA ZA PERIOD 01. 01. DO 31. 12. 2018. GODINE

3. IMOVINSKO-PRAVNA AKTA:

a) Odluka o dodjeli u zakup poslovnog prostora neposrednom pogodbom Udruženju za osobe sa invaliditetom „Duga“

b) Odluka o utvrđivanju javnog interesa za izvođenje radova na rekonstrukciji postojeće prilazne saobraćajnice u kompleks „DITA 1977“ u Tuzli sa izgradnjom dvostranog uzdignutog trotoara

4. ODLUKA O DOJELI JAVNIH PRIZNANJA U 2018. GODINI

5. ODLUKA O DAVANJU SAGLASNOSTI NA ODLUKU O UTVRĐIVANJU CIJENA DIMNJAČARSKIH USLUGA NA PODRUČJU GRADA TUZLA

6. INFORMACIJA O PROVEDENOM POSTUPKU JAVNOG OGLAŠAVANJA SA UTVRĐENOM RANG LISTOM KANDIDATA ZA IZBOR ČLANA UPRAVNOG ODBORA JAVNE USTANOVE CENTAR ZA SOCIJALNI RAD TUZLA

7. IZVJEŠTAJ O RADU I POSLOVANJU JAVNIH I DRUGIH PREDUZEĆA, ČIJI JE OSNIVAČ ILI SUOSNIVAČ GRAD TUZLA ZA 2017. GODINU

a) JP RTV 7 d.o.o. Tuzla

8. a) INFORMACIJA O REALIZACIJI AKTIVNOSTI NA RJEŠAVANJU STAMBENIH PROBLEMA RASELJENIH LICA I SOCIJALNE KATEGORIJE STANOVNIKA

b) INFORMACIJA O IMPLEMENTACIJI LOKALNOG AKCIONOG PLANA ZA UNAPREĐENJE POLOŽAJA READMISIRANIH POVRATNIKA U GRADU TUZLA 2015. - 2018. GODINE

9. LOKALNI AKCIONI PLAN ZA RE/INTERGACIJU BH DRŽAVLJANA KOJI SE VRAĆAJU PO OSNOVU SPORAZUMA O READMISIJI NA PODRUČJE GRADA TUZLA ZA PERIOD 2019. - 2022. GODINA

10. INFORMACIJA O PROBLEMATICI SNABDIJEVANJA ELEKTRIČNOM ENERGIJOM PODRUČJA GRADA TUZLA

11. IZVJEŠTAJ KOMISIJE ZA IZBOR I IMENOVANJE

12. TEKUĆA PITANJA

Prelazimo na prvu tačku Dnevnog reda:

VIJEĆNIČKA PITANJA I INICIJATIVE

Pa ćemo prozivati znači one vijećnike koji su priložili svoja pitanja.
Amela Čehajić, DF. Izvolite.

AMELA ČEHAJIĆ – vijećnik Demokratske fronte

Hva predsjedavajući. Želim sve srdačno da vas pozdravim. Ovom prilikom želim da postavim dva vijećnička pitanja.

Na osnovu člana 162. Poslovnika Gradskog vijeća Tuzla postavljam vijećničko pitanje. Postavljam pitanje nadležnoj službi da li su u mogućnosti da sprovedu dopunu projekta toplifikacije u mjesnoj zajednici Šićki Brod u ulici 21. aprila od broja 90 do 98. ukupno osam objekata?

Obrazloženje. Projektom toplifikacije u mjesnoj zajednici Šićki Brod su izostavljeni gore navedeni objekti, ovim putem postavljam pitanje na koji način bi se mogao dopuniti ovaj projekat da bi građani pomenute ulice bili priključeni na sistem daljinskog grijanja.

I drugo vijećničko pitanje. Da li postoji mogućnost postavljanja četiri stuba javne rasvjete u mjesnoj zajednici Šićki Brod ulica 21. aprila od broja 90. do broja 98.

Obrazloženje. Gore navedeni objekti se nalaze u neposrednoj blizini Termoelektrane kao i pored magistralnog puta ispod petlje Šićki Brod, a bili su izostavljeni iz svih projekata postavljanja javne rasvjete, molim vas da sagledate mogućnost postavljanja rasvjete u ovom dijelu naselja. Hvala.

ALEKSANDAR VUJADINOVIĆ

U redu. Hvala lijepo. Slijedeće vijećničko pitanje Edim Kadić, samostalni vijećnik. Izvolite.

EDIM KADIĆ – samostalni vijećnik

Želim, prije svega, sve da vas sve pozdravim i da nam zaželim uspješan rad.

Ja bi zamolio, prije nego što pročitam ova dva vijećnička pitanja da mi se dostave odgovori na vijećnička pitanja koja sam postavio jedan gradonačelniku Grada Tuzle, a drugo je Službi za finansije. Gradonačelnika da podsjetim da se radi o pitanju vezano za uništenje

Kampa na kiseljaku i podjelu humanitarne pomoći. A drugo vijećničko pitanje službi za finansije nisam dobio odgovor na vijećničko pitanje o primanjima vijećnika od 2012. do danas.

Moja današnja dva pitanja vrlo kratko. Poštovani sekretaru, odnosi se znači prema sekretaru Gradskog vijeća.

Poštovani sekretaru Gradskog vijeća prema Poslovniku Gradskog vijeća Tuzla član 25. piše: U sastav radnog tijela mogu biti birani vijećnici i osobe koje nisu vijećnici, a poznavao ci su oblasti koja je u nadležnosti radnog tijela.

Pošto imam informacije da u radnim tijelima nije tako, tražim da mi se dostave imenima i prezimenima svih članova radnih tijela, komisija, njihova stručna sprema, godine radnog iskustva i firme u kojima radili ili ako su otišli u mirovinu gdje su radili prije toga.

Moje drugo pitanje. Prvo bi želi da se zahvalim ovdje prisutnom vijećniku koji je na jednoj od prethodno održanih sjednica Gradskog vijeća postavio slično pitanje, jer ja nisam znao da mi vijećnici možemo utjecati na to ko može biti direktor Javnog preduzeća ili Javne ustanove. Moje pitanje glasi:

Imajući u vidu da će Javno komunalno preduzeće Panonika d.o.o. vjerovatno zbog izuzetno lošeg vremena ove godine poslovati negativno da li će preduzeti mjere u cilju snakcionisanja direktora, odnosno smjene istog i da li ćete mu uskratiti imenovanje u slučaju da se ponovo kandiduje za mjesto direktora?

Napominjem da direktor obavlja tu funkciju dugi niz godina i bila bi šteta da ne nastavi i dalje. Hvala lijepo.

ALEKSANDAR VUJADINOVIĆ

U redu. Hvala lijepo. Slijedeće vijećničko pitanje šef Kluba vijećnika Tuzlanske alternative. Izvolite. Nedžad Malikić.

NEDŽAD MALIKIĆ – vijećnik Tuzlanske alternative

Hala predsjedavajući. Pošto se prvi put danas javlja za riječ želim da pozdravim sve prisutne.

Za današnju sjednicu Gradskog vijeća planirao sam da postavim tri vijećnička pitanja. Prvo vijećničko pitanje upućujem Službi za komunalne poslove, izgradnju i poslove mjesnih zajednica i Rudniku soli Tušanj.

Tražimo da mi se dostavi informacija o realizaciji projekta za put kroz Rudnik soli za naselje Mandići.

Obrazloženje. Imajući u vidu da su za navedeni projekat obezbijedena sredstva u visini od 900.000 KM, od toga su kreditna sredstva 500.000 maraka i iz Budžeta je izdvojeno 400.000 maraka za ovu godinu, neophodno je da mi se dostavi pojašnjenje o planiranoj realizaciji i rokovima izgradnje navedene dionice puta u naselju Mandići.

Ono što mene konkretno interesuje to je da li je završen glavni projekat, da li je završena revizija istog i da li je za isti dobivena od Rudnika soli saglasnost.

Na ova moja vijećnička pitanja koja sada postavljam tražim da se od Službe i od Rudnika na ova moja pitanja kako da odgovor meni da se ta pitanja dostavljaju u one mjesne zajednice odakle su ovi projekti.

Konkretno radi se ovdje o Mjesnoj zajednici Tušanj i tražim da se ovo vijećničko pitanje dostavi Savjetu Mjesne zajednice koji je upoznat sa svim ovim problemima.

Drugo vijećničko pitanje upućujem takođe Službi za komunalne poslove, izgradnju i poslove mjesnih zajednica. Tražim da mi se dostavi informacija o realizaciji projekta

vodosnabdijevanja visinskih zona grada Tuzle, konkretno na lokalitetu mjesne zajednice Solina tj. u naseljima Mala Solina i Pekmezije.

Obrazloženje. Znajući da imamo projekat, projektnu dokumentaciju te da su obezbjeđena sredstva za realizaciju istih, raspisana javna nabavka, molim da mi se dostavi i informacija o toku i daljim aktivnostima naavedenog projekta.

Ovdje moram samo istaći da su za dio ovoga projekta konkretno za naselje Pekmezije još u 2000-toj, i 2010-toj sakupljena sredstva. Znači prošlo je nekih osam godina, još taj projekat nije realiziran.

Treće moje pitanje. Takođe tražim Službi za komunalne poslove, izgradnju i poslove mjesnih zajednica, tražim da mi se dostavi informacija o projektu dvije raskrsnice na području grada Tuzla koje su planirane da se rade, a to je mjesna zajednica Solana i mjesna zajednica Batva – naselje Paša Bunar.

Imajući u vidu problematiku na ove dvije raskrsnice molim da mi se odgovori na vijećničko pitanje. Znamo da smo obezbijedili finansijska sredstva još u 2017-toj za prvu fazu, a to je projekat, projektna dokumentacija, takođe smo imali određena sredstva u ovoj godini. Živo me interesuje da vidim zbog čega i iz kojeg razloga ovi projekti nisu došli ni u prvu fazu. I takođe tražim, kao što sam na početku rekao da se u Mjesnu zajednicu Batva dostavi ovo moje vijećničko pitanje, ono kako se odgovori meni da se odgovori i Savjetu Mjesne zajednice kako bi i na koji način mogli dalje postupati po tome. Hvala.

ALEKSANDAR VUJADINOVIĆ

U redu. Hvala lijepo. Slijedeće vijećničko pitanje Omer Delalić, vijećnik SBB BiH. Izvolite.

OMER DELALIĆ – vijećnik Saveza za bolju budućnost

Hvala. Postavljam pitanje Službi za komunalne poslove, izgradnju i poslove mjesnih zajednica i Javnom komunalnom preduzeću Saobraćaj i komunikacije. Kada ćete popraviti semafor na raskrsnici kod Crkve Svetog Pavla i Petra?

Obrazloženje. Već duži vremenski period je u kvaru semafor na pomenutoj raskrsnici. To u mnogome otežava saobraćaj na raskrsnici što je dovelo do većeg broja saobraćajnih udesa na ovom dijelu puta. Svi udesi su mogli biti izbjegnuti sa blagovremenim reagovanjem odgovornih na otklanjanju kvara. time bi se izbjegle i materijalne štete na vozilima naših sugrađana. Tražim što hitniju reakciju odgovornih. Hvala.

ALEKSANDAR VUJADINOVIĆ

Hvala. Ovim smo iscrpili vijećnička pitanja. Shodno članu 162. Poslovnika sada ćemo pročitati vijećničke inicijative, odnosno vijećnike koji su ih podnijeli pa ukoliko žele da ih pročitaju. Rejhana Dervišević, SDP. Izvolite.

REJHANA DERVIŠEVIĆ - vijećnik Socijaldemokratske partije

Hvala predsjedavajući. Sve vas srdačno pozdravljam.

U skladu s članom 162. Poslovnika Gradskog vijeća podnosim Inicijativu za realizaciju projekta adaptacije i rekonstrukcije zgrade Muzeja Istočne Bosne i nabavku opreme u skladu sa normativima i standardima utvrđenim članom 15. Zakona o muzejskoj djelatnosti Tuzlanskog kantona.

Obrazloženje. Zgrada Muzeja istočne Bosne u Tuzli je u katastrofalnom stanju, a ionako tešku situaciju u ovoj historijskoj riznici koja čuva izuzetno vrijedne eksponate dodatno ugrožavaju vandali kojima je ova ustanova kulture konstantno na meti.

U posljednjih pet mjeseci Muzej je napadnut - kamenovan više od 10 puta. Osim verbalnih osuda ovog vandalizma, nije mi poznato da je osnivač učinio ikakav drugi konkretni korak na zaštiti više od 30.000 eksponata, među kojima su eksponati neprocjenjive vrijednosti iz neolita - starosti više od 7000 godina, koji svjedoče o kontinuitetu života na ovim prostorima, od prahistorije pa do danas. kao i 15000 knjiga prikupljenih više od 7 decenija.

Naime, oni koji to nisu znali, vidjeli su putem sredstava javnog informisanja da građa iznimne vrijednosti smještena u neuslovnoj zgradi za koju, očigledno, osnivač ne pokazuje nikakav interes. Čak ni u ovoj, 2018.godini, koja je proglašena Evropskom godinom kulturne baštine.

Treba istaći i činjenicu da se u periodu od osnivanja, 1947. do 2004. godine Muzej selio 20 puta, te da je Grad Tuzla Muzeju na trajno korištenje dao zgradu i pripadajuće zemljište u naselju Kojšino, višemilionske vrijednosti Tako je muzej dobio smještaj, ali nažalost ne i potrebnu podršku Tuzlanskog kantona kao Osnivača, kako u ljudskim resursima, tako i materijalnu u cilju zaštite našeg kulturno-istorijskog nasljeđa koje Muzej čuva, te sprječavanja kako marginalizacije naše prošlosti, tako i propadanja kulturnog identiteta naših naroda i države u cjelini.

Zgrada zahtijeva hitnu adaptaciju u skladu sa muzejskim standardima, a menadžment muzeja godinama traga za izvorom finansiranja za adaptaciju zgrade kao i izgradnju jednog pratećeg objekta. Koliko mi je poznato radi se o 2.000.000 maraka s tim da je kompletno završena projektna dokumentacija.

Osim toga za Muzej istočne Bosne neophodno je nabaviti opremu, koja bi služila za smještaj vrlo vrijednih eksponata.

Od Evropske unije, Federalnog ministarstva kulture i Gradske uprave Tuzle ranije je dodijeljen iznos od 240.000 KM, što je uloženo u dogradnju jednog dijela zgrade koji bi predstavljao izložbeni i administrativni prostor ove ustanove kulture.

Bez obzira na probleme koji su prisutni od njegovog osnivanja 1947. godine, a što se prvenstveno odnosi na otežane i neadekvatne uslove smještaja (muzejski eksponati su trenutno smješteni u četiri objekta na različitim lokacijama u gradu), kao i nedovoljan broj stručnog kadra, potrebno je istaći da je muzejska djelatnost obavljana profesionalno, te je Muzej istočne Bosne Tuzla uvijek bio jedan od značajnijih muzeja u Bosni i Hercegovini.

Muzej istočne Bosne je čuvar naše baštine i medijator kolektivnog iskustva koji je transparentnim, javnim i stalnim radom i javnim istupanjem doprinosa afirmaciji i promociji vrijednosti kojima se ponosimo.

Naše Gradsko vijeće je u povodu 2. oktobra ove godine dodijelilo Plaketu Grada Muzeju istočne Bosne za doprinos u očuvanju kulturne baštine i promicanju baštine i identiteta Tuzle, sjeveroistočne Bosne i Bosne i Hercegovine.

Odredbom člana 15. Zakona o muzejskoj djelatnosti Tuzlanskog kantona („Službene novine Tuzlanskog kantona“, broj 10/02. i 13/11.), propisano je slijedeće:

“Muzej može biti osnovan ako su, u skladu sa Normativima i standardima za muzejsku djelatnost, obezbijedjeni slijedeći uslovi:

- Odgovarajući broj zaposlenika,
- odgovarajući muzejski materijal,
- odgovarajući prostor i oprema,
- finansijska sredstva potrebna za osnivanje i početak obavljanja djelatnosti muzeja.

Finansijska sredstva za osnivanje i rad muzeja obezbjeđuje osnivač, odnosno suosnivači.

Normative i standarde iz stava 1. ovog člana donosi ministar obrazovanja, nauke, kulture i sporta.

Bliže uslove za osnivanje i rad muzeja iz stava 1. ovog člana utvrđuje ministar”.

Imajući u vidu, da je Vlada Tuzlanskog kantona osnivač JU Muzej Istočne Bosne Tuzla, nesumnjivo je da ona ima zakonsku obavezu da obezbijedi adekvatne uvjete za rad Muzeja Istočne Bosne, što podrazumijeva adekvatan prostor i opremu.

Kako bi se na svim nivoima vlasti u Federaciji BiH trebali pripremati nacrti budžetskih dokumenata, prema budžetskom kalendaru, a sve u skladu sa Zakonom o Budžetima („Službene novine Federacije Bosne i Hercegovine“, broj 102/13., 9/14., 13/14., 8/15., 91/15., 102/15. i 104/16.) smatramo da je pravi momenat da se krene u obezbjeđivanje sredstava, za adaptaciju zgrade i nabavku opreme za Muzej Istočne Bosne, a zatim i u realizaciju navedenog projekta.

S tim u vezi tražimo od Tuzlanskog kantona kao Osnivača, da pristupi realizaciji projekta adaptacije i rekonstrukcije zgrade Muzeja Istočne Bosne i nabavke opreme u skladu sa normativima i standardima utvrđenim članom 15. Zakona o muzejskoj djelatnosti Tuzlanskog kantona, te da Skupština TK, Vlada TK, nadležno Ministarstvo finansija TK i Ministarstvo za kulturu, sporta i pitanja mladih TK u budžetskoj 2019. godini planiraju sredstva za adaptaciju i rekonstrukciju zgrade i nabavku opreme za Muzeja Istočne Bosne u Tuzli u skladu sa normativima i standardima utvrđenim članom 15. Zakona o muzejskoj djelatnosti Tuzlanskog kantona, da u Planu izdataka kapitalnih investicija za 2019. godinu, Planu javnih nabavki za 2019. godinu planiraju radove na adaptaciji zgrade i nabavku opreme neophodne za zadovoljavanje propisanih standarda, kako bi se tokom budžetske 2019. godine otpočelo sa realizacijom navedenog projekta adaptacije Muzeja istočne Bosne i nabavkom propisane opreme.

Bilo je malo duže, ali je bilo potrebno. Hvala vam.

ALEKSANDAR VUJADINOVIĆ

U redu. Hvala lijepo. Slijedeća vijećnička inicijativa. Vijećnik SBB Omer Delalić. Izvolite.

OMER DELALIĆ

Hvala. Moja je kraća. Inicijativa za postavljanje svjetleće vertikalne signalizacije uz škole koje se nalaze uz putne komunikacije.

Radi poboljšanja sigurnosti učesnika u saobraćaju, a pogotovo školske populacije, tražim postavljanje svijetlećih displeja koji bi upozoravali vozače na blizinu škole i prikazivali brzinu kretanja motornih vozila kojima upravljaju. Hvala.

ALEKSANDAR VUJADINOVIĆ

U redu. Hvala lijepo. Ovim smo iscrpili znači Vijećnička pitanja i inicijative.

Prelazimo na drugu tačku Dnevnog reda:

a) NACRT BUDŽETA GRADA TUZLA ZA PERIOD OD 01. 01. - 31. 12. 2019. GODINE

b) NACRTA ODLUKE O IZVRŠENJU BUDŽETA GRADA TUZLA ZA PERIOD 01. 01. - 31. 12. 2019. GODINE

c) ODLUKE O IZMJENAMA I DOPUNAMA BUDŽETA GRADA TUZLA ZA PERIOD 01. 01. DO 31. 12. 2018. GODINE

Predlagač je gradonačelnik Grada Tuzle.

Obrađivač je Služba budžet i finansije.

Materijal su razmatrali Komisija za statutarna pitanja i propise, Komisija za ekonomske odnose, Komisija za prostorno uređenje i zaštitu okoline, Komisija za poduzetništvo, Komisija za mlade, obrazovanje i sport, Komisija za zaštitu prava nacionalnih manjina i klubovi vijećnika.

Pitam prisutne, da li ima potrebe da, u skladu sa članom 68. Poslovnika Gradskog vijeća Tuzla predlagač ili obrađivač daju uvodno izlaganje? Ima. Pozivam predstavnika Službe za budžet i finansije da nam daju uvodno izlaganje povodom ove tačke Dnevnog reda.

SUADA ISAKOVIĆ – Pomoćnik Gradonačelnika za Službu za budžet i finansije

Hvala predsjedavajući, pozdravljam sve prisutne i evo kao što je najavljeno danas je na Dnevnom redu set propisa koji definišu javne nabavke u Gradu Tuzla kao jedinici lokalne samouprave.

U skladu sa Zakonom o budžetima i budžetskim kalendarom Gradonačelnik Grada Tuzle je usvojio Nacrt Budžeta i proslijedio ga dalje Gradskom vijeću na razmatranje i usvajanje i ovaj dokument nakon usvajanja na Gradskom vijeću ide u proceduru javne rasprave i znači današnje razmatranje i usvajanje ovog dokumenta je pravna pretpostavka da se vodi javna rasprava o istom i da se do kraja kalendarske godine pripremi prijedlog, odnosno usvoji budžet Grada Tuzla za iduću kalendarsku godinu.

Uz a) NACRT BUDŽETA GRADA TUZLA ZA PERIOD OD 01. 01. - 31. 12. 2019. GODINE u skladu sa Zakonom o budžetima dobili ste informaciju vezano za dokument okvirnog budžeta koju je Gradonačelnik Grada u skladu sa zakonom usvojio u junu mjesecu 2018. godine i koji predstavlja okvir za usvajanje nacrtu budžeta za narednu budžetsku godinu i također smo, nakon što je Gradonačelnik utvrdio Nacrt ovog dokumenta pribavili Mišljenje od nadležnog Kantonalnog ministarstva finansija vezano za poštivanje principa kod planiranja prihoda i primitaka u samom nacrtu Budžeta i to Mišljenje vam je podijeljeno danas s obzirom da smo ga danas tek dobili u Službu.

Nacrt Budžeta za 2019. godinu iznosi ukupna sredstva znači planirana Nacrtom Budžeta za 2019. godinu iznosi 54.153.600 maraka i struktura ovih sredstava je takva da se na prihode planirane za iduću godinu odnosi 44.520.700 maraka. Na vlastite prihode, donacije i tekuće transfere koji se u Budžetu ostvare bilo obavljanjem vlastite djelatnosti budžetskih korisnika ili prilivom sredstava sa viših nivoa vlasti kao tekući ili kapitalni transferi za konkretne projekte 5.102.300 maraka i primici u iznosu od 2.108.000 maraka, znači to su sredstva koja se planiraju u budžetu ostvariti od prodaje zemljišta i poslovnog prostora Mjesne zajednice Sjenjak s obzirom da u ovoj budžetskoj godini neće biti realizovan taj projekat iako je planiran.

Takođe smo procijenili da se, barem za sad, u ovoj godini neće izvršiti određene aktivnosti u vrijednosti od 1.922.600 i ta sredstva će biti unešena za finansiranje tih projekata

u idućoj budžetskoj godini i na žalost evo imamo još uvijek neutrošenih 500.000 sredstava od kredita. Radi se o ovoj ulici Mandići obzirom da se nisu stekli uslovi za realizaciju ovog projekta, a sredstva su odobrena kreditom i ona nisu utrošena i prenose se znači u narednu budžetsku godinu i sve ovo pobrojano čini iznos ukupnih sredstava u Budžetu od 54.153.600 ali evo vidjeli ste da je ovaj iznos ukupnih sredstava znatno manji od sredstava koje smo imali na raspolaganju u ovoj budžetskoj godini.

Naime, iznos sredstava je manji za 11.360.343 marke i uglavnom se najvećim dijelom odnosi na iznos manjeg viška neutrošenih sredstava koji će se iz 18-te godine prenijeti u 19-tu što smo imali slučaj da se iz 17-te godine u 18-tu prenijelo oko 10,5 miliona maraka i tu je ta razlika u raspoloživim sredstvima u ukupnom Budžetu za iduću budžetsku godinu.

U ukupnim prihodima u Budžetu Grada Tuzle najveće učešće imaju prihodi od poreza i oni u samom budžetu učestvuju sa 27.687.179 maraka i čine 55,79% ukupno prikupljenih prihoda u budžetu. A ono što je drugačije u odnosu na Budžet 2018. godine je jedna stavka koja se tiče grupe poreza od indirektnih poreza, a odnosi se na prihode koje pripadaju jedinici lokalne samouprave od dijela putarina koje se ostvaruju u Bosni i Hercegovini.

Naime, izmjenama zakona u aprilu ove godine jedinice lokalne samouprave su stekle pravo na dio ovog prihoda on je veoma mali ali evo ipak značajan tako da ćemo iduće godine u budžetu planiramo ostvariti 600.000 maraka.

Ta sredstva imaju svoju namjenu i mogu se isključivo koristiti za održavanje, rekonsrukciju i gradnju cesta, a inače uplata ovog poreza započela je u julu ove budžetske godine pa ćete vidjeti u rebalansu da imamo uključen ovaj novi prihod.

Po osnovu znači grupe poreza od indirektnih poreza u budžetu se planiraju sredstva od 12.800.000 maraka. Drugi po visini je porez na dohodak i u naš budžet planiramo u idućoj budžetskoj godini ostvariti 9.351.000 maraka.

Evo samo da napomenem da je ovo prihod koji se ostvaruje po osnovu uplate poreza na dohodak svih zaposlenih na području grada Tuzla i po osnovu ovog prihoda Kantonu pripada 63%, a Gradu Tuzla 37% u raspodjeli poreza koji se ostvari na području grada Tuzla.

I treća značajnija grupa iz grupe poreza su porez od imovine. Za iduću godinu po ovom osnovu se planiraju sredstva od 5.355.000 maraka.

Neporezni prihodi koji se sastoje takođe iz različitih naknada, taksi koje se ostvaruju bilo po bilo općinskim ili federalnim ili kantonalnim propisima u budžetu se planiraju od 4.700.000 i ukupnim prihodima učestvuju sa 9,51%.

Što se tiče sredstava koji se uplaćuju u Fond za komunalnu infrastrukturu to je renta, odnosno naknada po osnovu prirodnih pogodnosti, primitci od prodaje zemljišta, naknada za korištenje javnih dobara, naknada za postupak legalizacije, u budžetu se po ovom osnovu planiraju sredstva od 9.450.000 maraka.

Ova sredstva vode se u odvojenom fondu i iz njih se isključivo finansira komunalna infrastruktura bilo da je u pitanju njena gradnja ili održavanje.

Kao treći značajniji fond u budžetu su sredstva od naknade ostvarene radom Termoelektrane Tuzla. I za narednu budžetsku godinu po ovom osnovu smo planirali 5.000.000 maraka i ova sredstva su planirana, raspodjela ovih sredstava je planirana u skladu sa zaključkom Gradskog vijeća da je 85% sredstava raspoređeno za finansiranje toplifikacije u gradu Tuzla, a ostalo je bilo raspoređeno za drugu gradnju ili za podršku lokalnom ekonomskom razvoju.

Kada je u pitanju raspored sredstava koja se planiraju ostvariti u budžetu u idućoj budžetskoj godini, obzirom na zahtjeve budžetskih korisnika koji su bili znatno veći, odnosno na potrebe koje su realne, prilikom raspodjele vodilo se računa da se ispoštuju, prvo one zakonske obaveze koje Grad kao jedinica lokalne samouprave ima obavezu da finansira znači da se ne ugrozi ni jedna od javnih funkcija koju je grad obavezan da iz svoje nadležnosti

obavlja i u tom smislu je znači se rukovodilo prilikom raspodjele ovih sredstava tako da se opet najviše sredstava iz budžeta rasporedilo za finansiranje oblasti komunalnih djelatnosti i oblasti društvenih djelatnosti i ekonomskog razvoja i putem ove dvije službe u budžetu je raspoređeno 34 ipo miliona maraka ili 63,71% ukupno raspoređenih sredstava za komunalnu infrastrukturu je raspoređeno 18.530.000 ili 34,21% sredstava.

Na stranici 12 obrazloženja imate pobrojano za koje namjene su raspoređena ova sredstva tako da se u tom dijelu ne bih zadržavala.

Što se tiče društvenih djelatnosti i finansiranja znači ovog razvoja poduzetništva i poljoprivrede i socijalnih djelatnosti iz budžeta Grada Tuzla, ukupna izdvajanja iz budžeta su 11.402.000 maraka ili 21,05% ukupno raspoređenih sredstava i najviše sredstava iz ovog iznosa je usmjereno za finansiranje eksternih budžetskih korisnika, odnosno javnih ustanova čiji je Grad osnivač i koji ima obavezu da finansira te ustanove i koji se nalaze u sistemu trezorskog poslovanja. Radi se o ustanovama Centar za socijalni rad, Centar za kulturu, Stadion Tušanj, Obdanište „Naše dijete“. Za ove namjene iz budžeta se usmjerava 5.352.000 maraka ili oko 10% ukupnog budžeta.

Za finansiranje ostalih javnih ustanova i javnih preduzeća iz budžeta se izdvaja preko milion ipo maraka.

Ono što je važno istaći za finansiranje socijalno ugroženih građana iz budžeta se u idućoj godini namjerava izdvojiti više od 1,7 miliona maraka ili 3,23% ukupno raspoređenih sredstava budžeta i ono što je važno reći, bez obzira na umanjena sredstva u budžetu u odnosu na ovu kalendarsku godinu u idućoj godini se ne smanjuju ova sredstva. Ona su veća za 1,03 nego što je u ovoj budžetskoj godini raspoređeno sredstava za finansiranje različitih namjena iz oblasti socijalne zaštite.

Kada je u pitanju ova socijalna zaštita važno je reći da će se iduće godine završiti projekat izgradnje stanova po principu socijalnog stanovanja. U saradnji sa Ministarstvom za ljudska prava i izbjeglice Bosne i Hercegovine koji grade objekte, a Grad Tuzla je obezbijedio zemljište, sredstva za građevinske dozvole i priključke i mi smo u predhodne dvije godine, odnosno u 17-toj i 18-toj godini izdvojili značajna sredstva i još je ostala obaveza u 19-toj godini da se 250.000 maraka obezbijedi za priključenje ovih objekata na sistem centralnog grijanja.

Što se tiče finansiranja rada Gradske uprave i Gradskog vijeća iz budžeta se izdvajaju sredstva, planiraju u skladu sa utvrđenim pravilima, odnosno sa utvrđenim Pravilnikom o sistematizaciji Gradske uprave i utvrđenim Pravilnikom o platama.

Ja ću samo reći da je u ovoj godini prosječno u Gradskoj upravi bilo zaposleno u prvih devet mjeseci 426 uposlenika. Da je sistematizovano 525 radnih mjesta i budžetom za 2019. godinu predviđene plaće za 447 uposlenika. Moram napomenuti da još uvijek raspisani konkursi od marta mjeseca putem Agencije za državnu službu nisu okončani i samo je ja mislim jedanuposlenik počeo raditi po tom osnovu obzirom da nije bilo izjavljenih žalbi, da službe imaju problema vezano za popunu radnih mjesta, samim time i obavljanju svojih funkcija i zadataka spram propisanih poslova u sistematizaciji radnih mjesta.

Plate uposlenika u Gradskoj upravi su planirane na bazi osnovice za obračuna plaća iz 2018. godine. Osnovica 315 maraka. Tu osnovicu, gornju granicu propisuje Vlada Federacije. I u tom smislu je i postupljeno prilikom izrade ovog nacrtu.

Što se tiče finansiranja rada Gradskog vijeća iz Budžeta se izdvaja oko milion ipo maraka za rad Gradskog vijeća i 490.000 maraka za rad savjeta mjesnih zajednica.

U dijelu obaveza koje Grad Tuzla ima po osnovu kredita potrebno je reći da Grad Tuzla uredno izmiruje svoje obaveze, da su trenutno aktivna dva kredita. Jedan sa Razvojnou bankom Federacije kada je korištenje sredstava započelo 2012. godine i drugi

Ugovor sa Uni-credit bankom, ovo Gradsko vijeće je donijelo tu Odluku poznato vam je koji projekti.

Oba kredita se odnose znači na projekte izgradnje komunalne infrastrukture za iduću budžetsku godinu za otplatu glavnice i kamata, po ova dva kredita potrebno je izdvojiti 1.580.000 maraka i dug po osnovu kredita, po zakonu, predstavlja prioritet kod otplate bez obzira da li se budžet usvojio ili ne usvojio.

Znači ima prednost otplata nad svim drugim izdvajanjima iz budžeta.

Prateći dokument budžeta Grada Tuzla i svih budžeta je akt kojim se definiše način izvršavanja samog budžeta i na nivou jedinica lokalne samouprave, to su odluke i evo vi imate nacrt b) NACRT ODLUKE O IZVRŠENJU BUDŽETA GRADA TUZLA ZA PERIOD 01. 01. - 31. 12. 2019. GODINE. Ovom odlukom se definiše način realizacije utvrđenih sredstava u budžetu, obično su to različiti pravilnici, kriteriji i drugi akti koji su već ili donešeni i imaju svoj rok važenja koji nije ograničen na jednu godinu ili se radi o aktima koji donose u trajanju od jedne godine, znači za konkretnu kalendarsku godinu.

Definisana je odgovornost, način, odgovornost u provođenju javnih nabavki, način izvještavanja o budžetu i druge znači aktivnosti vezane za budžet.

Što se tiče c) ODLUKE O IZMJENAMA I DOPUNAMA BUDŽETA GRADA TUZLA ZA PERIOD 01. 01. DO 31. 12. 2018. GODINE ili rebalansa kako se uobičajeno govori u javnosti, znači, na žalost ovaj put imamo rebalans kojim se smanjuje budžet. Ranijih godina smo imali rebalans kojim se povećava budžet, a razlog za predlaganje ovog dokumenta. Razloga je više.

Jedan od razloga je usklađivanje samog utvrđenog Budžeta za 2018. godinu sa revidiranom projekcijom prihoda od indirektnih i direktnih poreza općina Tuzlanskog kantona za 2018. godinu.

Naime, krajem maja mjeseca mi smo dobili revidirane projekcije za ove dvije vrste prihoda i po zakonu smo obavezni znači u našem budžetu da koristimo parametre koji su izkazani u samom tom dokumentu i po ovoj revidiranoj projekciji, planirani, odnosno utvrđeni PDV u budžetu Grada se umanjuje za 280.744 marke, a utvrđeni porez na dohodak se povećava za 610.559 maraka.

I drugi razlog je znači uvođenje novog prihoda u budžet pod nazivom Prihod od indirektnih poreza na ime finansiranja cesta u Federaciji Bosne i Hercegovine. Naime, od dijela prihoda koji se od putarina dodijeli Federaciji Bosne i Hercegovine 80% sredstava uplaćuje se Javnom preduzeću Autoceste Federacije, a 20% sredstava se prenosi na Poseban račun. Sa tog Posebnog računa se 40% od tih 20% koji su ostale, raspoređuje Direkciji cesta Federacije, a 60% na račun nadležnih kantonalnih organa za ceste.

Od tih 40%, od tih 60% koje dobiju Kantonalne direkcije za ceste 42% se uplaćuje na račune općina i gradova na području svakog kantona.

Znači to je raspodjela koja je propisana i automatizmom ta sredstva se sa vrha raspoređuju prema jedinicama lokalne samouprave i činjenica od ogromnog iznosa koji se ubere i koji dobije Federacija veoma mali dio se spusti na nivo lokalnih zajednica i ova uplata je u naš budžet započela i druge opštine na području kantona u julu mjesecu ove godine i mi očekujemo do kraja godine oko 400.000 maraka po ovom osnovu.

Ova sredstva smo uključili u prihode, istovremeno u rashode u dijelu Službe za komunalne poslove, a za tekuće održavanje puteva na području Grada Tuzla.

I jedan od razloga predloženih izmjena i dopuna Budžeta je samo usaglašavanje ostvarenih prihoda i rashoda u skladu sa planiranim obzirom da je već protekao deveti mjesec, imamo parametre gdje možemo vidjeti šta se neće ostvariti, za koje namjene su možda potrebna veća sredstva, za koje namjene se ta sredstva neće utrošiti, a potrebna su za druga i u tom pravcu je bio i zaključak Gradskog vijeća, kada je razmatran šestomjesečni Izvještaj o

izvršenju Budžeta i u tom smislu su znači pripremljene ove izmjene i dopune i vidite da se u dijelu prihoda, odnosno budžet umanjuje u ukupnom iznosu od 1.454.785,12 maraka. Za taj iznos sredstava su se umanjili i rashodi u budžetu i osim tog umanjenja određenih rashoda na prijedlog budžetskih korisnika izvršene su i određene izmjene u već raspoređenim sredstvima, odnosno da jednostavnije kažem preraspodjela sa određene pozicije umanjeno, prenešeno na drugu poziciju, zavisno od toga da su službe, odnosno budžetski korisnici izanalizirali svoju potrošnju i predložili takve izmjene.

Obzirom da je u obrazloženju detaljno nabrojano koji su se prihodi promijenili, da je po budžetskim korisnicima pobrojano koje pozicije su se promijenile ja ne bi ovdje detaljisala, ukoliko ima pitanja, evo stojim na raspolaganju.

ALEKSANDAR VUJADINOVIĆ

U redu. Hvala lijepo gospođi Suadi Isaković, Pomoćniku gradonačelnika za budžet i finansije.

Pozivam gradonačelnika Jasmina Imamovića, evo javio se za riječ, pa izvolite.

JASMIN IMAMOVIĆ – Gradonačelnik Grada Tuzla

Ja ću samo kratko, neću ništa ponavljati što je rekla kolegica Suada.

Dakle, osim ovih zakonskih razloga bilo je dosta faktičkih problema oko realizacije tendera, negdje je neko pobijedio sa tenderom za projekat, a nije ga završio, ne možeš ga sad poništavati pa ponovo. Negdje je ugovor podpisan, radovi, dakle vidimo da nećemo do konca ove godine uspjeti izvršiti na tom mjestu, a u budžetu je uvijek manje para nego što je potrebno, pa su prebačene na one stavke koje mogu da se realizuju, a isto su potrebe grada i građana.

I samo evo želim da kažem da sve što kažete o nacrtu budžeta mi ćemo koristiti kao već vaše učešće u raspravi, a očekujemo onda i poslije je li, što ne znači da nećete poslije kao vijećnici ili kao klubovi vijećnika vezano za pripremu prijedloga budžeta uzeti učešće. Kao što će učešće uzeti i udruženja građana i neki pojedinci. Imat ćemo dovoljno vremena za javnu raspravu, a onda mi rezultate javne rasprave bismo trebali imati dovoljno vremena za pretvaranje svega u prijedlog budžeta, a bilo bi dobro da prije katoličkog budžeta, katoličkog Božića, imamo sjednicu na ko joj bismo utvrdili budžet.

Negdje možda oko 20-tog ako je rasprava 40-tak dana, onda imamo i dovoljno vremena da sve ono što je moguće iz rasprave da se uvrsti u budžet, uvrstimo u prijedlog budžeta.

Dakle, vaše glasanje za nacrt budžeta je ispunjenje zakonskog uvjeta da krenemo u raspravu koja će biti u funkciji utvrđivanja prijedloga budžeta.

Eto toliko. Hvala.

ALEKSANDAR VUJADINOVIĆ

U redu. Hvala lijepo kad smo čuli uvodno izlaganje predlagača i obrađivača materijala.

Ima li potrebe da se pročitaju izvještaju komisija? Nema. Onda otvaram raspravu klubova vijećnika.

Izvolite. Nedžad Malikić, Tuzlanska alternativa.

NEDŽAD MALIKIĆ – vijećnik Tuzlanske alternative

Hvala predsjedavajući. Evo koristim priliku da pozdravim i gradonačelnika Grada Tuzle i da evo nešto kažem kada je u pitanju sam rebalans i sam nacrt budžeta.

Naravno evo, imali smo priliku u više navrata ove godine da govorimo o Rebalansu itd. itd. tako da neću to vrijeme puno iskoristiti, ali ono što želim da bude jedan od zaključaka kada je u pitanju ova podtačka, a to je da nam se na neki način dostavi informacija koliko mogu da se sjetim, mi smo imali priliku prilikom usvajanja prijedloga i usvajanja Budžeta za 2018. godinu imati jednu tabelu upravo sa projektima koji su trebali biti realizirani u 2018. godini i da nam se samo dostavi informacija kada su ti projekti u pitanju, koji su završeni, a koji nisu i koji su razlog.

Upravo ovo što je gradonačelnik rekao, vrlo mi je poznata problematika oko javne nabavke, ali čisto da i mi sami znamo, a i naši građani zbog čega se neki projekat nije realizirao i da je to upravo neki od ovih razloga o kojim smo i pričali.

Znači, kada je u pitanju sam rebalans Budžeta Klub Tuzlanske alternative će naravno podržati.

Kada je u pitanju sam nacrt budžeta, evo to je zakonska osnova da bi se na neki način i krenulo u realizaciju istog i želim par sugestija i prijedloga da dam na sam nacrt.

Ono što sam na početku rekao mi imamo čitavu godinu mogućnost da postavljamo vijećnička pitanja, da postavljamo inicijative i da na nekin ačin sugerišemo kada je u pitanju sam budžet.

Evo ja koristim priliku da na neki način se to najbolje uzme u razmatranje jer ipak vijećnička pitanja, inicijative i naše sve diskusije su upravo proistekle od samih građana i mislim da bi to trebalo biti neki referent na koji bi trebala Služba za budžet i finansije i sve ostale službe koje kreiraju taj budžet da uzmu u razmatranje jer to su problemi naših građana i mislim da bi to bio najbolje na neki način da se i uzme u razmatranje.

Mi ćemo danas naravno svi u ovom nacrtu dati svoje neke prijedloge, a mislim da bi to, kroz sve one rebalanse koje smo imali u toku ove godine i kroz sam nacrt prošle godine i budžeta na neki način imamo to u vidu.

Ono što želim reći, a to je da mi kao Grad imamo nadležnosti i potrebe naših građana su 90% koji se ostvaruju u gradu.

Nas naše građane nekad u nekom trenutku ne interesuje ko je nadležan za nešto, nego upravo žele da riješe svoje probleme.

Znači prva instanca je mjesna zajednica, drugo je Gradsko vijeće, Gradonačelnik i Grad.

Znači mi moramo na neki način da pokušamo u što većoj mjeri rješavati njihove probleme.

To su upravo sredstva koja su nam potrebna da bi to riješili i mislim bez obzira što za ovu godinu, vidimo i u samom nacrtu da su dosta manja sredstva u odnosu na prošlu godinu, ali ipak moramo se potruditi kako bi se riješili problema tipa udarnih rupa, nerada, odnosno problema oko ulične rasvjete, higijene grada, zelenih površina itd. itd.

Ono što želim istaći kada je u pitanju konkretno, evo reću, higijena grada Zimska služba i zelene površine. Ja kao vijećnik sam uvijek na to ukazivao i uvijek sam rekao da su nedostatna sredstva koja su bila prije nekih pet šest godina kada smo odprilike za ta sredstva izdvajali milion i 400, 1.500.000 maraka.

Mislim da su ova sredstva koja su sada od 2.050.000 dostatna i mislim da su to upravo došla od one ustanove, odnosno od onog javnog preduzeća koje može odgovoriti zadatku.

Zato je jako bitno da od svih naših javnih preduzeća koja se bave, kada su u pitanju ove stvari, da dobijemo konkretne cifre koliko je to potrebno kako bi naš grad izgledao lijepo, uredno, čisto, jer to nam je na kraju krajeva svima i cilj.

Takođe Služba za komunalne poslove nam mora dostaviti informaciju koja su tu potrebna sredstva kako bi se mi riješili udarnih rupa na području grada Tuzle.

Evo ja kao vijećnik koji sam u trećem mandatu od samog početka slušam o udarnim rupama i jednom moramo stati u kraj.

Mislilim da je bio i zaključak Gradskog vijeća da na neki način bar to svedemo u neku razumnu mjeru kako ne bi svako Vijeće imali vijećničkih pitanja da se sanira udarna rupa tu ili da se uradi itd. itd.

Mislim da su to sredstva koja su potrebna i koja treba da budu u ovom samom nacrtu.

Izgradnja vodovodne i kanalizacione mreže u iznosu od 1.200.000 su nedostatna, ja mislim da kada je u pitanju kanalizacija tu imamo možda u nekom narednom periodu se moramo potruditi da izdvajamo više sredstava jer mislim na kanalizacija na području grada Tuzle je nekako zaostala u odnosu na sve ove druge stvari koje sam... Mislim da bi tu morali na neki način malo više napora učiniti kako bi taj dio problema pokušali rješavati.

Takođe mislim i smatram da izgradnja i održavanje javne rasvjete na neki način moramo podići na veći nivo.

Evo imali smo i danas, ja mislim, vijećničko pitanje da se oko javni ustanova i osnovni škola grada Tuzle da se na neki način obezbjedi bolje osvjetljenje radi sigurnosti naših učenika.

Mislim da su to upravo stvari koje mi danas na ovom samom budžetu moramo na neki način definisati i vidjeti šta su to nama prioriteta. Ako su to ovi prioriteta koje mi želimo i hoćemo, mislim da ćemo svi biti jednoglasni kad je u pitanju i sam nacrt budžeta.

Ono što me konkretno interesuje i volio bi da mi se dostavi odgovor vidimo ovde da smo izdvojili sredstva u iznosu od 150.000 maraka izgradnja i čišćenje vodotoka na području grada Tuzle. Međutim, imamo tu jedan ekonomski kod gdje su ta takođe sredstva mislim da su ta, volio bi malo hajde pojašnjenje, regulacija nereguliranih riječnih vodotoka u iznosu od 150.000 maraka.

Mi imamo urađenu regulaciju na području grada Tuzle. Mislim da bi tu trebalo izdvojiti određena finansijska sredstva kako se ne bi ovi vodotoci, odnosno regulirana riječna korita rijeke Jale i Soline doveli u situaciju. Evo ja ću navesti samo jedan primjer da u Solini je recimo izrađeno korito prije šest, sedam godina. Da je već poprilično, neću reći oštećeno, ali je toliko njegov protok smanjen upravo nanošenjem svega i svačega i malte ne to su drva izrasla, baš drveća su izrasla iz tog korita. Mislim da je to šteta jer su to ipak izvojena ogromna finansijska sredstva i mislim da bi trebali učiniti dodatni napor kako bi na taj način izdvojili sredstva i upravo očistili, povećali protok jer znamo 2014. godine šta je bilo i da je upravo regulacija rijeke Soline, rijeke Jale i ostali korita na području grada Tuzla, poprilično spasilo mnoge građane od poplava.

Što se tiče Kluba vijećnika Tuzlanske alternative naravno da ćemo podržati nacrt budžeta i ono što sam već rekao u svom izlaganju da se naravno uzme u razmatranje sve ono do sad što smo pričali. Hvala.

ALEKSANDAR VUJADINOVIĆ

Hvala lijepo. Slijedeći se za riječ javio Mirnes Ajanović, BOSS Bosanska stranka. Izvolite.

MIRNES AJANOVIĆ

Još jednom pozdrav svima. Za budžet možda treba istaći, nismo nikad, cijela Tuzla jednu kozu muzla. Vjerovatno je to bilo i dijelom zbog nekakve i asocijacije da ono što je zajedničko i bude baš tako zajedničko svih nas i da svi muzu. Da za svakog ima. To je budžet. Suština budžeta je upravo kroz to.

Eto kozu komotno možemo zamijeniti ternimo budžet. Ali ne, za ovakav budžet ili prošle budžete.

Mi imamo situaciju da upravo iz tog što trebaju građani da muzu, da imaju bar zadovoljenje osnovnih svojih potreba.

Evo kolega Malikić reče tri je mandata i govorimo o udarnim rupama. Ja sam masu puta stavljao urgenciju, urgencije na urgenciju saniranja udarnih rupa i to nisu nikakva sredstva. Možda nekih desetak hiljada maraka, dvadeset, sasvim nebitno. Zanimljivo u odnosu na 54.000.000 maraka prošlog budžeta ili ovog sadašnjeg, budućeg, da se riješi problem udarne rupe.

Apsurdno je da imamo situaciju da vozač mora voziti na način da umjesto da prati saobraćaj, prati redoslijed udarnih rupa na cestama što je direktno ugrožavanje saobraćaja, ne samo vozača, nego i pješaka.

Ljudi nekada naglo skreću i svašta se može desiti. Mi znamo da, to je čak prije to bila praksa, da pred zimu farbamo horizontalnu saobraćajnu signalizaciju da bi mogla da izdrži do proljeća. Sad se već ne vidi.

Nema je. Na najfrekventnijim saobraćajnicama, recimo Stupine, nema uopšte pješačkog prelaza, ne postoji, ne vidi se.

Djeca prolaze, između vozila koja stoje, pitanje je dana kada će neko stradati. A i to je zanimljivo desetak, dvadeset hiljada maraka, u odnosu na 54.000.000 maraka. Je li to ono što mi muzemo kao građani i koristimo budžet da bi svima bar bilo minimalno ono što je moguće da se obezbijedi?

Da ne pričamo sad o vertikalnoj, horizontalnoj signalizaciji gdje ne radi semafor. Kad ne radi semafor imamo opšte stanje zagušenja saobraćaja, rizika, ljudi proljeću, hoće li ih neko pustiti, ili neće, ili će ih namjerno sačekati, udariti. Imamo problem i rupa na trotoarima, slikao sam pa pokazivao, otvorene šahtove koji stoje i na trotoarima.

Još uvijek i na saobraćajnicama, prođite dole južnom saobraćajnicom pa ćete vidjeti da postoji i taj problem. Znamo, krađu, ali to je valjda opravdanje da neko pogine? Rekao sam više puta zavarite, nađite, bušite, uzmite velike bušilice pa izbušite u beton, u asfalt. Šta god uradite, ali da se ne može uzeti.

Evo i kolega Malikić je takođe govorio. Isto je to. Da nema rasvjete negdje, je li to muzemo onu kozu, higijena je relativno onako, vrlo rijetko se čiste ulice, nećemo sad o tome da neki nemaju adekvatan prilaz puta, makar makadamski, da nema vode u određenim mjesnim zajednicama, to je već možda kapitalni izdatak. Ali, o drugim problemima koje imamo.

Evo recimo sad aerozagađenje. Volio bi da dobijem odgovor da li se otišlo u ove guste mjesne zajednice? Ako kažemo da evo zanemarujemo one razuđene gdje je to možda manje izraženo Stupine, Sjenjak ili slično, pa razgovaralo sa individualnim ložištima ili građanima koji koriste ta ložišta. Da im se da savjet kako da ne troše nešto što je ekstremno zagađujuće.

Ljudi spale gumu. Kad je zima nema opšteg interesa. Kad čovjek mora prezimjeti, ili preživjeti noć koja je hladna njega ne interesuje što je zagađenje zraka. Planeta cijela funkcioniše na korištenju fosilnih goriva nafte ili slično, nas to ne interesuje kada moramo

prevesti sebi, robu dovući ili slično, što to zagađuje kompletnu Planetu, jer moramo preživjeti, moramo raditi.

Je li se razgovaralo da se nekome da se nekome da novac ili dio potpora za utopljanje da smanji tu energiju koju koristi, odnosno koju gubi? Za prelazak na pelet? Jesmo li dobili tu informaciju? Nismo.

A budžet je i za to, a od januara svaka tri mjeseca trebamo da dobijemo tu informaciju. Evo i danas smo na Kolegiju i na početku sjednice Vijeća imali problem o tome.

Poslovne zone, govorim o budžetu da mora biti razvojni da bi se kao napravilo više para. Da mora biti ovakav onakav. Upravo te poslovne zone, od tih koliko smo imali, pedesetak poslovnih objekata koji su trebali da budu imamo možda desetak.

Ni to nije realizovano. Dosta je propusta i nas gradskih vijećnika i izvršne vlasti stručnih službi i službi gradonačelnika, pa i gradonačelnika. Treba više sredstava za toplifikaciju.

Reče gradonačelnik da mi to što kažemo, kao nešto će se razmatrati. Hajde da vidimo. Pogledat ćemo razliku između ovog budžeta i tog razmatranja kada bude eto prije tog 25-tog decembra budžet na sjednici Gradskog vijeća.

Mislim da je suština preživljavanje. Bježimo od socijalnog davanja u smislu ne treba država da funkcioniše na tom principu nego kao dajemo mi štap da se ulovi riba pa da se može prehraniti. A šta dok se ne ulovi?

Zato ova socijalna davanja moraju biti veća. Čuli smo predlagач reče nešto su malo smanjivali u ovom odnosu, pa kaže ali to nešto na nivou prošle godine ima ovih 250.000 maraka koji su nekad bili pola miliona maraka. A budžet bio mnogo manji.

Treba više sredstava dakle za socijalnu pomoć ugroženim građanima. Za pomoć građanima koji ne mogu preživjeti zimu ne samo u ogrevu nego i načinu korištenja ogreva kako bi preživjeli i mi svi zajedno s njima ova zagađenja koja se vide. Pogledajte sa svojih prozora i vidjet ćete da gdje god postoji kuća, jedna kuća može da zagadi kompletnu teritoriju jedne urbane sredine gdje ima 20. 10 hiljada građana.

Govorim recimo o Stupinama. Samo jedna tamo preko puta na Zlokovcu zagadi kompletnu padinu i to se evidentno primjeti. Nema toga. Nismo imali aerozagađenja tokom ljeta. Elektrana radi i ljeti i zimi ali nemamo toga.

Evo ovde još jedan delegiram problem URODIOL. To je Udruženje osoba sa posebnim potrebama. Oni koriste barake koje su dopola srušene, tamo kod stare opštine koja ne postoji. I grad je po zakonu prinuđen da ih tuži jer ne mogu da plate sredstva. Sad imaju još veći problem. Prvo nemaju sredstava da pomognu osobama sa posebnim potrebama a zaista se radi o takvim ljudima koji trebaju pomoć drugih lica. Tamo je više porodica koji provode gotovo svakodnevno vrijeme i umjesto da odvojimo u budžetu sredstva i za njih pa da mogu plaćati naknade, mi ih tužimo i sad dovodimo u stanje da čak moraju izaći iz tih baraka.

Dosta je to što ne razumijemo u smislu postojanja drugih pored nas. Drugih kojima su potrebe životno potrebne u smislu minimalnog bar zadovoljenja a i ne razmišljaju o nečemu što je uslovno rečeno luksuz u kojem žive ljudi sa prosječnim primanjima, ako i to može zvati luksuzom.

Zato u budžet mora biti promijenjen, evo pozivam gradonačelnika ovo sve što sam rekao me iniciralo to što je on sam rekao, istakao, nije dugo pričao jer je predlagач sve rekao, ali da ova naša rasprava bude ono što će i on uzeti u obzir prilikom donošenja budžeta.

BOSS će svakako podržati budžet. Mi smo uvijek podržavali. Nije moje da ono što čak i smatram nedovoljno dobrim ili lošim, sasvim nebitno, pa i dobrim ne podržim. Jer smo dužni omogućiti funkcionisanje svega onoga što je bitno za građane, makar i u tom nepravilnom, minimalnom, neadekvatnom ili nekad nakaradnom obliku.

Ali to ne znači da kada imamo podršku i dobijemo recimo dovoljan broj ruku za budžet, a toga će biti svakako i to već ima i ne treba raspravljati o tome ne uradimo ono što je potrebno.

Vratit ću se na početak još, na žalost kolega Malikić me asociirao na to kad je rekao da on tri mandata govori o tim udarnim rupama.

Od 1999. godine od kada sam vijećnik, ja upravo govorim o udarnim rupama. Podnjego sam prijavu Finansijskoj policiji koja je izvršila istragu i utvrdila na više stotina stranica okolnost da su u to vrijeme u Tuzli, odgovorni koji su sanirali asfalt koristili asfalta toliko da je teoretski nemoguće da ga upotrijebe u tolikoj količini za asfalt koji su inspektori našli na terenu. Dakle, imali smo asfalta možda centimetar ili dva, pisalo se da je potrošeno debljine 10 centimetara. Ili čak 15 asfalta.

Neko je debelo sisao ovu kozu i za račun građana Tuzle, neki koji su tad to radili, danas su opet dobri. Danas su opet poslanici. (ALEKSANDAR VUJADINOVIĆ – Ja vas molim da privedete diskusiju kraju.) OK. Hvala.

Danas su opet ljudi koji će odlučivati, ne samo o Tuzli, nego o Kantonu, očito je da je nemoral postao, hajde da kažemo tako, moralan.

Da ono što je nemoralno je pozitivno. Da ako nešto ukazujete da je nekorektno, da nije dobro, da se suprotstavljate tome, da to nije adekvatno za današnji status svih nas u svemu ovome.

O budžetu eto toliko. O rebalansu svakako, je u rebalansu, evo na kraju definisano. Gradsko vijeće traži od predlagača i obrađivača tamo gdje nije bilo moguće planirati i predvidjeti adekvatna novačana sredstva što prije predvidi rebalans kako bi se sve predviđene i planirane budžetske namjene mogle realizovati, ovo sam predložio.

Evo dobili smo rebalans. Idemo dalje. Očekujemo od gradonačelnika da ćemo ovih 54.000.000 maraka, a uzevši u obzir da je to u stvari za 10 godina 500.000.000 ili možda recimo 1.000.000.000 za 20 godina od kad sam ja vijećnik, sada biti adekvatnije utrošena u ove socijalne slučajeve u sve ovo što sam rekao, u najkraćem. Hvala.

ALEKSANDAR VUJADINOVIĆ

U redu. Hvala lijepo. Slijedeći Mirza Tupajić, SDA. Izvolite.

MIRZA TUPAJIĆ - vijećnik Stranke demokratske akcije

Hvala predsjedavajući. Klub vijećnika Stranke demokratske akcije će podržati znači a) NACRT BUDŽETA GRADA TUZLA ZA PERIOD OD 01. 01. - 31. 12. 2019. GODINE i ako nismo, kao Klub, zadovoljni sa njegovim sadržajem i rješenjima predlagača.

Današnje izglasavanje nacrtu budžeta je samo formalno-pravni uslov da se istim ide u dalju proceduru, znači u javne rasprave.

Naravno za decembarsku sjednicu imat ćemo svoje Amandmane za koje ćemo smatrati da su od većeg značaja za građane, uz želju da pomognemo pravednoj raspodjeli budžeta.

Detaljno sam analizirao sadržaj ovog nacrtu budžeta i iznenadilo me veliko smanjenje od tamo kazala je šefica ove Službe 11.360.000. znači manje 17,34% manje u odnosu na 2018. godinu.

Pa sam tamo vidio da za komunalnu infrastrukturu da je to manje 6.780.000 KM. Znači detaljnije za Službu za komunalne poslove, izgradnju i poslove mjesnih zajednica to je negdje oko 5.900.000 znači to su značajna smanjenja u odnosu na 2018. godinu.

A kolega Malikić je kazao da smo mi kao vijećnici ovdje gotov svako Vijeće postavljamo desetine vijećničkih pitanja, inicijativa, urgencija, a 90% tih pitanja, urgencija, inicijativa odnosi se na komunalnu infrastrukturu.

Tamo kada malo bolje pogledamo znači Službi za inspekcijske poslove je smanjeno negdje 40.000 KM, a možemo zaključiti da je ova Služba jako bitna zbog svog obima djelatnosti itd. Znači tamo imamo grant za aktivnu politiku zapošljavanja gdje je sa 300.000 maraka smanjeno na 100.000 maraka znači minus 200.000 maraka. Mislim da to nije dobro.

Onda imamo izgradnju poslovnih zona. Drago mi je što je kolega Alić danas tražio tu tačku dnevnog reda i imali smo znači zaključak da će to biti tačka dnevnog reda na narednoj sjednici, a upravo je to nekako prije sjednice da će se donositi budžet Grada, da vidimo te probleme gdje to koči, šta to koči zašto smo spori u rješavanju znači izgradnje poslovnih ekonomskih zona.

Znam da Grad Tuzla ima mnogo problema oko imovinsko-pravnih odnosa. Da je dosta tog zemljišta vlasnik rudnika, nisu riješeni ti imovinsko-pravni odnosi itd.

Kad malo dalje analiziramo budžet znači oko mnogih ekonomskih kodova dolazi do znači smanjenja. Evo imali smo u prošlom Budžetu Grant za pomoć osnovnim školama što nije bi neki veliki iznos 30.000 maraka. Danas znači imamo tu nulu. I da je smanjeno i nevladinim organizacijama i za kulturu itd. itd.

Ja se nadam da će budžet, znači tekst budžeta biti mnogo drugačiji od ovog nacarta i da će prihodovna strana u toku naredne godine biti bolja i da ćemo imati jedan pozitivni rebalans budžeta gdje ćemo imati veća sredstva i da zadovoljimo najosnovnije potrebe građana grada Tuzle. Hvala.

ALEKSANDAR VUJADINOVIĆ

U redu. Hvala lijepo. Slijedeći je iz reda nacionalnih manjina Jusić Nedžad. Izvolite.

NEDŽAD JUSIĆ – nezavisni vijećnik iz reda nacionalnih manjina

Pozdrav svima. Kada govorimo o a) NACRT BUDŽETA GRADA TUZLA ZA PERIOD OD 01. 01. - 31. 12. 2019. GODINE, kao i o b) NACRTA ODLUCI O IZVRŠENJU BUDŽETA GRADA TUZLA ZA PERIOD 01. 01. - 31. 12. 2019. GODINE, kao i pomenutom rebalansu c) ODLUCI O IZMJENAMA I DOPUNAMA BUDŽETA GRADA TUZLA ZA PERIOD 01. 01. DO 31. 12. 2018. GODINE, kao što su kolege rekly ja ću se malo osvrnuti vezano na a) NACRT BUDŽETA GRADA TUZLA ZA PERIOD OD 01. 01. - 31. 12. 2019. GODINE. Pokušat ću da budem konkretan ukoliko je moguće, jer sam i ja ovo shvatio takođe kao javnu raspravu, između ostalog i diskusija koja bi mogla ući u razmatranje određenih službi za kreiranje budžeta za 2019. godinu.

Prije svega bi pohvalio pomenuti budžet u dijelu koji se odnosi na povećanje finansijskih sredstava za socijalnu zaštitu građana Tuzle i što je dobro i na kraju krajeva trebamo i težiti ka tome da se i u narednom periodu što više sredstava ulaže u socijalnu zaštitu građana Tuzle, jer smo svi svjedoci da nam je to potrebno i da trebamo raditi na tome.

S tim u vezi takođe malo mi nije opravdana budžetska linija na strani 41. 614239-8 a to je Grant za realizaciju Akcionog plana za Rome. Prvobitno je bilo 40.000 maraka za realizaciju pomenutog Akcionog plana, evo vidimo u nacrtu da je to smanjeno na 29.

Ja bi se u potpunosti složio da ga smanjimo i na 20, i na 10, da ne postoji potreba da se on i poveća, a ne da ostane na onih 40, kao što je bilo. Jer ja znam zbog čega je i došlo, na

kraju krajeva do ovog smanjenja, a to je došlo do smanjenja iz razloga jer se nije moglo utrošiti pomenuti Grant do danas, a to se odnosi takođe i na b) NACRTA ODLUKE O IZVRŠENJU BUDŽETA GRADA TUZLA ZA PERIOD 01. 01. - 31. 12. 2019. GODINE što je dobro, ja nemam sada pred sobom Odluku za 2018. godinu gdje kaže u, samo da vidim, u članu 20. se između ostalog spominje Akcioni plan za Rome u gradu Tuzla i obaveza je da se pomenuta sredstva rasporede sa pozicije iz stava 1. ovog člana najdalje do šestog mjeseca.

Na žalost to se nije uradilo u 2018. godini i još ta sredstva ja mislim da je Odluka u Službi za budžet i finansije i ta sredstva tek sad trebaju da budu na raspolaganju.

Na žalost do sada nije greška bila da oni koji trebaju implementirati, nego eto došlo je do zastoja iz, najvjerojatnije, iz opravdanih razloga da će sredstva biti tek operativna u narednim danima i treba da se utroše do 31. decembra što je malo, moram reći, biće opterećenje i za onog ko implementira. Dosta će zavisiti za rezultate koji se trebaju postići.

Zbog toga predlažem da se ta budžetska stavka, budžetska linija vrati na prvobitno od 40.000 maraka jer samo bi se podsjetio da smo mi 2017. godine u novembru usvojili pomenuti dokument i gdje smo se obavezali za finansiranje aktivnosti iz tog dokumenta.

Naredna budžetska linija Grant za ostale nacionalne manjine predviđeno je 12.000 maraka, takođe evo predviđeno je za 2019. godinu da ostane i to je OK. Ali što je vrlo važno, što je vrlo važno, budžetska linija 614259 na stranici 41. takođe kaže ostali transferi za obavezno zdravstveno osiguranje za lica u stanju socijalne potrebe. Ja bi samo podsjetio nas vijećnike, kao i sve druge, da smo mi na jednoj od predhodni sjednica usvojili jedan zaključak gdje smo zadužili Centar za socijalni rad Tuzla da pripremi pravilnik o postupku ostvarivanja prava za obavezno zdravstveno osiguranje za osobe koji su u stanju socijalne potrebe i taj pravilnik je urađen i on je, ja mislim, već je na potpisivanju, ako ga nije već i potpisao gradonačelnik i on se treba da primjenjuje od dana potpisivanja.

Mi u budžetu smo imali već dvije godine ponegdje, ne negdje nego 4.000 maraka za realizaciju pomenuti aktivnosti, ali na žalost nismo imali pomenuti pravilnik i sredstva se nisu mogla ni trošiti.

Prema procjenama, prema procjenama ovih 4.000 maraka neće biti dovoljno za 2019. godinu. Mislimo i grupa, na kraju krajeva i ja sam bio u toj radnoj grupi koji smo radili ovaj pravilnik da bi to trebalo negdje da bude oko 14.000 maraka u ovoj budžetskoj liniji, jer stvarno će biti potrebe za ove socijalne kategorije jer samo ukoliko uzmemo poređenje Općina Lukavac je odvojila 60.000 maraka za iste namjene.

Za iste namjene 60.000 maraka. Mislim da mi bi trebalo u budžetu za 2019. godinu da na ovoj budžetskoj liniji bude 14.000 maraka, pa ukoliko se stvore potrebe i za veća finansijska sredstva, onda razmisliti za naredni rebalans budžeta da se povećaju i pomenuta sredstva.

Normalno, ja kao predstavnik nacionalnih manjina u Gradskom vijeću Tuzla ću podržati pomenute dokumente. Hvala.

ALEKSANDAR VUJADINOVIĆ

U redu. Hvala lijepo. Slijedeća se za riječ javila Jasminka Mijatović, HDZ BiH. Izvolite.

JASMINKA MIJATOVIĆ – vijećnik Hrvatske demokratske zajednice

Hvala gospodine predsjedavajući. Pozdravljam sve nazočne. Kolega Tupajić je detektirao najveći dio nedostataka pojedinih proračunskih stavki nacrtu proračuna za narednu

godinu i kao i ostale kolege i mislim kao i uvijek do sada da se diskusija svih vijećnika sa ove sjednice, treba uzeti u razmatranje prilikom izrade prijedloga proračuna.

Naime, vrijeme planiranja određuje i vrijeme realiziranja pojedinih projekata i obzirom da danas imamo i a) NACRT BUDŽETA GRADA TUZLA ZA PERIOD OD 01. 01. - 31. 12. 2019. GODINE i c) ODLUKE O IZMJENAMA I DOPUNAMA BUDŽETA GRADA TUZLA ZA PERIOD 01. 01. DO 31. 12. 2018. GODINE znači za nekih dva mjeseca, time vidimo nedostatke vremena planiranja za realiziranje određenih aktivnosti koji su preznačajne za građane grada Tuzle.

Naime, infrastruktura je jedan od osnovnih prioriteta i službe koje rade na tom realiziranju su zaista izložene pritiscima kako našim, tako i građana, za realiziranje nekih projekata.

Ukoliko uzmemo u obzir činjenicu da je zakonodavac ovaj put Zakon o javnim nabavkama zaista kompliciran za neko realiziranje onda uvrštavanje pojedinih stavki u izmjene i dopune Proračuna u vremenu kad je već riječ o desetom mjesecu 2018. godine zaista neće pomoći tim službama za realiziranje.

Međutim, ukoliko napravimo paralelu ove odluke i prijedloga, ja ću reći proračuna za narednu godinu, jer imamo dovoljno vremena da se uključimo u javnu raspravu i obezbijedimo dovoljno sredstava u prijedlogu proračuna za te službe, onda će itekako biti zadovoljni građani, ali i te službe će moći odgovoriti zadatku.

Naime, sad smo svi vijećnici dobili, a i ja jedan od prijedloga za uvrštavanje prijedloga proračuna projekta gdje je Gradsko vijeće još u svibnju 2015. godine donijelo jednoglasnu Odluku da se izvrši adaptiranje zgrade Društvenog doma Partizan u Kreki i vrati lokalnoj zajednici na dalje korištenje.

Ovaj nacrt projekta, istina, nisam uspjela kao ni ostali vijećnici pročitati, ali smatram osnovanim da se uzme u razmatranje, uvrštavanje i ovo u prijedlog proračuna za narednu godinu.

Na jednoj od ranijih sjednica kad smo razgovarali o potrebi realiziranja i usvajanja GAP projekta za naredne tri godine, jedan od zaključaka je bio da se u izmjene i dopune proračuna za narednu godinu poveća taj iznos za nekih miliona maraka kako bi službe mogle odgovoriti zadaći koja je pred njima.

Danas u izmjenama i dopunama Odluke o proračunu zaista imamo uvećanje pojedinih stavki, ja nisam uspjela izračunati da li je riječ o milion maraka, ali ovo podcrtavam iz razloga da se sve to uzme u obzir kao i diskusija kolege Tupajića da se ti novci planiraju na početku godine i tada nam ni jedan možda zakon neće biti prepreka u realiziranju tih projekata.

Imamo sad situaciju da recimo. Kolegica je na početku sjednice postavila vijećničko pitanje glede izgradnje sustava daljinskog zagrijavanja u dijelu mjesne zajednice Bukinje, čini mi se, a Šićki, a imamo u ovoj našem prijedlogu odluke umanjeње te pozicije za nekih pola miliona maraka.

Ja vjerujem da je možda zakon otežavajući faktor u tom svemu, ali vjerujem i u činjenicu da je ovaj iznos možda bio dostupan na početku godine i da su ispunjeni drugi preduvjeti da ovakva pitanja i sa kolegicinicine strane, a nekad i sa nas drugih vijećnika zaista bi bila nepotrebna, na zadovoljstvo građana, stručnih službi i nas samih.

Znači ta sinhronizacija rada i djelovanja je zaista neophodna. Detaljnije ne bi. Smatram da Stručna služba radi zaista stručno materijal koji je pred nama, međutim, uvijek se zanemaruje činjenica da imamo više izmjena i dopuna proračuna u toku godine, a da imamo adekvatno planiranje da nemamo umanjeње sredstava tipa za komunalnu infrastrukturu i druge institucije o kojima smo često govorili, onda bi itekako i njima bio otežan rad.

Imamo evo sad situaciju sad da za izgradnju sportskih dvorana imamo umanjeње nekih 80.000 maraka a znamo svi da smo zaista se cijelo vrijeme svi vijećnici zajedno borili

za izgradnju nekih novih terena sportskih kako bi sport opredijelio mlade da ne budu na ulici, nego da adekvatno iskoriste svoje vrijeme.

Mislim da o svemu onome to su kolege rekly, u dobroj namjeri Stručna služba možda treba zajedno sa ostalim službama razmotriti mogućnost i da se taj iznos na pojedinim pozicijama ne smanjuje, da se da šansa tim stručnim službama da realiziraju projekte na početku godine i time olakša rad i službama. Korist će imati građani, a mi vijećnici ćemo imati mnogo manje pitanja.

Naravno Amandmansi ćemo, kao Klub, djelovati na način kada, kao i ostali vijećnici, ali smatrala sam osnovanim da trebamo to podcrtati i dati mogućnost na početku godine da službe krenu u zadaću na vrijeme. Hvala.

ALEKSANDAR VUJADINOVIĆ

U redu. Hvala lijepo. Slijedeći se za riječ javio Omer Delalić, SBB BiH. Izvolite.

OMER DELALIĆ – vijećnik Saveza za bolju budućnost

Hvala. Predhodni govornici su dosta toga rekli i da se ne bi ponavljali ja ću samo reći da će Klub vijećnika SBB-a podržati nacrt budžeta.

Ali ćemo Amandmansi djelovati po pitanju našeg viđenja pravičnije preraspodjele sredstava.

Nadamo se da će naši Amandmani biti odmah prepoznati, a ne naknadno, kao prilikom Rebalansa Budžeta za toplifikaciju. Hvala.

ALEKSANDAR VUJADINOVIĆ

U redu. Hvala lijepo. Slijedeći se za riječ javio samostalni vijećnik Edim Kadić. Izvolite.

EDIM KADIĆ – samostalni vijećnik

Mi danas raspravljamo ovdje o nacrtu našeg najvažnijeg dokumenta kojeg mi usvajamo.

ALEKSANDAR VUJADINOVIĆ

Ja se izvinjavam. Ja sam napravio grešku. Malo sam povrijedio Poslovník. Znači nije završena rasprava klubova. Izvinjavam se. Erna Delić Mešić. Izvolite. SDP. Do mene je. Pardon.

ERNA DELIĆ - vijećnik Socijaldemokratske partije

Zahvaljujem se predsjedavajući. Evo za početak da na svom izlaganju kažem da Klub vijećnika Socijaldemokratske partije će podržati ovaj a) NACRT BUDŽETA GRADA TUZLA ZA PERIOD OD 01. 01. - 31. 12. 2019. GODINE kao i rebalans c) ODLUKA O IZMJENAMA I DOPUNAMA BUDŽETA GRADA TUZLA ZA PERIOD 01. 01. DO 31. 12. 2018. GODINE koji je danas pred nama.

Naš Klub je predhodnih dana razmatrao sam nacrt, ja sam par stvari zapisala koje bismo željeli da u okviru javne rasprave.

Kolege koje su izlagale prije mene dotakli su se dijela sredstava koji su izdvojena za komunalnu infrastrukturu, a ja ću evo ovdje i podcrtati dakle u obrazloženju stoji da za Komunalnu oblast i Oblast društveni djelatnosti i lokalnog razvoja u ovom nacrtu sredstva su planirana u iznosu od nekih 64% što je naravno evo i kako je služba obrazložila u skladu i sa svim propisima i naravno u skladu sa mogućnostima i ukupnim iznosom ovog budžeta koji je danas pred nama.

Ono što bismo mi kao Klub vijećnika želili da uđe u okvir javne rasprave, je ovo što se nisu možda kolege do sada i dotakle, tiče se dijela mladih, dakle grantovi za projekte za mlade, uočeno je u ovom samom nacrtu da su i umanjeni, obzirom da smo mi učestvovali i bili inicijatori inicijativa i za kreiranje vijeća mladih grada Tuzle kao i za ovo izdvajanje za projekte za rad mladih, predlažemo u skladu sa mogućnostima da se ovaj iznos vrati na prošlogodišnju stavku.

Grant za Dom zdravlja, kako smo vidjeli uo vomnacrtu je planiran za 2019. godinu iznosi nula KM i evo u skladu sa našom raspravom koju smo održali na predhodnoj sjednici, mi smo na jučerašnjoj održanoj sjednici Kluba došli do jednog zaključka da evo ja u ime Kluba na ovoj sjednici izrazim nezadovoljstvo i evo nadu da će kroz javnu raspravu i sam prijedlog ovog budžeta konkretno za ovu stavku biti izmijenjen u cilju kreiranja, odnosno rješavanja problema prilazu Pedijatrijskom odjeljenju Doma zdravlja, bilo da se radi o prilaznoj rampi ili liftu.

To smo i u samoj inicijativi više puta obrazlagali. Obzirom da zaista ne znamo koji je iznos u pitanju, ali evo nadamo se da će se u prijedlogu gledati da se izdvoje sredstva koja bi se doticala rješavanja ove same problematike.

U proteklih mjesec dana, neznam koliko su vijećnici upoznati, raspisan je Javni poziv vezano za subvencioniranje kamata za stambeno zbrinjavanje mladih. To je nešto što se, kao ekonomski kod u ovom budžetu pojavilo u 2018. godini u iznosu od 50.000 KM, a takođe na inicijativu Kluba vijećnika SDP-a smatramo da i u narednom periodu u skladu sa mogućnosti, ova stavka mora biti uvećana iz razloga što sam Javni poziv, odnosno rezultati istog su pokazali veliko interesovanje mladih, za subvencioniranje ovih kamata, kao što možete vidjeti na službenoj stranici Grada, veliki broj mladih se javio na poziv, a samo njih 17 je u suštini u skladu sa ovim novčanim sredstvima i dobilo te subvencije, tako da smatramo da u narednoj godini ova stavka treba biti uvećana.

Ono što je dobra praksa svaki puta prilikom obrazlaganja nacrta budžeta i samog prijedloga izlagali jeste da stavka za Izdaci za rad volontera uvijek ostaje ista i to je zaista jedna super pozitivna praksa Gradske uprave i Gradskih službi da makar na ovaj način mladi koji žele da steknu svoje prvo volontersko radno iskustvo.

I prošle godine kada sam izlagala prilikom nacrta budžeta napomenula sam i evo mislim da se koleginica Jasminka prije mene dotakla problematike projektne dokumentacije, odnosno izrade projekta za određeno rješavanje bilo kojeg komunalnog pitanja.

Ovdje u nacrtu budžeta, koliko sam ja uspjela da vidim, izrada projektne dokumentacije, kao stavka, kao ekonomski kod je umanjeno, a evo iz ličnog iskustva uvijek kada se bilo preko vijećničkog pitanja i inicijative interesujem za rješavanje nekih problema dobijemo neka obrazloženja da za rješavanje tog problema ne postoji projektna dokumentacija.

Evo u narednoj godini smo čak i tu stavku smanjili, pa evo Klub vijećnika SDP-a predlaže da se u skladu sa mogućnostima i o ovome vodi računa.

Ono što bih još htjela da istaknem, takođe stoji u ovom obrazloženju koliko u suštini iz budžeta Grada Tuzle sredstava ide za podršku sportskim udruženjima i organizacijama.

To je ono što mi svaki put za na samim sjednicama govorimo šta je u suštini izvorna nadležnost kantona, a šta je to mi kao Grad iz godine u godinu finansiramo. Pa evo za aktivnosti sporta moram naglasiti da je predviđeno 1.000.452 KM ima ovdje u postupcima od

ukupno sredstava budžeta što je evo i pohvalno, a s druge strane uvijek naravno, u skladu sa mogućnostima, u budućem periodu trebamo voditi računa i o ovim sportskim organizacijama i udruženjima koji zaslužuju pomoć.

Ono što smo mogli primjetiti i u ovom nacrtu Sportski savez Grada Tuzla i samo Radničko sportsko društvo Sloboda u nekim stavkama su sredstva uvećana. Vjerujemo da se tu radi o organizaciji, proslave 100 godina Slobode. Predprošlu sjednicu smo malo se dotakli toga i razgovarali o tome, ali vidimo da Gradska uprava, kao i ove službe vode računa i naravno ta organizacija obilježavanje 100 godina Slobode vjerujemo da će biti odrađena na zavidnom nivou.

Ja imam još par stavki zapisanih, ali vjerujem da sam oduzela malo više od vašeg vremena, pa evo uzimam pravo da se javim kasnije u okviru rasprave vijećnika. Zahvaljujem.

ALEKSANDAR VUJADINOVIĆ

U redu. Hvala lijepo. Amela Čehajić, DF. Izvolite.

AMELA ČEHAJIC – vijećnik Demokratske fronte

Kolege su većinom sve rekle, što se ja slažem. Želim samo da kažem da će Klub podržati DF-a podržati ovaj nacrt, takođe kao i rebalans budžeta. Nadam se da će kroz djelovanje, kroz pitanja i inicijative takođe uticati da se pri kreiranju budžeta da se to uzme u obzir jer ipak sve ta pitanja i inicijative su pokrenute od strane građana tako da bi uspjeli da se i riješe ti njihovi problemi.

Tako da kažem da će Klub DF će podržati ovaj nacrt i naravno će učestvovati u javnoj raspravi, takođe i Amandmanski djelovati prilikom pri donošenju konačnog budžeta. Hvala.

ALEKSANDAR VUJADINOVIĆ

U redu. Hvala lijepo. Ovim smo iscrpili raspravu klubova vijećnika. Zaključujem raspravu klubova.

Otvaram raspravu vijećnika. Pa sada dajem riječ znači Edimu Kadiću, samostalnom vijećniku. Izvolite.

EDIM KADIĆ – samostalni vijećnik

Vi ste mene malo zbunili. Sad sam dosta toga i zaboravio, tako da nemojte ubuduće.

Što se tiče nacrta ja bi prvo pozvao i predlažem jedan zaključak da bude da pozovemo ove koji mogu da utiču na budžet da što prije uspostave vlast.

Jer od njih mnogo toga zavisi i ako oni budu dobro radili, vjerovatno će nam i budžet biti puno veći.

Ja svake godine ponavljam jednu te istu stvar da u ovu državu teško će ko doći da ulaže novac, a bez novih investicija nama za desetak godina ovdje neć imati ko da radi.

Ja sam juče sreo jednog prijatelja koji ima građevinsku firmu. Ima jednog sina koji je imao platu veliku i mnogo toga ovdje, on je otišao u Holandiju, na žalost, čovjek plače.

Onda možete zamisliti šta će se desiti ako mi nastavimo ovako da radimo, kažem mi, podrazumijevam i nas, a i one iznad nas gore, da nećemo imati ko ni penzije da nam zarađuje. To je zaista jedan groman problem.

E sad da se vratim malo na budžet. Što se tiče i inicijativa. ja bi zamolio, mi smo mnoge inicijative pokretali. Evo ja ću pomenuti. Ja sam jedan od inicijatora inicijative da se,

to smo donijeli zaključak 2015-te, usvojena je Inicijativa vezana za izgradnju i adaptaciju zgrade DTV Partizan u Kreki. Mi međutim nismo planirali u budžetu novce za to i mislim da to nije u redu.

Drugo, da vidimo te sve inicijative da se razmotri da one koje su realne, da planiramo novce za njih i da u idućoj godini ja zamolim, ja sam jednom to bio predložio, pa sam bio napadnut da ne predlažemo inicijative ako nema novaca predviđenih za to.

Ja znam iduća godina nije izborna i nema potrebe da mi sad, znamo mi da bi trebalo sad jedno 100.000.000 sigurno da se riješe svi problemi. Ali, hajde da u gradu Tuzli riješimo osnovne one probleme da kažemo da svi građani imaju, vodu, struju, kanalizaciju i onda i ove ostale znači i sport i kulturno-umjetnička društva itd.

Mene interesuje i ako može neko kasnije da mi odgovori, šta je sa akumuliranom dobiti iz dva naša dobra preduzeća. To se misli na Centralno grijanje i Saobraćaj i komunikacije. Mi smo bili predvidjeli za ovu godinu u budžetu te novce i onda kasnije sam dobio informaciju da nisu, nešto to nije u redu sa zakonom ili ne znam šta je i gdje su ti novci?

Ja sam, kad smo imali raspravu o izvještaju o radu Centralnog grijanja, mislim da sam to pitanje postavio, rečeno je da ću dobiti odgovor. Nisam ga dobio.

Dalje, tražim da me neko informie šta je sa Stadionom Tušanj? Mi smo i prošle godine, čini mi se, za ovu godinu predvidjeli novce, tamo se nešto počelo i stalo se, ponovo predviđamo da se određena svota novca da za Stadion i možemo li dobiti jednu potpunu informaciju, koliko treba novaca, kad će to biti urađeno, da li možemo javno, privatno partnerstvo da ponudimo nekome itd. Znači da imamo tu informaciju.

Što se tiče izdvajanja za sportske klubove evo kolegica je rekla 1.000.450. Ja bi postavio pitanje. Koji su to kriteriji da neki klub dobije ovoliko novca a neki ne dobiju. Evo konkretno mogu da kažem Tuzla City isto Prva liga, nije predviđena ni dinara za iduću godinu.

Drugo, da li mi imamo povratnu informaciju gdje se novci troše? Ja odgovorno tvrdim, mislim da sam u pravu, ako nisam neka me neko ispravi, da Grad Tuzla daje najviše za Fudbalski klub Sloboda od svih gradova u Bosni.

Ako sam u krivu neka mi neko kaže da sam u krivu, ali mislim da jesmo i mi treba da znamo šta se dešava, da imamo neku informaciju. Ja malo pratim i pratio sam i Skupštinu, da je tamo predsjednik podnio ostavku da smo dobili milion maraka ili 900.000 za ovog jednog fudbalera i toje pohvalno, svaka čast i treba što više naših mladih da uključimo i da na taj način pokušamo da dinemo na veći nivo.

Pošto Grad Tuzla ima odlične odnose sa Gradom Rijekom i Osijekom, a tamo su njihovi klubovi, igraju i u evropskim klubovima, možda ne bi bilo loše malo otići tamo, vidjeti način na koji oni finansiraju te klubove, jer vidim da tamo imaju i određene privatnike koji su ušli sa svojim kapitalom. Da li je to moguće po zakonu da i mi to uradimo i podignemo to na veći nivo.

Bili smo govorili o organizovanju neke međunarodne utakmice gdje bi naš direktor Šećerbegović doveo Beşiktaş, bilo je govora i o tome itd. itd.

Iduće godine je 100 godina Slobode, vjerovatno se to i priprema, ja se nadam, evo to je samo ovako za razmatranje.

Takođe za kulturno-umjetnička društva, domove kulture, takođe bi trebali da predvidimo odreenu svotu novca, jer moramo naše mlade maknuti sa ulica.

Dalje predlažem da razmotrimo finansiranje Vijeća. Da se tu smanje određeni iznosi.

Mislilm da je u prošloj godini za finansiranje stranaka dato 524.000 KM iz budžeta Grada Tuzle, ja ne znam da li smo mi dobili informaciju gdje su ti novci utrošeni ina koji način.

I sigurno bi trebali da smanjimo ovaj iznos, da se predloži da ovaj iznos da bude manji, ako trebe i naše naknade da se razmotri mogućnost da se smanje itd.

Dalje, što se tiče javnih ustanova, po Zakonu o zdravstvenoj zaštiti i Zakonu o javnoj ustanovi i Zdravstvena ustanova Apoteke bi trebala da bude na budžetu tako barem piše u zakonu. Pa molim da se i to razmotri.

Mi godinu dana tražimo sastanak u službi da nas neko primi, da se objasni, da se riješe problemi. Međutim, godinu dana se to nešto čeka, nešto se izbjegava, ne znam zašto.

I na kraju da pozovem da zaista sve učinimo da mladi ostanu, da učinimo sve što je do nas da se poveća zaposlenost.

Mi smo tamo dobro počeli na početku mandata dobro počeli. Otvorili smo i kancelariju za poduzetnike. Ja ne znam da li bi bilo, bilo bi mislim dobro da predložimo da se napravi jedna informacija o radu te kancelarije, da li ima efekta, koliko ima efekta, šta smo time dobili.

Ja se nadam da ovo što je gospodin Mensur predložio, vezano za poslovne zone da će vjerovatno u sklopu toga biti, pa eto samo da napomenem. Toliko od mene.

ALEKSANDAR VUJADINOVIĆ

U redu. Hvala lijepo. Da li se još javlja za riječ ispred vijećnika? Mensur Alić, Tuzlanska alternativa.

MENSUR ALIĆ

Hvala predsjedavajući. Teško je razgovarati danas o nacrtu budžeta i veoma će biti teško sastaviti budžet da bi svi ovi apetiti danas koji su iznešeni mogli. Veoma teško. Mi imamo 9.000.000 manje planiran budžet za 2019. godinu. U stvari 11.000.000 je manji, ali kad se umanji ovaj deficit milion i nešto, to je oko 9.000.000 je manji budžet.

Stavke se neke moraju smanjivati. Sad je važno u nacrtu budžeta napraviti pravednu tu raspodjelu sredstava. To je ključno.

Onoliko koliko imamo da rasporedimo da budu svi zadovoljni. Ali neće biti svi zadovoljni i to je ono što, morat ćemo voditi računa kad bubu Amandmani, odakle skidamo, s koje pozicije, a na koju poziciju dajemo.

Moramo građanima reći, predlažem Amandman 100.000 da se stavi na poziciju tu i tu, ali tražim da se ti 100.000 skine s pozicije te i te.

To ćemo morati uraditi. Tako ćemo morati uraditi. Jer 9.000.000 nije malo. I valja ga umanjiti, ali samo treba ga pravilno rasporediti ovo što bude 54.000.000.

Evo ja imam odma. Neću puno. Ja imam direktan prijedlog odmah sad u nacrtu budžeta. Evo imamo 500.000 manje od rada Termoelektrane. Koje očekivao da će biti manje. Je li manje Suada 500.000? Ko je očekivo.

Mi smo 5.000.000 već planirali da potrošimo u ovoj godini. Nema 500.000. Odakle ih namiriti?

Od poreza sve manje i manje sredstava dobivamo. Nama je važno kako prihode obezbjediti. Najlakše je potrošiti. Kad imate dobre prihode, velike prihode, onda možete rasporediti u rashode.

Ali ako nemate prihoda, šta ćete onda? To je isto kad dobijete penzije, kažem idem prvo da platim grijanje, struju, vodu, pa što mi ostane. E to je budžet. Ali moramo voditi računa da bude ravnomjerno raspoređen.

I zato moj prijedlog jeste u nacrtu budžeta evo odmah to je strana 53. gdje su rashodi. Pod stavkom Kapitalni izdaci izgradnja i rekonstrukcija Mjesne zajednice u Šićkom Brodu.

Sredstva iz rada Termoelektrane, po zaključku kojeg smo mi donijeli ovdje na Vijeću. Mi smo se ogradili fino na Vijeću, donijeli 5.000.000 ne može ići nigdje osim tu. E idemo tako ćemo raditi. E, sad nam fale ta sredstva. Fale nam da bi negdje drugo mogli pokriti. I upravo to je i ovaj drugi koji sam dobio isto tako. O čemu je Jasminka govorila. To je adaptacija ovog Partizana, takođe postoji li zakonska mogućnost, ne zakonska, nego postoji li mogućnost da mi sad svoju Odluku preinačimo? Pa da dio sredstava od Termoelektrane, rada Termoelektrane usmjerimo u adaptaciju Partizana i ovu stavku Šićki Brod 300.000 se planira za izgradnju društvenog doma to je direktno prijedlog moj. On će ostati i na budžetu ću takav prijedlog tražiti bude i predlažem ga sad u nacrtu odmah.

Da bude sastavni dio budžeta. Zašto?

Prije sedam, osam godina tim građanima je obećalo se prvo rekonstrukcija Doma uraditi, nije urađena. E sad trebamo krenuti u izgradnju novog društvenog doma, jer ti građani zaslužuju iz ovih sredstava Termoelektrane.

Evo završit ću s time. Naravno budžet kad dođe vidjet ćemo hoće li biti on raspoređen kako svima da budu svi zadovoljni ili neće, to je stvar koliko ćemo imati sredstava.

Da li će biti rebalansa u idućoj godini i to je pitanje. Upravo o čemu je Edo govorio. Nama radnici odlaze. Mi ostajemo bez radnika, mnoge će fabrike zatvoriti za dvije godine, neće biti prihoda, to će biti najveći problem. Ne samo grada Tuzle nego svih gradova u Bosni i Hercegovini, pa čak Federacije i države Bosne i Hercegovine. Hvala lijepo.

ALEKSANDAR VUJADINOVIĆ

Hvala. Mirnes Ajanović, BOSS. Izvolite.

MIRNES AJANOVIĆ

Hvala. Već sam potrošio u potpunosti svoje vrijeme u prethodnom diskutovanju po ovoj tački.

Ovdje bi samo dopunio još jedan prijedlog zaključka. Nama je dužnost iz ovih sredstava budžeta pomoći naša javna preduzeća i javne ustanove.

U budžetu već imamo jedna sredstva 70.000 maraka za Gradske apoteke, a oni vrte mjesečno, odnosno godišnje 8.000.000 maraka. sedam, osam miliona maraka i dajemo im 70.000 maraka.

Hajde, to je vjerovatno za dežuru, za slično nešto, mada to trebalo bi ako neko prometuje sedam, osam miliona maraka godišnje, a za protekli mandat recimo, koliko je jedan od njih u menadžmentu 30.000.000 ili slično, pa još bez poštivanja Zakona o javnim nabavkama, a još to provjerava Tužilaštvo itd. vrši istragu i SIPA, onda trebamo pomoći i preduzeća koja nisu kriva za trenutno stanje da ne posluju pozitivno. Panonika.

Ne može biti krivo preduzeće za izuzetno loše vremenske uslove koji dugo nisu zapamćeni na ovim prostorima gdje je gotovo cijelo ljeto bilo kišovito.

I nikako ne može menadžment odgovarati za nešto što su oni uspjeli i napraviti, uslovno rečeno, u nemogućim, u onim, koliko je već bilo 20-tak dana sunca ili slično.

Ne smijemo dovesti Panoniku da ne može adekvatno poslovati i treba da u budžetu predvide se sredstva zbog ovakvih vremenskih, odnosno nevremenskih uslova da se pomogne preduzeću i da se izdvoje adekvatna sredstva koja sigurno moraju biti veća nego recimo ovdje gdje imamo 8.000.000 maraka a dajemo 70.000.

Da to mora biti realizovano kroz budžet, prijedlog budžeta da Panonika dobije veća sredstva kako bi mogla početi sezonu adekvatno i opet naravno neznamo kakva je sezona. Prošle godine kada je bilo sunčanih perioda mnogo više, preduzeće je funkcionisalo vrlo

dobro, adekvatno, tako da sada u ovoj situaciji moramo pomoći javnom preduzeću i svimostalim preduzećima gdje je to zaista opravdano. Gdje nije kriv menadžment.

Ovdje pogotovo ne može biti nikako kriv biloko zbog nevremena koje je zahvatilo cijelu Evropu. I evo to je još jedan od prijedloga da se nađe u prijedlogu budžeta. Hvala.

ALEKSANDAR VUJADINOVIĆ

U redu. Hvala lijepo. Mirza Tupajić, replika Edim Kadić. Izvolite.

EDIM KADIĆ

Pa vezano za ovo što govori 70.000 mislim da je to vrlo malo, iz razloga što ti novci idu na pokrivanje gubitka koji proizvode nerentabilne apoteke koje smo mi otvorili na zahtjev i ovog Vijeća, za dežurstva i za tužbe koje su nastale prije pet godina kada su Apoteke bile u onakvom stanju u kakvom jesu i treba da se radi istine zna da je preko 500.000 do sad isplaćeno za tužbe radnika za koje nije ovaj menadžment kriv.

Za vašu informaciju ja sam rekao i na jednom od predhodnih vijeća, ove godine Vlada Sarajevskog kantona je kantonalnim apotekama Sarajevo koje su osam puta veće, dala 2.300.000 samo u ovoj godini.

A ako je po zakonu i o zdravstvu i javnim ustanovama treba da budemo na budžetu pa neka budemo na budžetu, pa ćemo mi ispoštovati sve ovo što treba da se ispoštuje i kolektivno i granski, ako je to tako.

ALEKSANDAR VUJADINOVIĆ

U redu. Hvala lijepo. Replika Mirnes Ajanović.

MIRNES AJANOVIĆ

Malo je nejasno zašto se replikant srkleti na moju diskusiju. Ja niam rekao da treba uzeti ovih 70.000. Ni jednog trenutka. Je li ima bilo ko ko je to čuo? Ako treba neka presluša, neka pročita zapisnik.

Ili ne čuje dobro. Bolje se čuje kada se ne sjedi na ušima, naravno. Ili kada se sluša šta se govori, a ne ono što se želi čuti ili misli da se govori.

Ja sam samo rekao, ako se firmi, odnosno javnoj ustanovi koja prometuje 8.000.000 maraka, po Izvještaju o radu koji je imao recimo za prošli period, daje 70.000 maraka, nisam to sporio. Treba i preduzeću Panonici koja zavisi od vremenski uslova. Zimi ne može raditi. Apoteka radi i ljeti i zimi i dan i noć. 24 sata radi. Panonika može da radi samo dva ili tri mjeseca.

I ako od ta dva ili tri, je radila 20-tak dana mi smo dužni pomoći i dati veća sredstva.

Dakle, Apotekama neka 70.000 ako može i više, ali u ovoj situaciji toj Panonici treba dati još više sredstava da bi bili pravedni.

Ovako nismo pravedni. Hvala.

ALEKSANDAR VUJADINOVIĆ

U redu. Hvala. Je li, kome je replika? Po Poslovníku imate pravo jednom replicirati istom govorniku po istoj temi.

EDIM KADIĆ

Dobro. Samo da kažem da nisam uopšte uzbuđen. Ništa više.

ALEKSANDAR VUJADINOVIĆ

U redu. Hvala. Mirza Tupajić, SDA. Izvolite.

MIRZA TUPAJIĆ - vijećnik Stranke demokratske akcije

Evo ja se javljam još jednom, kao vijećnik. Zaboravio sam dati jedna prijedlog zaključka. Mislim u ime Kluba.

Godinama govorimo o osnovnom problemu, slažem se sa kolegom Mensurom Alićem, kao privrednikom, da je najveći problem jeste prihodovna strana. Znači na koji način nadomjestiti nedostatna sredstva u budžetu Grada Tuzle.

Ja bi danas dao jedna prijedlog, da mi uvedemo jedan novitet u radu našeg Gradskog vijeća koji će sigurno, u to sam uvjeren dati pozitivne efekte.

Evo prošli su znači Opći izbori. Mi imamo izabrane zvaničnike sa prostora Tuzle, sa prostora grada Tuzle u Skupštinu Tuzlanskog kantona, imamo izabrane zvaničnike u Federalnom Parlamentu.

Barem jednom godišnje, to su drugi gradovi, druge opštine do sada radili, barem jednom godišnje da pozovemo te izabrane zvaničnike na jednu tematsku sjednicu Gradskog vijeća i da sve ove probleme sa kojim se mi susrećemo znači sa problemima koji koče znači ovu prihodovnu stranu budžeta, širenje znači poslovni zona, rješavanje imovinsko-pravni odnosa, dosta zemlje, naše gradske je rudničko. Stotine godina znači uzimala se so, crpi se so, imamo problem tog tonjenja itd. itd.

Jednostavno trebamo i mi lobirati, kao Grad Tuzla, kao prijeratni industrijski centar koji je pretrpio sigurno najveću postratnu krizu znači tu ekonomsku krizu, mnogi su kombinati, korporacije pod stečajem itd. itd.

Ja predlažem znači barem jednom godišnje da se pozovu ti naši izabrani zvaničnici. Oni tamo bez obzira na svoje političke subjekte, moraju imat jasan stav, jedinstven stav kada se radi o gradu Tuzla i mislim da se može dosta toga izlobirati i kod određeni grantova.

Na primjer evo da nam napokon se riješi Livnica, to je federalna Direkcija cesta nadležna.

Te pare može obezbjediti, znači većinu tih sredstava može obezbjediti federalna Vlada itd. itd.

A imamo mi još mnogo ti neki projekata koje bi možda mi finansirali iz našeg budžeta Grada Tuzle, a jednim finim lobiranjem preko naših ljudi tamo, samo znači dovoljno je da ih pozovemo ovdje, da ljudski razgovaramo i dajemo te naše prijedloge i da tražimo pomoć i u drugim opštinama to je dalo već rezultate. A zašto to mi ne bi uradili? Hvala.

ALEKSANDAR VUJADINOVIĆ

U redu. Hvala lijepo. Replika Elvir Mahmuzić.

ELVIR MAHMUZIĆ - vijećnik Socijaldemokratske partije

Evo jedna replika mom uvaženom kolegi Mirzi. Pa bolje je da nas 31 odemo u federalni Parlament pa da tamo prisustvujemo sjednici. Šta misliš?

ALEKSANDAR VUJADINOVIĆ

Dobro. Replika Mirza Tupajić.

MIRZA TUPAJIĆ

Pa može i tako, ali ja mislim da je ovo bolje.

ALEKSANDAR VUJADINOVIĆ

OK. Slijedeća se za riječ javila. Replika Mensur Alić. Izvolite.

MENSUR ALIĆ

Ja bi samo zamolio, evo preko medija prenose, da samo ovi poslanici koji su iz Tuzle izabrani u državni i federalni parlament ne zaborave Tuzlu bar do Kladnja, a kamo li do Kalesije. Hvala lijepo.

ALEKSANDAR VUJADINOVIĆ

U redu. Hvala lijepo. Replika Mirnes Ajanović.

MIRNES AJANOVIĆ

Mensur je zaboravio pominjući ove federalne i kantonalne. Oni do kantona zaborave, odnosno u istom gradu dok dođu do zgrade.

ALEKSANDAR VUJADINOVIĆ

U redu. Rejhana Dervišević, SDP. Slijedeća se javila za riječ.

REJHANA DERVIŠEVIĆ

Hvala predsjedavajući. Prije nekoliko mjeseci u okviru jedne informacije koja je dostavljena Gradskom vijeću na razmatranje, u okviru moje diskusije, osvrnula sam se na podatke prezentirane u toj informaciji, a koji su se odnosili na broj osoba koji su u proteklim godinama tretirani kao žrtve nasilja.

Radilo se o podacima o prijavljenom nasilju u porodici a broj slučajeva koji nisu prijavljeni je zasigurno i veći jer zlostavljane žene i djeca šute, zbog srama i straha.

Ja sam i tada govorila o poraznoj činjenici da federalno Ministarstvo rada i socijalne politike ni do danas nije smoglo snage da usvoji pravilnik o osnivanju i finansiranju radu sigurnih kuća.

Onda je, ako se sjećate i naše Gradsko vijeće uputilo Urgenciju za usvajanje ovog akta, jer je po donošenju izmjena Zakona 2013. godine ostala neizvjesna sudbina žena i djece, žrtava nasilja i sigurnih kuća.

Moj prijedlog za zaključak se odnosi upravo na Udruženje žena Viva žene koje već 22 godine vrši brinjanje i smještaj, te psihološku, socijalnu, pravnu i medicinsku brigu i podršku ženama i djeci koji su doživjeli fizičko, seksualno, ekonomsko i psihološko nasilje u

porodici. Ova sigurna kuća predstavlja i sklonište za djevojke žrtve seksualnog nasilja, incesta i silovanja.

Udruženje građana Vive žene posjeduje vlastiti objekat izgrađen uz finansijsku pomoć stranih donatora Holandije i Švicarske, a zemljište za izgradnju objekta, donirao je naš Grad.

Sigurna kuća žrtvama nasilja privremeno daje, prije svega fizičku zaštitu i tjelesni integritet, a nakon toga i psihosocijalni tretman za duševni oporavak kojim se žrtvama nasilja jača i vraća samopouzdanje i samopoštovanje.

Radi se dakle o socijalno osjetljivoj i ugroženoj populaciji koja zavisi od donatorskih sredstava.

U proteklih 18 godina za rad sigurne kuće više od 90% sredstava obezbjeđivali su strani donatori, ne može se očekivati da njihova pomoć traje vječno jer se radi o žrtvama i nasilju naših građana.

Stoga sam mišljenja i predlažem da i mi kroz dio sredstava kojim raspolazemo, naravno u skladu sa svojim mogućnostima, trebamo dati finansijsku podršku njihovom radu.

I ako dozvolite predsjedavajući, nisam iskoristila svo vrijeme, ja bi se takođe podržala inicijativu ponovne izgradnje Partizana zato što sam svoje djetinjstvo provela dole.

Dakle, to je mjesto koje je bilo glavno mjesto okupljanja i druženja mladih iz Kreke. Prostor za sportska takmičenja, treninge, gimnastike i stonog tenisa, atletike, rukometa, košarke, streljaštva, odbojke itd.

Dakle novi DTV Partizan će za Krečane biti dom sporta, ali i kulture, gdje će stanovnici Kreke dobiti i ambulantu i adekvatne prostorije za rad udručenja i Mjesne zajednice, barem onoliko koliko sam ja vidjela u ovom prijedlogu. Hvala vam.

ALEKSANDAR VUJADINOVIĆ

U redu. Hvala lijepo. Ivica Kovačević, HDZ BiH. Izvolite.

IVICA KOVAČEVIĆ

Poštovanje predsjedavajući, lijepo pozdrav vama, zamjeniku, sekretaru Vijeća, kolegicama i kolegama vijećnicima, predstavnicima izvršne vlasti, gostima, medijima. Javljam se evo, kolegica Mijatović je rekla neke stavove, neka razmišljanja Kluba vijećnika HDZ-a Bosne i Hercegovine kada je u u pitanju, evo materijal o kojem raspravljamo.

Ja ću samo se, evo referirati, odnosno reći jednu stvar, osvrnuti se na jednu stvar, ovo što je rekao kolega Alić da nam treba jel puno mudrosti kod donošenja proračuna.

Slažem se, slažem se i to također evo i ja želim podcrtati. Bili smo svjedoci kako smo ovaj prošli Proračun pod pritiskom javnosti, pod pritiskom ljudi morali vršiti korekcije, morali vršiti izmjene, morali vršiti promjene itd. itd.

Smatram da tog takvog jednog pritiska kakav smo imali ovdje na sjednicama krajem prošle i početkom ove godine uopće nije ni trebalo doći. To sam i ja, evo kao predsjednik Kluba HDZ-a i kolegica Mijatović, kao Klub, dakle generalno smo, već godinama govorili dakle vezano za utrošan ovih sredstava od Termoelektrana „Tuzla“ da treba imati malo više osjećaja prema tim ljudima, prema tim sredinama.

Na žalost to nije bilo tako prve dvije, tri godine, onda smo evo zadnji put imali što smo imali. Dakle, evo upravo iz tog razloga opet pozivam na mudrost posebice oko tih sredstava.

Kolega Alić je delegirao problem u Šićkome Brodu. Ja isto evo tako, već odmah ovdje sad mogu reći da ni mjesna zajednica Bukinja apsolutno nema adekvatan prostor za obavljanje svojih djelatnosti jer znamo da su oni iseljeni praktično iz onog prostora i da u biti

evo sve to teško funkcionira, mislim da je to također jedan od, jedna od stvari oko kojih treba razmisliti kod donošenja proračuna.

I isto tako iz ove priče nikako ne možemo i ne smijemo isključiti i Mjesnu zajednicu Husino. Mjesnu zajednicu Husino koja je jedna od te tri mjesne zajednice na čijem području se nalazi i gravitira, koji gravitiraju Termoelektrani Tuzla. Dakle, prošle godine kroz ove projekte toplifikacije ti su projekti uglavnom, uglavnom su rađeni na prostoru ovih dviju mjesnih zajednica Bukinje i Šićkog, dok je Husino nekako u cijeloj toj priči nekako zapostavljeno tako da evo, i kao vijećnik HDZ-a Bosne i Hercegovine i kao generalno vijećnik ovoga Vijeća, očekujem da se kroz ovaj proračun, kroz ta sredstva posebna pozornost pokaže i ovoj mjesnoj zajednici, kažem trećoj, koja je prošle godine u najvećoj mjeri zaobiđena u cijeloj priči. Hvala lijepo.

ALEKSANDAR VUJADINOVIĆ

U redu. Hvala lijepo. Amela Čehajić, DF. Izvolite.

AMELA ČEHAJIC

Hvala predsjedavajući. Ja sam samo zaboravila u svom izlaganju da kažem da će takođe Klub DF-a podržati ovo iznalaženje mogućnosti za uvrštavanje sredstava, da ide u prijedlog nacrta budžeta u svrhu izgradnje DTV Partizan. Hvala.

ALEKSANDAR VUJADINOVIĆ

Hvala. Da li se još neko javlja za riječ? Ukoliko ne, zaključujemo raspravu vijećnika.

Sada stavljam na izjašnjavanje a) NACRT BUDŽETA GRADA TUZLA ZA PERIOD OD 01. 01. - 31. 12. 2019. GODINE i pozivam vijećnike da aktiviraju uređaje za elektronsko glasanje i da se pritiskom na odgovarajući taster izjasne za prijedlog, ili protiv prijedloga, ili kao suzdržani u odnosu na prijedlog. Glasanje je okončano.

Konstatujem da je a) NACRT BUDŽETA GRADA TUZLA ZA PERIOD OD 01. 01. - 31. 12. 2019. GODINE usvojen jednoglasno sa 28 glasova za, bez glasova protiv i bez suzdržanih glasova.

Sada stavljam na izjašnjavanje b) NACRT ODLUKE O IZVRŠENJU BUDŽETA GRADA TUZLA ZA PERIOD 01. 01. - 31. 12. 2019. GODINE i pozivam vijećnike da aktiviraju uređaje za elektronsko glasanje i da se pritiskom na odgovarajući taster izjasne za prijedlog, ili protiv prijedloga, ili kao suzdržani u odnosu na prijedlog. Glasanje je okončano.

Konstatujem da je b) NACRT ODLUKE O IZVRŠENJU BUDŽETA GRADA TUZLA ZA PERIOD 01. 01. - 31. 12. 2019. GODINE usvojen jednoglasno sa 28 glasova za, bez glasova protiv i bez suzdržanih glasova.

Sada stavljam na izjašnjavanje c) ODLUKU O IZMJENAMA I DOPUNAMA BUDŽETA GRADA TUZLA ZA PERIOD 01. 01. DO 31. 12. 2018. GODINE i pozivam vijećnike da aktiviraju uređaje za elektronsko glasanje i da se pritiskom na odgovarajući taster izjasne za prijedlog, ili protiv prijedloga, ili kao suzdržani u odnosu na prijedlog. Glasanje je okončano.

Konstatujem da je c) ODLUKA O IZMJENAMA I DOPUNAMA BUDŽETA GRADA TUZLA ZA PERIOD 01. 01. DO 31. 12. 2018. GODINE usvojena jednoglasno sa 28 glasova za, bez glasova protiv i bez suzdržanih glasova.

Pozivam sekretara Gradskog vijeća da pročita znači zaključke proistekle iz rasprave.

SLADANA KRAJINA – sekretar Gradskog vijeća Tuzla

1. Nacrt Budžeta Grada Tuzla za period 01. 01. - 31. 12. 2019. godine i Nacrt Odluke o izvršenju Budžeta Grada Tuzla za period 01. 01. - 31. 12. 2019. godine, upućuju se na javnu raspravu, koja će trajati 30 (trideset) dana.

2. Za provođenje javne rasprave zadužuju se Služba za budžet i finansije i Komisija za ekonomske odnose.

3. Ovlašćuje se Gradonačelnik Grada Tuzla da donese Program provođenja javne rasprave o Nacrtu Budžeta Grada Tuzla za period 01. 01. - 31. 12. 2019. godine i o Nacrtu Odluke o izvršenju Budžeta Grada Tuzla za period 01. 01. do 31. 12. 2019. godine.

4. Nacrt Budžeta Grada Tuzla za period 01. 01. - 31. 12. 2019. godine i nacrt Odluke o izvršenju Budžeta Grada Tuzla za period 01. 01. - 31. 12. 2019. godine objaviti na web stranici Grada Tuzla, kako bi što veći broj građana, savjeta mjesnih zajednica, nevladinih organizacija i ostalih zainteresovanih uzeo učešća u javnoj raspravi.

5. Gradsko vijeće Tuzla traži od Gradonačelnika Grada Tuzle i resornih službi da dostavi informaciju o realizaciji projekata u kojoj će se naznačiti koji projekti su završeni, koji nisu, te iz kojih razloga nisu završeni.

6. Gradsko vijeće Tuzla traži od Službe za komunalne poslove, izgradnju i poslove mjesnih zajednica da informiše Gradsko vijeće Tuzla o visini sredstava koja su potrebna za saniranje udarnih rupa na području grada Tuzla.

7. Gradsko vijeće Tuzla smatra da je potrebno, u skladu sa mogućnostima izdvojiti više sredstava za izgradnju i održavanje javne rasvjete, za regulaciju riječnih vodotoka i čišćenje korita vodotoka, za higijenu grada, Zimsku službu i zelene površine, toplifikaciju, za socijalna davanja pomoć za socijalnim kategorijama.

8. Gradsko vijeće Tuzla sugerije da se razmotre mogućnosti da se pokušaju obezbijediti potrebna finansijska sredstva za obezbjeđenje prostorija za rad Udruženja URODIOL.

9. Gradsko vijeće Tuzla sugerije da se razmotri mogućnost da visina granta za realizaciju Akcionog plana za Rome da se vrati na iznos od 40.000 KM.

10. Gradsko vijeće Tuzla sugerije da se razmotri mogućnost da se stavka Ostali transferi za obavezno zdravstvenog osiguranja lica u stanju socijalne potrebe poveća sa 4.000 KM na 14.000 KM.

11. Gradsko vijeće Tuzla sugerije da se razmotri mogućnost da se u prijedlog budžeta za narednu godinu uvrste sredstva za izgradnju, odnosno adaptaciju zgrade DTV Partizan Kreka I faza u skladu sa ranije usvojenim inicijativama Gradskog vijeća.

12. Gradsko vijeće Tuzla sugerije da se u skladu sa mogućnostima grantovi za projekte za mlade pokušaju vratiti na prošlogodišnji nivo, da se Grant za Dom zdravlja uveća u skladu sa zaključcima Gradskog vijeća Tuzla sa sjednice održane 24. 10. 2018. godine, te da se iznos sredstava za subvencioniranje kamata za stambeno zbrinjavanje mladih uveća zbog velikog interesovanja mladih za ovaj način pomoći u rješavanju stambenog pitanja.

13. Gradsko vijeće Tuzla sugerije da se razmotre ranije usvojene inicijative koje su se odnosile na pojedina izdvajanja iz budžeta, te da se u skladu sa mogućnostima pristupa njihovoj realizaciji.

14. Gradsko vijeće Tuzla sugerije da se kada je u pitanju finansiranje sportskih klubova koristi dobra praksa naših prijateljskih gradova.

15. Gradsko vijeće Tuzla sugerije klubovima vijećnika i vijećnicima da se razmotri mogućnost smanjenja sredstava iz budžeta Grada Tuzla za rad političkih partija, koalicija, nezavisnih vijećnika, lista nezavisnih vijećnika, kao i naknade vijećnika.

16. Gradsko vijeće Tuzla traži od resornih službi da za jednu od narednih sjednica Gradskog vijeća pripremi informaciju o radu Ureda za poduzetnike čiji će sastavni dio biti i informacija o poslonim zonama.

17. Gradsko vijeće sugeriše da se izgradnju i rekonstrukciju Doma u Šićkom Brodu i Bukinju izdvoji iznos sredstava ostvarenih radom termoelektrana, te da se tom prilikom vodi računa i o mjesnoj zajednici Husino.

18. Gradsko vijeće Tuzla sugeriše da se u skladu sa zakonskim i finansijskim mogućnostima izdvoje veća adekvatna sredstva za rad Panonike, ozbirom da poslovanje ovog preduzeća velikim dijelom uvjetuju vremenske prilike.

19. Gradsko vijeće Tuzla smatra potrebnim koristiti dobru praksu i pozitivna iskustva drugih opština i gradova kada je u pitanju saradnja sa izabranim nosiocima vlasti.

20. Gradsko vijeće Tuzla sugeriše, da se u skladu sa mogućnostima finansijski podrži rad Sigurne kuće žrtvama nasilja koja žrtvama nasilja pruža ne samo fizičku, nego i psihološku zaštitu i pomoć.

21. Gradonačelnik Grada Tuzla i Služba za budžet i finansije će razmotriti i analizirati prijedloge, primjedbe i sugestije svih vijećnika, date tokom današnje rasprave o Nacrtu Budžeta Grada Tuzla za period 01. 01. - 31. 12. 2019. godine i Nacrt Odluke o izvršenju Budžeta Grada Tuzla za period 01. 01. - 31. 12. 2019. godine.

22. Zadužuje se Stručna služba Gradskog Vijeća da Izvod iz stenograma sa ove sjednice Gradskog vijeća Tuzla dostavi Gradonačelniku Grada Tuzla, Službi za budžet i finansije i Komisiji za ekonomske odnose.

ALEKSANDAR VUJADINOVIĆ

U redu. Ima li prijedlog za dopunu zaključaka? Mirnes Ajanović, BOSS. Izvolite.

MIRNES AJANOVIĆ

Samo ovaj dio u Panonici, gdje kažemo zbog poslovanja i koji zavise od vremenskih prilika, a uzevši u obzir da je protekla sezona, u većem dijelu bila u situacijama nevremenski ili vremenskih nepogoda i kišovita.

Da se zna da je to razlog, da bude precizirano. Hvala.

ALEKSANDAR VUJADINOVIĆ

U redu. Hvala lijepo. Mensur Alić, Tuzlanska alternativa.

MENSUR ALIĆ

Pa mi sad imamo sve zaključke, ja se sa nekim zaključcima ne slažem. I sad dolazimo u situaciju da moramo u paketu glasati, a ima zaključaka koje nećemo moći ispuniti, to je problem. Nije to da sam ja protiv nekog zaključka što je neko predložio od stranaka (Prijedlog.) ali imamo prijedloge na koje sigurno nećemo moći izvršiti. Nećemo moći uraditi taj zaključak. Nećemo moći sprovesti.

To je onda problem. Dolazimo u problem da nam građani kažu vi ste to donijeli na vijeću, a niste ispunili.

Evo ovaj put neka bude tako, ali na slijedećim zaključcima ići ćemo jedan zaključak za drugim da se glasa.

Mislim da ne možemo više na ovakav način, imamo istu odgovornost prema građanima i oni koji su predložili taj zaključak i mi koji glasamo za taj zaključak, a ne može se realno sprovesti u djelo.

Eto to je ono, da ne bude puno populizma ovdje nego da bude iskreni jedni prema drugima i da predložimo zaključke koje možemo stvarno i realizovati u toku godine. Hvala.

ALEKSANDAR VUJADINOVIĆ

U redu. Hvala. Mirnes Ajanović.

MIRNES AJANOVIĆ

Ma u okviru ovoga što kaže kolega Alić. Ovo su naši prijedlozi koji su izrečeni tokom rasprava i sekretar je to dobro sublimirala.

I možda je prijedlog rješenje da mi usvojimo ovaj generalni zaključak koji imamo, da će prilikom razmatranja i izrade prijedloga budžeta gradonačelnik i već ko je predlagač u stvari, uzeti u obzir sve diskusije i navode i prijedloge koji su izrečeni od strane vijećnika.

Time bi onda izbjegli ovo što Mensur kaže ovu situaciju koja može biti neugodna za Vijeće u slučaju da se nešto ne realizuje, a nije eventualno moglo, a u stvari opet smo usvojili sve, nismo ništa izostavili.

Pa možda da bude da je ovo dakle prezentirano šta je to od strane vijećnika iznošeno u okviru diskusije, dodati uz naravno uvid u stenogram da svakako ima i tu pa prijedlog da možda zaključak bude samo to. Dakle, da pojednostavimo. Da nisu zaključci svi kao zaključci, nego zaključak je taj jedan generalni, a onda će izvršna vlast imati obavezu da to razmotri i da se izjasni do prijedloga, odnosno uz prijedlog budžeta.

Ovo je mislim efikasnije, da ne pravimo možda i pauzu i bilo šta drugo.

ALEKSANDAR VUJADINOVIĆ

U redu. Hvala. Mensur Alić.

MENSUR ALIĆ

Slažem se u potpunosti s Mirnesom i podržavam ovakav stav. On je našao dobro rješenje. Hvala.

SLAĐANA KRAJINA – sekretar Gradskog vijeća Tuzla

Evo ja predlažem, prošle isto godine kad smo razmatrali, znači samo da budu ovi generalni zaključci o dužini javne rasprave, ko je zadužen za javnu raspravu, ovaj program provođenja i web stranica, a onda da ne pišemo ove pojedinačne zaključke, mada su vijećnici tražili da se unese taj zaključak, a onda ovaj generalni da Gradonačelnik Grada Tuzla i Služba za budžet će razmotriti i analizirati prijedloge, primjedbe i sugestije svih vijećnika, date tokom današnje rasprave o Nacrtu Budžeta Grada Tuzla za period 01. 01. - 31. 12. 2019. godine i Nacrt Odluke o izvršenju Budžeta Grada Tuzla za period 01. 01. - 31. 12. 2019. godine. I.

Zadužuje se Stručna služba Gradskog Vijeća da Izvod iz stenograma sa ove sjednice Gradskog vijeća Tuzla dostavi Gradonačelniku Grada Tuzla, Službi za budžet i finansije i Komisiji za ekonomske odnose. Mislim da je tako prihvatljivije.

ALEKSANDAR VUJADINOVIĆ

Dobro. U redu. Molim vas da se sada izjasnimo o pročitanim zaključcima, o jednom zaključku, znači sublimiranom u jednom zaključku. (SLAĐANA KRAJINA – Ne, ne jedan.) (Ima ih više.)

(SLAĐANA KRAJINA – Ne, ne četiri, molim vas, ovdje ima četiri i dva, šest zaključaka. Ove koje sammaloprije pročitala. Izuzev ovih pojedinačnih. Znači šest zaključaka.)

Dobro. U redu. Znači o njima da se izjasnimo je li tako? U redu. Pozivam vijećnike da aktiviraju uređaje za elektronsko glasanje i da se pritiskom na odgovarajući taster izjasne za prijedlog, ili protiv prijedloga, ili kao suzdržani u odnosu na prijedlog. Glasanje je okončano.

Konstatujem da su pročitani zaključci usvojeni jednoglasno sa 28 glasova, bez glasova protiv i bez suzdržanih glasova:

1. Nacrt Budžeta Grada Tuzla za period 01. 01. - 31. 12. 2019. godine i Nacrt Odluke o izvršenju Budžeta Grada Tuzla za period 01. 01. - 31. 12. 2019. godine, upućuju se na javnu raspravu, koja će trajati 30 (trideset) dana.

2. Za provođenje javne rasprave zadužuju se Služba za budžet i finansije i Komisija za ekonomske odnose.

3. Ovlašćuje se Gradonačelnik Grada Tuzla da donese Program provođenja javne rasprave o Nacrtu Budžeta Grada Tuzla za period 01. 01. - 31. 12. 2019. godine i o Nacrtu Odluke o izvršenju Budžeta Grada Tuzla za period 01. 01. do 31. 12. 2019. godine.

4. Nacrt Budžeta Grada Tuzla za period 01. 01. - 31. 12. 2019. godine i nacrt Odluke o izvršenju Budžeta Grada Tuzla za period 01. 01. - 31. 12. 2019. godine objavit će na web stranici Grada Tuzla, kako bi što veći broj građana, savjeta mjesnih zajednica, nevladinih organizacija i ostalih zainteresovanih uzeo učešća u javnoj raspravi.

5. Gradonačelnik Grada Tuzle i Služba za budžet i finansije će razmotriti i analizirati prijedloge, primjedbe i sugestije svih vijećnika, date tokom današnje rasprave o nacrtu Budžeta Grada Tuzla za period 01. 01. - 31. 12. 2019. godine i nacrtu Odluke o izvršenju Budžeta Grada Tuzla za period 01. 01. - 31. 12. 2019. godine.

6. Zadužuje se Stručna služba Gradskog Vijeća da izvod iz stenograma sa ove sjednice Gradskog vijeća Tuzla dostavi Gradonačelniku Grada Tuzla, Službi za budžet i finansije i Komisiji za ekonomske odnose.

Ovim je ova tačka Dnevnog reda završena. Hoćemo li pauzu? Izvinjavam se evo nešto je vijećnik Mirza Tupajić htio.

MIRZA TUPAJIĆ - vijećnik Stranke demokratske akcije

Pa evo ispred Kluba Stranke demokratske akcije tražim pauzu od 20 minuta.

ALEKSANDAR VUJADINOVIĆ

Evo pauza 15 minuta. (Pauza.)

MIREL MIŠKOVIĆ – zamjenik predsjedavajućeg Gradskog vijeća Tuzla – vijećnik Tuzlanske alternative

Nastavljamo s radom. Prelazimo na treću tačku Dnevnog reda:

IMOVINSKO-PRAVNA AKTA

a) Odluka o dodjeli u zakup poslovnog prostora neposrednom pogodbom Udruženju za osobe sa invaliditetom „Duga“

b) Odluka o utvrđivanju javnog interesa za izvođenje radova na rekonstrukciji postojeće prilazne saobraćajnice u kompleks „DITA 1977“ u Tuzli sa izgradnjom dvostranog uzdignutog trotoara

Predlagač je gradonačelnik Grada Tuzle.

Obrađivač je Služba za geodetske i imovinsko-pravne poslove.

Materijal su razmatrali Komisija za statutarna pitanja i propise, Komisija za prostorno uređenje i zaštitu okoline i klubovi vijećnika.

Pitam prisutne, da li ima potrebe da, u skladu sa članom 68. Poslovnika Gradskog vijeća Tuzla predlagač ili obrađivač daju uvodno izlaganje? Nema.

Pitam da li ima potrebe da se pročitaju izvještaji komisija. Nema.

Otvaram raspravu klubova vijećnika. Javlja li se neko za riječ? Ne javlja. Zaključujem raspravu klubova vijećnika.

Otvaram raspravu vijećnika. Ako se niko ne javlja za riječ, zatvaram raspravu vijećnika.

Sada stavljam na izjašnjavanje predložena imovinsko-pravna akta. Pozivam vijećnike da aktiviraju uređaje za elektronsko glasanje i da se pritiskom na odgovarajući taster izjasne za prijedlog, ili protiv prijedloga, ili kao suzdržani u odnosu na prijedlog. Glasanje je okončano.

Konstatujem da su IMOVINSKO-PRAVNA AKTA

a) Odluka o dodjeli u zakup poslovnog prostora neposrednom pogodbom Udruženju za osobe sa invaliditetom „Duga“ i

b) Odluka o utvrđivanju javnog interesa za izvođenje radova na rekonstrukciji postojeće prilazne saobraćajnice u kompleks „DITA 1977“ u Tuzli sa izgradnjom dvostranog uzdignutog trotoara, usvojeni sa 22 glasa za, bez glasova protiv i bez suzdržanih glasova.

Prelazimo na četvrtu tačku Dnevnog reda:

ODLUKA O DOJELI JAVNIH PRIZNANJA U 2018. GODINI

Predlagač je Komisija za odlikovanja i priznanja.

Obrađivač je Stručna služba Gradskog vijeća.

Materijal su razmatrali Komisija za statutarna pitanja i propise i klubovi vijećnika.

Pitam prisutne, da li ima potrebe da, u skladu sa članom 68. Poslovnika Gradskog vijeća Tuzla predlagač ili obrađivač daju uvodno izlaganje?

Sada pozivam predstavnika Komisije za odlikovanja i priznanja da nam pročita prijedlog Komisije.

REJHANA DERVIŠEVIĆ

Zahvaljujem. Na osnovu Javnog poziva objavljenog 18. 7. 2018. godine.

MIREL MIŠKOVIĆ

Poslovnička. Izvinjavam se. Elvir Kasumović.

ELVIR KASUMOVIĆ

Molio bi predstavnika Komisije da izađe za govornicu s obzirom da se sada obrača ne kao vijećnik, nego kao predstavnik Komisije.

MIREL MIŠKOVIĆ

Evo ako vam nije teško da izađete za govornicu.

REJHANA DERVIŠEVIĆ

Dakle, u povodu raspisanog Javnog konkursa 18. jula 2018. godine Komisija je razmotrila sve pristigle inicijative, odnosno prijedloge, koji sadrže biografije predloženih kandidata, odnosno predloženi i opis dostignuća te se opredijelila za dodjelu slijedećih javnih priznanja.

a) Priznanje Tuzlanska plaketa u povodu obilježavanja 25. novembra - Dana državnosti Bosne i Hercegovine:

- Izdavačkoj kući "Bosanska riječ" d.o.o. Tuzla

b) Priznanje Tuzlanska lenta u povodu obilježavanja 25. novembra - Dana državnosti Bosne i Hercegovine:

- Kavgić Amaru.

To je prijedlog Komisije za odlikovanja i priznanja Gradskog vijeća.

MIREL MIŠKOVIĆ

Zahvaljujem. Ako nema ništa. Otvaram raspravu klubova vijećnika. Javlja li se neko za riječ? Ne javlja. Zaključujem raspravu klubova vijećnika.

Otvaram raspravu vijećnika. Ako se niko ne javlja za riječ, zatvaram raspravu vijećnika.

Sada stavljam na izjašnjavanje ODLUKU O DOJELI JAVNIH PRIZNANJA U 2018. GODINI.

Pozivam vijećnike da aktiviraju uređaje za elektronsko glasanje i da se pritiskom na odgovarajući taster izjasne za prijedlog, ili protiv prijedloga, ili kao suzdržani u odnosu na prijedlog. Glasanje je okončano.

Konstatujem da je Odluka o dodjeli javnih priznanja u 2018. godini usvojena sa 24 glasa za, bez glasova protiv i bez suzdržanih glasova:

a) Priznanje Tuzlanska plaketa u povodu obilježavanja 25. novembra - Dana državnosti Bosne i Hercegovine:

- Izdavačkoj kući "Bosanska riječ" d.o.o. Tuzla

b) Priznanje Tuzlanska lenta u povodu obilježavanja 25. novembra - Dana državnosti Bosne i Hercegovine:

- Kavgić Amaru.

Prelazimo na petu tačku Dnevnog reda:

ODLUKA O DAVANJU SAGLASNOSTI NA ODLUKU O UTVRĐIVANJU CIJENA DIMNJAČARSKIH USLUGA NA PODRUČJU GRADA TUZLA

Predlagač je Gradonačelnik Grada Tuzle.

Obrađivač je JKP Komunalac Tuzla i Služba za komunalne poslove, izgradnju i poslove mjesnih zajednica.

Materijal su razmatrali Komisija za statutarna pitanja i propise, Komisija za ekonomske odnose, Komisija komunalne poslove i pitanja mjesnih zajednica i klubovi vijećnika.

Pitam prisutne, da li ima potrebe da, u skladu sa članom 68. Poslovnika Gradskog vijeća Tuzla predlagač ili obrađivač daju uvodno izlaganje? Nema.

Pitam da li ima potrebe da se pročitaju izvještaji komisija. Nema.

Otvaram raspravu klubova vijećnika. Za riječ se javio vijećnik Mirnes Ajanović, Klub vijećnika BOSS-a. Izvolite.

MIRNES AJANOVIĆ

Hvala predsjedavajući. Na ODLUKU O DAVANJU SAGLASNOSTI NA ODLUKU O UTVRĐIVANJU CIJENA DIMNJAČARSKIH USLUGA NA PODRUČJU GRADA TUZLA može se reći u dvije riječi komentar. Skupo brate.

Ipak uzevši u obzir da recimo kada uzmemo za individualne stambene objekte, dakle, građanin traži da se očisti dimnjak i onaj stariji jeftiniji, najniža cijena je 18 maraka. Nije to puno. Svako će reći 18 maraka može proći. 24 ako je nešto kao šent, šitl dimnjaci, šent i šitl priključci itd. hajde nešto zanimljivo.

Ali, ostale usluge su vađenje čađi poslije čišćenja sa odnošenjem. Kad se čisti dimnjak uvijek je bilo, ja znam u mene kod nene dođe dimnjačar pa i dole povadi čađ, to je još 12 maraka 30, a onda onaj dimnjačar, zapamtio sam to, spali to, taj dimnjak, ne možete vi uzeti spaljivati, pa spaliti zgađu. Ili kuću.

Spaljivanje i vađenje čađi u dimnjacima sa svim predradnjama, pregled, utvrđivanje mogućnosti obavljanja radnje i kontrole ispravnosti, zaštita od širenja požara, suština čišćenja je i to.

To je 50 maraka. Dakle, minimalno neko ko pozove dimnjačara da mu očisti sve to je 80 maraka.

Nije to jeftino. Jeftino jeste ovo početno, biraš kaže hoćeš 18 ili 24? Ali tonije niti 18 niti 24 nego sve ovo kasnije u kasnijim uslugama pod a) i pod b) ima i c) čišćenje ventilacije to je još 24 marke.

Ali evo da kaže nemoj mi čistiti ventilaciju, ja ću se ugušiti, nema veze što radi dimnjak, ventilaciju neću čistiti, pa neću imati zraka ako se šta desi, kad bi sabrali 24 ode preko 100 maraka.

Faktički ovo sve je jedna usluga koja treba da bude definisana na način da mi imamo jedinstvenu cijenu za sve ovo, ne jednu po jednu.

Mi danas imamo u krivičnom zakonu ili Zakonu o krivičnom postupku, u sudskoj praksi, u krivičnim predmetima i slično je objedinjavanje, odnosno ublažavanje kazne zatvora, spajanje kazni, objedinjavanje i davanje jedinstvene. Pojednostavljeno, tri krivična djela, po šest mjeseci za svako krivično djelo osuđeno lice. Sud obično po zakonu skida šest mjeseci. A mi ovje stavili smo situaciju gdje sve pojedinačno izađe preko 100 maraka. Trebalo je da bude jedinstvena cijena za sve usluge koje će se izvršiti od čišćenja, vađenja, spaljivanja, pa i čišćenja ventilacija jer i to je bitno, da bude nekakva određena cijena, a ove da se smanje.

Ovo je odluka je li tako, ovo nismo imali u nacrtu, ovo je prijedlog, da definišemo, prijedlog, problem je kada je prijedlog. Mi preskaćemo proceduru nacrtu ovakve tačke dnevnog reda gdje bi mogli raspravljati i ukazati na okolnost da je nešto možda skupo.

Imamo dalje, kolektivni objekti idu biramo dimnjak od 30 maraka, ili 18. Onda idu 18, 55 i 24. Imamo sad apsurdnost imamo sad kolektivni stambeni objekat zgradu gdje može biti 100 stanara, 50 stanara, 20 stanara, gotovo ista cijena je i za individualni stambeni objekat kuću na sprat ili dva. Nema logike.

Ove cijene nisu obične. Evo pogledajte i sami kolege i kolegice, kolegice i kolege, kako hoćete.

Individualni 18 i ovdje 18, to je ono prvo što biraju kakav je dimnjak. Vađenje čađi 18 i zgradi ovamo¹², nešto malo više. Spaljivanje kod individualnog 50, a ovdje 55. 24 čišćenje ventilacije i ovdje 24. Dakle, u zgradi od 50 stanova faktički će ispast marka kad se podijeli se ili slično zavisi kako bude koliko se dijeli. A ovamo gdje je jedna porodica mora dati 100 maraka.

Nije logički napravljen prijedlog cijena. Dalje ostali pregled i čišćenje na zahtjev korisnika, kad ide pekarske peći i ostalo, ali to su već privatnici, oni rade, ali ni njih ne treba derati cijenama.

E imamo pod pet, pregled novoizgrađenih i rekonstruisanih dimovodni instalacija, davanje stručnog nalaza i atesta na stavljanje u funkciju istih za individualne objekte, dakle za kuću.

Da bi vi dobili, evo dokumentaciju, faktički za kuću, pregled je 90 maraka i to pregled obični dimnjak, cilindrični ono ništa, 90. Pa onda ventilacionog 25 i onda po marku i 20 pregled priključka, to je kad je ovaj drugi šilder. I ventilacionog još po marku. Puno je to. To je sve preko 100 maraka. Mislim da ove cijene nisu prilagodljive, kako kažu u obrazloženju su napisali da su, evo na strani 2. uvažavajući naprijed navedeno Uprava preduzeća s nadležnim službama je izvršila analizu tržišta, utvrdila prijedlog cijena nastojeći da iste ne budu opterećene korisnicima uzimajući u obzir opštu ekonomsku situaciju.

Ne treba ovdje kriviti preduzeće. Preduzeće je dovedenou vrlo neugodnu situaciju jer oni sami navode u obrazloženju da ima kažu niz prepreka.

Ovo je meni bilo zanimljivo na Komisiji za statutarna pitanja i propise kada smo čuli da u raspravi, mi ovako znamo puno pitati na Komisiji, to je jedna od najznačajnijih komisija i sad mi je žao što u toj Komisiji ne učestvuju svi predstavnici svih klubova i sad delegiram mogućnost da ako možemo promijeniti Poslovnik u smislu da svi klubovi mogu imati po jednog predstavnika u Statutarnoj komisiji ali otom potom, radi bolje efikasnosti rada samog Vijeća jer se tu svašta priprema, sve odluke faktički koje su bitne prolaze kroz tu Komisiju I na toj Komisiji su uvijek prisutni svi obrađivači materijala i kolega Elvir Mahmuzić je predsjednik Komisije i eto ja sam podpredsjednik. Dosta mi postavljamo pitanja sam obrađivač je naišao na naša pitanja koja u vezi ovih cijena su bila u smislu, nije to puno 18 ili 24 tačno, nije puno ako se samo čisti, a sve ostalo mora i prati čišćenje dimnjaka.

Problem preduzeća koje, Komunalac koje je predložilo ovo, jeste da nema lica koja su stručna za rad u dimjačarskoj službi. Nema ih ni u Zavodu za zapošljavanje, nema ni u školama smjera, nema više dimnjačara i onda su oni morali naći jednog jedinog koji se bavi tradicionalnim starim zanatom dimnjačar. Faktički to je jedini koji je i biona raspolaganju.

Opet s druge strane hm hiljadu maraka se daje za troškove obuke radnika koji će biti angažovani. Nije ovo stvar koja je bezazlena. Definitivno jeste neophodna. Mi imamo sada situaciju da su zbog ovakvih loših dimnjaka ugroženi građani koji se guše u izduvima dimnim koji su eto skoro začepljeni.

Imamo situaciju da ukućani mogu stradati da se uguše zbog lošeg dimnjaka, dakle, može doći do smrtnih posljedica, što je vrlo opasno. Dovoljno je da u jednom trenutku se taj dimnjak začepi i da porodica koja egzistira u toj kući, ako nije prozračena, a većinom nije, zimi jer se mora zatvoriti da bi se temperatura zadržala, može stradati svi članovi porodice mogu se ugušiti.

Može doći i do požara. Dakle, odluka koju smo mi već donijeli, da bi bila operativna mora biti definisana i cijenama. Cijene moraju pratiti ekonomsko stanje i standard građana.

Svima je nama u interesu koji se nalazimo u gusto naseljenim dijelovima da se reguliše ovaj problem. Jer dimnjak ne zagađuje samo onog koji dimi, nego sve okolo. Tako da, ako može kakva mogućnost da riješimo šta sa ovim. Da li može kroz nacrt pa da se razmotri. Ja iskreno rečeno moram glasati za ovakvu odluku, jer je ona nama neophodna.

Ali ne želim da dovodim ljude u situaciju da ne mogu to platiti. Možda je alternativa i prijedlog da lica za koja se zaista utvrdi da nisu u mogućnosti da plate, a to su većinom penzioneri ili neki nezaposleni, ratni vojni invalidi, boračke porodice recimo, budu ili oslobođena plaćanja, a da plaćanje bude subvencionirano iz budžeta ili da se dio sredstava plaća, kao što bi reklo nekako marka na marku?

Dakle i to je prijedlog zaključka sad i ako usvojimo ovo da se odluka ako bi prošla i bude operativna za mjeseci ili dva Vijeću dostavi na izjašnjenje kako teče realizacija odluke, a da mi zaključkom pokušamo vidjeti kroz budžet, da se odvoje određena sredstva za pomoć ljudima koji to ne mogu uraditi.

Bolje dati nešto minimalno. Evo ovdje je 100 maraka za Grad to nije ništa. Naravno kad kažemo jedan po jedan, pa 100 korisnika, ode na 1.000 maraka, nije važno hiljadu, dvije i deset hiljada maraka, očistiti dimnjake i za tih deset hiljada, nije to zanemarljiv broj čistih dimnjaka i time moguće obezbijediti bolje uslove života, odnosno smanjiti zagađenje tako da predlažem da se kroz budžet obezbijede sredstva za subvencije građanima koji nisu u mogućnosti da plate i koji će zbog toga što nisu u mogućnosti izbjeći, evo situaciju da očiste dimnjak, ugroziti sebe, moguće rezultirati teškim posljedicama ili nesrećom koja može biti sa smrtnim posljedicama i zbog toga mislim da ta sredstva koja bi izdvojili iz budžeta su zanemarljiva, a višestruko su korisna i bila bi korisna za realizaciju odluke o dimnjačarskoj usluzi na području grada Tuzle. Hvala.

MIREL MIŠKOVIĆ

Dobro. Zahvaljujem. Za riječ se javila Jasminka Mijatović, Klub vijećnika HDZ.

Izvinjavam se imamo repliku prije. Alen Kapidžić, replika. Vijećnik Socijaldemokratske partije.

ALEN KAPIDŽIĆ - vijećnik Socijaldemokratske partije

Hvala. Pa samo da ovdje budemo jasni znači, maloprije je ovdje neko spomenuo javno privatno partnerstvo na Stadionu tamo Tušanj, a znamo da je to javno dobro, pitanje je koliko to možemo. Dajte, nemojte da donosimo neke zaključke koji realno su provodivi i ovo što je kolega Mensur govorio kad smo govorili i raspravljali o nacrtu budžeta. Slažem se u potpunosti dakle s njim.

Vite, ovdje mi govorimo sad prijedlog nacrt odluke. Ovdje ja mislim po ovom svemu iz obrazloženja nije moguće bit da ovo bude nacrt odluke. Znači ovo je nemoguće.

Znate iz kojeg razloga. Zato što ovdje piše, da evo, preduzeće Komunalno jel nije imalo mogućnost da angažuje stručna lica, pa piše da u Zavodu za zapošljavanje nema nezaposlenih lica koja su završila ovaj zanat, niti u školama postoji smjer dimnjačar.

Znači oni su zaključili Ugovor o poslovno-tehničkoj saradnji sa jednim registrovanim obrtnikom koji uvelko određuje cijene.

Šta hoćete vi? Da smanjite cijenu. Kako ćemo smanjiti cijenu obrtniku? Možemo da dovedemo naše preduzeće u, u, u velike probleme, to možemo, to možemo. Ne kažem a i evo iz ličnog iskustva vam govorim sad. Ove cijene.

Vi morate čistiti dimnjak. Znači dimnjak morate čistiti nije jednom, dvaput u toku sezone. Al dajte da vidimo kak, nemojte da donosimo znači samo zaključke koje je nemoguće, nemoguće sprovest to. Hvala.

MIREL MIŠKOVIĆ

Zahvaljujem. Replika Mirnes Ajanović. Izvolite.

MIRNES AJANOVIĆ

Ma sad da li je nemoguće sprovest ne znamo. To nekako ne trebamo mi reći jer nisu velika sredstva. Mi ovdje da izdvojimo 10.000 maraka za sezonu, pa da tamo gdje je potrebno, dakle penzioneru koji nema naloži svašta.

A opet moram reći boračkoj porodici, nezaposlenim obezbijedimo čišćenje dimnjaka, neće to nas nešto puno koštati, nije to nešto nemoguće, a pomogli bi i njima i nama.

I iz, iz tog razloga ja razumijem kolegu. Ja ću glasati za ovu odluku i ako ostanu ove cijene, ali ću insistirati i opet kasnije kada bude prilika za dva, tri mjeseca da se cijene obaraju, jer ovo moramo donijeti.

Dakle, ne možemo bez ovakve odluke funkcionisati, ona mora stupiti na snagu. Ja bih volio da smo imali u nacrtu da smo raspravljali o cijenama, ovako dovođenjem ili predlaganjem prijedloga odluke mi sad nemamo kud. Mi ne možemo ni anam, amandmanski djelovati, jer mi ne možemo na odluku davati amandman.

Mi imamo samo u odluci sastavni dio je ova odluka koju mi usvajamo. Mi dakle danas ne možemo promijeniti cijenu, to, ja sam svjestan toga. Ovo je sugestija da pokušamo na ovaj način ako bude tehničkih, finansijskih i drugih mogućnosti, nije bitno da se ublaži cijena.

Ali mi danas moramo podržati odluku jer je sastavni dio odluka na koju ne možemo uticati.

MIREL MIŠKOVIĆ

Zahvaljujem. Riječ ima Jasminka Mijatović, Klub vijećnika HDZ. Izvolite.

JASMINKA MIJATOVIĆ

Hvala gospodine predsjedavajući. Pa ja isto tako mislim da na, da ovu odluku koju u prijedlogu danas imamo trebamo podržati i ja ću pohvaliti predlagača, odnosno obrađivača ove odluke na način da ću se apostrofirati na izlaganje po prvoj točki dnevnog reda, a to je proračun.

Ovo je jedna od rijetkih odluka koje su predložene na način da želimo prejudicirati potencijalnu opasnost u budućnosti.

Naime, u ovom obrazloženju vidimo da je jako malo stručnih lica na, koja imaju stručna znanja za ovu djelatnost i možemo slobodno reći da je riječ o starim zanatima koji su već u izumiranju, a društvo na adekvatan način nije ponudilo odgovor za ovu uslužnu djelatnost.

Međutim, mi imamo odluku u kojoj u obrazloženju stoji da je ovo komunalno poduzeće odu, odlučilo da proširi djelatnosti i time na neki način sebi stvori i dodatne probleme, da je proširilo svoj način djelovanja i da će u budućnosti biti Služba koja će implementirati ovu odluku i da građani slu, sutra će znati pravu adresu kada se trebaju obratiti a o obvezi i potrebi čišćenja dimnjaka.

Mislim takođe da redovno održavanje di, dimnjaka je kao što je već rekao kolega Ajanović povećava sigurnost građana, ali isto tako vezano i za onečišćenje zraka u tom kontekstu je čist dimnjak preduvjet i za manji procenat od, od nečišćenja.

Mislim da imamo odluku koju zaista treba podržati. A u implementaciji ove odluke će se vidjeti i cijena koštanja i ista sam pitanja imala i ja, međutim dobila sam odgovor da je cijena identična samo što je u, u nju, u ovu cijenu koštanja inkorporiran PDV.

Ukoliko mi kao vijećnici, a zaista trebamo voditi računa o potrebama i stanju finansijskom naših građana donesemo odluku o smanjenju cijena koja će br, biti na uštrb ovog komunalnog poduzeća koje je pokazalo dobru volju za rješavanje ovog problema, mislim da nam nije cilj da ovo poduzeće dovedemo u nove probleme.

Ci, ovo je cijena koštanja usluge i ne vjerujem da je moguće ostvariti na ovu cijenu neku dobit, a, a sve ono o čemu je kolega Ajanović govorio može bit neka druga pozicija socijalnog davanja kroz drugu poziciju u proračunu i na taj način građane koji su u stanju potrebe na neki način i natjerati da obave svoju zakonsku obvezu, ali koja neće biti na njihov trošak.

M, mislim da je odluka dobro sačinjena, da su možda i predlagači bili prinuđeni da sačine i ovakve cijene kakve su u prijedlogu imajući u vidu probleme sa kojima se suočavaju, ali i nepostojanja stručne radne snage na tržištu rada.

Pohvale znači za obrađivača i u implementaciji treba pronaći način u slučaju da postoje kategorije koje zaista ne mogu platiti iznos koji je predviđen. Hvala.

MIREL MIŠKOVIĆ

Zahvaljujem. Je li replika ili je? (MENSUR ALIĆ – Nije replika.) A. Ha. Nije. Eh onda ide diskusija, Alen Kapidžić, Klub vijećnika SDP.

ALEN KAPIDŽIĆ

Hvala. Pa evo samo da naglasim radi, radi javnosti da se ne bi stekao pogrešan dojam u ovoj svojoj replici koja je bila upućena kolegi Ajanoviću.

Ja nisam rekao, nit sam replicirao na ovaj dio kada govori o subvencioniranju nekih troškova penzionerima i našim građanima i ostalim kategorijama koji su socijalno ugroženi.

Znači, o tom nisam ja govorio. Znači ja sam samo komentarisao na ovaj dio, jer nas to pitanje vjerovatno čeka na nekoj od narednih sjednica, ono će izaći kao problem, htjeli mi to ili ne, i onda ćemo tad raspravljati o tim stvarima.

Znači moja diskusija se samo odnosila na ovo kad je kolega Ajanović rekao da je to u stvari, da možemo korigovat cijene, e na taj dio sam ja, ja nisam ništa govorio o, o, nit sam replicio jer sam znao da će se na, na, na nekoj od narednih sjednica sigurno to raspravljat. Hvala.

MIREL MIŠKOVIĆ

Dobro. Zahvaljujem. Ispravka krivog navoda Mirnes Ajanović.

MIRNES AJANOVIĆ

Moja rasprava o cijeni je bila da je skupo, a pojasnio sam da mi cijenu ne možemo promijeniti kao Vijeće i da hoćemo.

Dakle, ne odlučujemo mi o cijeni, al sam moro napraviti paralelu i istaći da je skupo za kuću, za sprat i dva, isto kao i za zgradu od 20 spratova, ista cijena. U tome je nelogičnost ove odluke, ali ne možemo uticati na to.

I suština je bila ovo što kaže kolega Alen da mi kroz, ili sad kroz zaključak ili kasnije raspravimo, a možda je i bolje sad kroz zaključak isto ovu stvar koju i on smatra da je potrebna tamo gdje možemo mi pomoći građanima da to uradimo radi njihove sigurnosti.

I zato kažem. Mi danas moramo glasati za odluku. Ja ne smijem sebi dozvoliti da su cijene j, još veće. Da ne glasamo da se sutra neko uguši zato što nije bila mogućnost realizacije čišćenja dimnjaka jer nema cjenovnika.

Dakle, danas se za ovu odluku mora glasati, ali da pokušamo kroz suvencije, kroz budžet. Tamo za nekoga ko zaista nema, da mu to pomognemo evo kao što je rekao (MIREL MIŠKOVIĆ – Da.) kolega Kapidžić. Hvala.

MIREL MIŠKOVIĆ

Dobro. Zahvaljujem. Za riječ se javio Mensur Alić ispred Kluba Tuzlanske alternative. Izvolite.

MENSUR ALIĆ

Evo ja ću samo reći da mi ne možemo, nemamo kriterijume na osnovu čega možemo nekog osloboditi ili umanjiti ili mu dat dio sredstava koji plati ovo čišćenje dimnjaka sve dok ne uradimo socijalnu kartu Grada Tuzle, dok ona ne bude gotova.

Ne možemo nikakve odluke ni zaključke ovakve donositi, jer mi stvaramo sebi obavezu a ne znamo kriterijum na koji način i kako ćemo to rješavati.

Zbog toga nisam, uvijek sam za one zaključke samo što možemo direktno da, da sprovedemo, jer sutra će nam se pojaviti ako donesemo zaključak ovakav. Nemam ništa je protiv da, da glasamo i za zaključak, al sutra će nam se pojaviti sto, dvjesto građana koji će tražiti suvenciju ili tražiti od gradske uprave finansija da im se plati taj dio sredstava koji oni ulože.

Slažem se u potpunosti sa Jasminkom koja je to baš lijepo objasnila na koji način i kako i zbog čega trebamo. Ono ne, ne ne moramo mi danas donijeti odluku ako se ne slažemo.

Nije, ko kaže da moramo donijet. Naša je obaveza da donesemo odluku, naša obaveza je da donesemo odluku, ali donositi zaključke mislim da, ja razumijem da je Mirnes to mislio u pozitivnom smislu, ali ne možemo neke zaključke, evo ponavljam i uvijek ću biti protiv zaključaka koji će otići u eter a da sutra nemamo za to rješenje.

Evo to je stav Tuzlanske alternative i uvijek će bit na to, na stalno takav imat stav prema ovakvim ili sličnim zaključcima kad su u pitanju sredstva pogotovu finansijska. Hvala.

MIREL MIŠKOVIĆ

Zahvaljujem. Replika, Alen Kapidžić, SDP. Izvolite.

ALEN KAPIDŽIĆ

Slažem se u potpunosti sa Mensurom. Znači ovo je, ne možemo takav zaključak donijet jer će nam sutra svi doć i tražit da im snosimo troškove za čišćenje dimnjaka. Znači trebamo tačno znati kriterije kome ćemo to pomoć, kome nećemo. Eto toliko.

MIREL MIŠKOVIĆ

Zahvaljujem. Za riječ se dalje javio Sabahudin Imamović, samostalni vijećnik. Izvolite.

SABAHUDIN IMAMOVIĆ – samostalni vijećnik

Ja mislim da mi danas ne trebamo raspravljati o ovoj odluci iz jednog prostog razloga što mi nismo ni stvorili preduslove za obavljanje dimnjačarske djelatnosti, znači dimnjačarskih poslova.

Dakle, ovo Gradsko vijeće je donio tu Odluku, donijelo Odluku o organizaciji i načinu obavljanja dimnjačarskih poslova i to je povjerilo Javno komunalnom preduzeću Komunalac koje nas obavještava u obrazloženju ove odluke da ne ispunjava nikakve uslove.

Dakle ne, nema dovoljno kadrova niti opreme da obavlja te poslove i zaključuje Ugovor o poslovno-tehničkoj saradnji sa jedinim registrovanim obrtnikom za pružanje tih dimnjačarskih usluga.

Ovdje ne piše sa koliko kadra raspolaže i opreme i taj privatnik, obrtnik, a radi se o Gradu Tuzla o, o desetina hiljada domaćinstava koje i, i i dimnjaka koje treba očistiti.

Znači mi idemo sa Odlukom kojom utvrđujemo cijene dimnjačarskih usluga, a nismo još ni formirali dimnjačarsku službu. I uopšte mi nije jasna pravna priroda ovog odnosa između Komunalca i ovog obrtnika.

Dakle Komunalac kome je povjereno nešto od strane ovog Gradskog vijeća izmjenama i dopunama ugovora, o, Odluke o komunalnoj djelatnosti zaključuje ugovor št, na ono što je moguće, međutim, i onda mi sad donosima, utvrđujemo visinu cijena za te usluge koje će se bog zna kada početi pružat jer nisu stvoreni preduslovi.

Zar nije bilo lakše da tom privatniku povjerimo obavljanje ovih djelatnosti i da u toj priči nema Komunalca ili da jednostavno sačekamo da dobijemo dovoljno kvalitetnog kadra, dovoljno opreme da bi se moglo krenuti u obavljanje ovog posla. Kada ga nismo radili evo prve dvije hiljade godina, možemo sačekat još koji dan.

Znači ja mislim za razliku od mojih prethodnika koji. Na kraju krajeva kaže jedan intelektualac mi koristimo iskustva drugih ljudi jer u protivnom morali bismo živjet 500 godina da bismo nešto skontali.

Kaže samo Ada, Adem Alejselam nije krao ideje. Nije imao od koga kao prvi čovjek na zemlji.

Znači koji su kriteriji. I Adam. Ja. Evo ovaj Adam, Adam i, i, i Adema. I smokvin list, ja. Znači. Et vidiš ovi iz HDZ-a su stvarno neozbiljni. Znači koji su kriteriji za utvrđivanje cijena.

Evo vi ćete reći da kada kažete građanima da je cijena odvoza smeća recimo jedanest maraka, neko kaže to nije ništa. Šta bih ja sa onolikim smećem. Neko kaže, neko čupa kosu kaže da je to užasno visoka cijena.

Dakle koje kriterije su koristili i na kraju krajeva postoji li ova Služba u Sarajevu ili u nekim drugim većim gradovima da, da ukrademo ideju nečiju. Znači o tom zato sam napravio ova, uvod i otišao do Adema.

Znači Adema. Da koristimo nečija iskustva. Al ponavljam mislim da danas ova odluka nije ni trebala doći na, na dnevni red ovog Vijeća.

Prvo da stvorimo preduslove za obavljanje djelatnosti ili da razmotrimo mogućnost da povjerimo obavljanje ove djelatnosti privatniku. Isto kao što su i druge komunalne djelatnosti

povjerenje privatnicima uz određenu vrstu nadzora, kontrole cijena, učešće u Nadzornom odboru i tako dalje, što se nažalost ne sprovodi počev od GIPS-a.

Toliko od mene.

MIREL MIŠKOVIĆ

Zahvaljujem. Replika. Elvir Mahmuzić. Izvolite. (SABAHUDIN IMAMOVIĆ - Joj otkad mi nije repliciro.)

ELVIR MAHMUZIĆ

Hvala predsjedavajući. Ovaj uvažena je replika kolegi Sabahudinu. Ma ne bi se ja vraćo u vrijeme Adama i Eve ili Adema i Have kako kažu, nego evo da, ja, nego hoću malo da, da pokušam da ako mogu da pomognem kako ja to doživljam.

Dakle ovdje se treba znat ko utvrđuje cijenu, ko je predlagač, ko je obrađivač. Dakle cijenu utvrđuje je li tako Komunalac, kao Javno komunalno preduzeće. Predlagač je Gradonačelnik a obrađivač je Služba za komunalne poslove, pitanje mjesnih zajednica.

Dakle mi danas donosimo, ne raspravljamo o obavezi čišćenje dimnjaka jer tu obavezu smo predvidjeli Odlukom kako kaže, kako se zove Odluka o obavljanju dimnjačarskih poslova kojim je taj posao povjeren Komunalcu.

Dakle mi danas donosimo o, Odluku o davanju saglasnosti na Odluku o utvrđivanju cijena koju je utvrdio već Komunalac na osnovu tržišne vrijednosti, na osnovu cijena koje su i jedine ponuđene na tržištu.

Ja kažem možemo biti jednim dijelom i zahvalni što postoji neko ko će obaviti ovu djelatnost. Naravno s druge strane kada imate jednog, jednu firmu tako da kažem obrt koji bi to radio on i utvrđuje na kraju, odnosno kaže kolika je cijena toga.

Ja misli da je ova odluka dobra u smislu da mi moramo početi preuzimati neke obaveze. Evo pređite granicu Bosne i Hercegovine gdje sva, svako onaj ko živi u kući koji ima određenu firmu koja se bavi nekim pekarskim djelatnostima, čevabdžinicama, restoranima imaju i te kako obavezu i imaju cijenu koju moraju da plate da bi se taj dimnjak očistio.

Ja kažem, ne samo. Mi smo kao ovo Gradsko vijeće i preuzeli obavezu da ćemo sve uraditi kako bi smanjili aerozagađenje i tako se moramo i ponašati, a ne samo da to koristi građanima Tuzle, nego i samim ljudima koji žive u kućama, jer kad se zaprlja dimnjak nije samo problem vani, nego je problem i unutar kuće.

Dakle, još jednom samo da kažem da mi ne uspostavljamo danas obavezu nekom da čisti dimnjake, nego samo dajemo saglasnost na već utvrđenu cijenu ovoga što imamo. Hvala.

MIREL MIŠKOVIĆ

Zahvaljujem. Replika. Sabahudin Imamović. Izvolite.

SABAHUDIN IMAMOVIĆ

Vidim da je moj kolega Mahmuzić već impresioniran samim tim što su, što je Vijeće donijelo odluku, mada još ni jedan dim, dimnjak nisu očistili.

Znači on je već impresioniran i presretan što su se stvorili preduslovi da se nekad u budućnosti poneki dimnjak i očisti možda. I da možete zamisliti smanji aerozagađenje.

Ja ovdje govorim o suštini. Dakle, vi pričate, utvrđujete cijene dimnjačarskih usluga, a nema vam ko obavljati dimnjačarske usluge. Dakle, mi smo danas trebali dobiti informaciju u

kojoj bismo bili upoznati o aktivnosti koje su preduzete na stvaranju preduslova za obavljanje dimnjačarskih poslova. Kao što vidim oni nisu stvoreni.

Ne, odma je stigla na dnevni red cijena o utvrđivanju visine tih, tih, us, za pružanje tih usluga. Ja o tome govorim. Dakle, mi nemamo dimnjačarsku službu. Mi imamo samo mrtvo slovo na papiru. Imamo odluku gdje je određeno da će se ta, ti poslovi obavljati, izmjenili smo odluku o komunalnoj djelatnosti, to povjerali komunalcu, on je zaključio nekakv, nekakav ugovor sa ovim obrtnikom. Nemamo kadra, nemamo sredstava, ali imamo već prijedlog cijena za koje ja ne znam da li su visoke ili niske.

Ja kao opozicija uvijek mogu da budem suzdržan i da pričam građanima kako nisam htio da im u, uvedem nove demagoški naravno, kako nisam htio da uvedem novi namete.

Ja uvijek tu mogu naći izlaznu strategiju, ali mi je cilj da dobijemo kvalitetnu odluku. Dakle govorim u suštini donosimo odluku i pričamo sad već kako bi smo nekoga trebali osloboditi, a još ni jednu jedinu uslugu nismo pružili, niti smo stvorili, niti ćemo dugoročno stvoriti uslove za pružanje dimnjačarskih usluga.

Pa znate vi koliki je ovo grad i koliko dimnjačara treba. I ne znam hoće li to uopšte ko i raditi. Hvala.

MIREL MIŠKOVIĆ

Replika Alen Kapidžić. Izvolite.

ALEN KAPIDŽIĆ

Replika je uvaženom kolegi Sabahudinu. Znači. Nemam pravo. (MIREL MIŠKOVIĆ – Nema pravo više. Samo jedna je replika.) (MIREL MIŠKOVIĆ – Pa samo jednom ima pravo.) Pa mi. Ja ću vas samo napomenut da smo mi zadužili ko, Komunalac kao preduzeće. Mi, mi. Tako je. Svi mi zajedno. Tako je. Svi mi kao Gradsko vijeće i to vam piše u obrazloženju ovdje gore u prvom pasusu.

Znači to vam piše u obrazloženju u prvom pasusu. A opet kad kažem mi mislim na nas sve ovdje.

Znači u zadnjem pasusu. Očekujemo da će se dimnjačarska služba u preduzeću početi samostalno funkcionisati krajem godine. Ovo je stvaranje uslova. Ali nemojte zaboraviti da smo mi ovo nametnuli preduzeću ko, komunalnom. Evo predložite vi cijenu. Hajd predložite.

MIREL MIŠKOVIĆ

Zahvaljujem. Tražit ćemo poslije da se obrađivač malo nam obrati i da nas upozna. Evo prije replike Mirnesa Ajanovića ja pozivam obrađivača.

Evo vjerovatno će. Hajde može. Hajde. Evo sjedite ovdje, sačekajte a, da Mirnes ima repliku. Da završimo. Evo. Izvolite.

MIRNES AJANOVIĆ

Kolega Imamović reće kao eto možda nekad očistimo jednu kuću, jedan dimnjak. I to je dobro. Jedan taj dimnjak zagadi cijelo naselje. Ono što se ovdje zanemaruje je zašto se odluka treba usvojiti.

Zato što mi u stvari ovdje ne čekamo da se nešto napravi, nego već imamo tu nekakvu eto firmu, tradicionalni stari obrt Dimnjačar Tuzla koji to odmah može da radi. A onda evo u

obrazloženju na prvoj strani. Ovi radnici koji idu u edukaciju i plaća ih komunalac, to su radnici koji će sutra biti u okviru komunalca pa raditi.

Jer Komunalac navodi da se priprema i nabavka oprema koju sad nemaju. Dakle dok ne počne Komunalac da radi ovaj dio posla, dok ne bude imao svoje radnike koji će biti obučeni u međuvremenu će raditi ovaj tradicionalni stari obrt Tuzla, vlasnik Mehmedović Adil.

I nećemo gubiti vrijeme sad do čekanja, sad da mi čekamo da oni se obuču. Nego odmah tamo gdje imamo prioritete dimnjake, gdje se vidi da nešto zagađuje, nek se ode, vidi, napravi, riješi i iz tog razloga odluka nam treba.

I zato kažem jedan dimnjak kada očistimo u gusto naseljenom naselju mi smo smanjili aerozagađenje i možda spasili neku porodicu od posljedica gušenja u slučaju da dođe do začepjenja dimnjaka.

Zato je potrebno odluku glasati i izglasati, a završavam sa ovim da se ne javljam kasnije, a pošto kolege nešto neće to da opterećuju Budžet, mada meni 10.000 maraka recimo ne znači ništa iz budžeta, da se, da za ovakvu svrhu ja javno pozivam Gradonačelnika da iz budžetske rezerve i sredstava koje su predviđene budžetom za namjene pomoći socijalno ugroženim licima može i ili da i dio sredstava obezbjedi za pomoć ljudima koji nisu u mogućnosti da plate dimnjačarske usluge, a procijeni se, ocjeni uz saradnju sa mjesnom zajednicom i članovima savjeta mjesne zajednice da je za tu porodicu zaista potrebno da se na taj način riješi problem čišćenja. Eto. Prijedlog. Odustajem od zaključka.

MIREL MIŠKOVIĆ

Zahvaljujem. Repliku ima Sabahudin Imamović. Izvolite. Po Mirnesu.

SABAHUDIN IMAMOVIĆ

Prvo. Aero zagađenju ne doprinosi dimnjak nego ono što prolazi kroz dimnjak. Dakle, zato što naši sugrađani spaljuju gumene čizme, lepenku, stiropor i ugalj sa visokim procentom sumpora, a niko to ne kontroliše. U tome je poenta.

Mi možemo svaki dan čistiti dimnjak i svaki dan da se trujemo. Dakle dimnjak nije problem očišćen ili neočišćen dimnjak, nego je problem ono što se spaljuje.

Drugo. Dugoročni zadatak ove administracije na čelu sa Gradonačelnikom treba da bude ukidanje svih dimnjaka u ovom gradu.

Imamo najkvalitetnije daljinsko, sistem daljinskog zagrijavanja i to dugoročno treba da bude cilj ove administracije, dakle da ne postoji ni jedan dimnjak.

Naravno to je projekcija za budućnost, al teoretski to je izvodljivo. Tako da se ovdje, pričati ovdje kako jedan dim, kako će jedan dimnjak nas spasiti mislim da je neozbiljno.

I na kraju ponavljam dakle. Čišćenje dimnjaka ništa ne poboljšava kvalitet zraka. To samo smanjuje mogućnost da dođe do požara (MIREL MIŠKOVIĆ – Imaš pravo.) ili do neke druge havarije, a na kvalitet zraka uopšte ne utiče. Hvala. (MIRNES AJANOVIĆ – Ispravka krivog navoda.) Pa je li tako?

MIREL MIŠKOVIĆ

Ispravka krivog navoda. Izvolite.

MIRNES AJANOVIĆ

Ja nisam stručnjak za dimnjak ali mi je ostalo davno nekad, davno, davno, davno kad sam bio mali u sjećanju čišćenje dimnjaka kod djeda i kod nene. I nije bitno toliko ni. Jeste ovaj problem postoji šta se spaljuje.

Međutim, vi možete imati kvalitetan ogrijev. Ako je začepljen dimnjak ne gori dobro vatra, dimi, začadi kompletno naselje, dakle tamo gdje nema dobrog odvoda, nema dobre vatre.

Neće da gori. Dobar dimnjak i zato se i prave dimnjaci dobri, visoki, kvalitetni i ispran je, da dobro vuče, kad dobro dimnjak vuče zrak vatra dobro gori i nema ni dima. Čudi me da to kolega Imamović ne zna.

Ja sam zapamtio, evo nakon toliko godina da je to suština čišćenja dimnjaka pored ovog. Da na početku gdje ima dima ima i vatre kaže kolega Imamović, ali gdje imamo dobar dimnjak i čist dimnjak imamo dobru vatru koja neće dimiti.

MIREL MIŠKOVIĆ

Dobro. Zahvaljujem. Isprava krivog navoda. Elvir Mahmuzić. Replika. Je li?

ELVIR MAHMUZIĆ

Ma, ma samo replika Sabahudinu. Evo ja nisam za ukidanje svih dimnjaka ono, nećemo imati pojesti gdje čevape. Eto toliko. I ne osjećam se ushićeno to da repliciram ono što nisam mogao. Hvala.

MIREL MIŠKOVIĆ

Dobro. Da damo riječ obrađivaču. Amir Razić ispred obrađivača.

AMIR RAZIĆ – ispred Službe za komunalne poslove, izgradnju i poslove mjesnih zajednica

Pozdravljam sve prisutne. Pokušat ću nekako ovako objediniti sva ova pitanja, dileme, komentare. Neću, neću pokušat ću biti koncizan. Otprilike ovdje sve što je čini mi se bilo bitno je i iscrpljeno. Ali mislim da je, da je važno da se svi podsjetimo na period prelaz između 2016. i 2017. godine. Zašto?

Otprilike to je nekakav period kad mi ulazimo u nekakvo ovo zimsko jel godišnje doba i imali smo navedenog perioda onako prilično intenzivne pritiske javnosti što putem medija, što na razno razne načine koji su danas svima nama dostupni.

Nismo taj dio spominjali u obrazloženju, niti ove odluke, niti je to Komunalac kao davalac komunalne usluge radio u obrazloženu svoje odluke, odnosno odluke koja je donešena na nivou Nadzornog odbora zato što smo mislili iskreno govoreći da se svi toga vrlo dobro sjećamo, jer je to nešto što se manje više ponavlja i vjerovatno će ta priča postati aktuelna vrlo uskoro kad prođu ove nekakve hajmo ih nazvat neuobičajenmo povoljne vremenske prilike, kad počne više da se loži i da ta zima zaživi da se tako izrazim.

Rezultat tog nekakvog pritiska javnosti koji je u svakom slučaju bio opravdan i jeste odluka, odnosno dvije odluke iz početka 2017. godine januar i februar mjesec tačnije, gdje je Vijeće opredjelilo se da uredi ovu oblast na način da uvede obavezu građana, ne ostavlja to

više građanina na dispoziciju da li će ili neće čistiti dimnjake i koliko frekventno i pravna lica obrtne djelatnosti i sve one koji su obuhvaćeni ovom obavezom.

S druge strane Vijeće se je kroz mjesec dana odmah na idućoj sjednici opredijelilo za jedan koncept koji je po meni lično a mislim da je to i objektivan nekakav zaključak sviju nas bi moglo biti, jer postoje dobri argumenti za to.

Opredjelilo se za najsigurniji i najpouzdaniji sistem obavljanja komunalnih djelatnosti. To je putem nekog od Javnih komunalnih preduzeća i zbog toga je dopunjena Odluka o komunalni djelatnostima gdje je povjereno obavljanje ovih konkretnih poslova JKP Komunalac d.o.o. Tuzla i mislim iskreno s obzirom kada je Odluka stupila na snagu i jedna i druga koju spominjem da bi bilo možda u ovom trenutku nepraktično da ovo odlažemo.

Iz kojeg razloga. Zato što kad su u pitanju nekakvi hajmo reći preduslovi za obavljanje ove djelatnosti isti su stvoreni u dobrom dijelu iz kojeg razloga je ova Odluka i pripremljena.

Da to nije tako vjerovatno bi davalac komunalne usluge zajedno sa nadležnom službom došao do zaključka da je ova odluka možda u ovom trenutku preuranjena.

Međutim tradicionalni obrt koji je jedini kako bi rekao sad modus dovoljno kvalificiran da radi ovu vrstu posla i ono što nama manje više u ovom trenutku malo uslovno rečeno diktira tempo stvari.

Ali ono što mislim da treba biti prioritet svima nama kako iz Gradske uprave tako i u Gradskom vijeću, jer jedino mi to možemo povesti jeste sljedeće: Problem aerozagađenja u Tuzli svi su svjedoci toga nije mali.

Svjesni smo vjerovatno još više činjenice da trebat će puno sredstava i puno vremena da se on riješi. Ja lično isto nisam za ukidanje svih dimnjaka. Neka stoje čevabdžinice ali individualnih ložišta jesam.

Međutim, da mi dođemo do te faze i da ukinemo sve dimnjake nama treba kao što reko puno para i puno vremena, a mislim da bi možda bilo pa možda i nije teška riječ neodgovorno od sviju nas da svaki mjesec ili svake godine pred zimsku sezonu vidimo šta nam je to raspoloživo i dostupno od mjera kako bi mi aerozagađenje sveli na neki niži nivo.

Ako će čišćenje dimnjaka uticati na smanjenje, ja ću sad karikirat čisto da budem jasniji sam sebi i svim prisutnim. 10% da se smanji aerozagađenje na području grada ja mislim lično da je to veliki uspjeh. Tako da cijene možda još samo pa da zaključim, da i ja ne duljim.

Cijene se nisu mijenjale u odnosu na ono što je bilo nekada prije, evo Mirnes spominje nenu, djeda, svi mi znamo dimnjačari su prije bili nešto što se sretalo na ulici, ali to je danas nešto što izumire.

Ali u ovim svim razgovorima i pripremnim radnjama išlo se prije svega na to da ona cijena koju ljudi pamte i znaju iz prošlosti ne varira danas. Što znači da ove cijene koje su pripremljene na nivou Nadzornog odbora davaoca komunalne usluge ne variraju u odnosu na ono što je bilo u prošlosti.

E sad. Možda nije zahvalno govoriti o cijeni, jer cijena je relativna stvar od kućnog budžeta do kućnog budžeta, ali mislim da lično barem po ovim cijenama kako su utvrđene od strane davaoca komunalne usluge, ako će doprinijeti da svima nama bude zrak kvalitetniji i u zdravstvenom smislu za sve nas prihvatljiviji možda to nije baš visoka cijena za platiti.

Evo ako bude trebalo još nešto za pojasniti, ja sam tu. Hvala.

MIREL MIŠKOVIĆ

Zahvaljujem. Riječ dalje ima Elvir Kasumović, SBB. Izvolite. Evo. Replika. Sabahudin Imamović. Izvolite. Kome? Samo da. (SABAHUDIN IMAMOVIĆ - Pa dobro sad

ovom. Hajde da ne govorim poslovnička. Svi je zloupotrebljavaju.) Može. Hajde. Hajde. (SABAHUDIN IMAMOVIĆ – Znači dok je friško.) Evo kratko ako imate.

SABAHUDIN IMAMOVIĆ

Znači ne mogu ni pravnici govoriti o dimnjacima i ekologiji kao što i ja nisam pozvan da govorim (MIREL MIŠKOVIĆ – Da znam.) Dakle toliko je. Ja moram braniti svoje stavove.

I dalje smatram da ovdje nismo krenuli od suštine. Dakle, mi nemamo dimnjačarske službe.

Evo sad u ovom izlaganju je rečeno da su ljudi nezainteresovani da budu dimnjačari, da nema kadra da je rijetkost sresti dimnjačare, ja ga nisam sreo ne pamtim.

I sad ja, i sad da mi neko gov, dakle ponavljam ovdje je tre, evo recimo interesuje me koliko Komunalac planira zaposliti dimnjačara? Ima li kakva projekcija? Koliko, t, kakva ta Služba treba da bude? Sa koliko kadrova da raspolaže? Koliko posla može obaviti recimo u toku mjeseca i tako dalje.

Dakle, stavili ste nas, a ništa nam niste dali, nego nam pričate kako će to doprinijeti čišćem zraku, a evo vam kažem laički neće ništa doprinijeti, što se očisti dimnjak. Problem je što postoji dimnjak i problem je što se svašta loži. To je suština.

Čuj očišćen dimnjak i sad će pro, prokuljat čist zrak, čist dim. A nit sam ja pozvan da pričam o tome, ni, ni, ni ovaj kolega pravnik, jer se i on ne razumije koliko i ja je li.

Ali tražim su, da mi se da, daju suštinski odgovori. Niste dakle stvorili ni preuslove za stvaranje dimnjačarske službe a donijeli ste nam odluku o utvrđivanju cijena. Znači hod, radite naopačke.

Ovdje je trebala informacija šta ste do sad preduzeli na, na na formiranju te Službe. Koliko planirate za, angažovati radne snage, opreme i sve ostalo i onda da na kraju donosimo odluku. Ja taj stav branim. I to je suština. Hvala.

MIREL MIŠKOVIĆ

Dobro. Zahvaljujem. Pozivam obrađivača da, ako ima za potrebu da odgovori i na ova pitanja. Pa hoće. Javlja se. Koliko hoće radnika da zaposli. Nekoliko.

AMIR RAZIĆ

Imao sam namjeru odgovor na pitanje dati u uvodnom obrazloženju samo što sam pokušao udovoljiti (MIREL MIŠKOVIĆ – Nemaš prava.) činilo mi se u onom trenutku volji većine da bude sažeto pa sam možda propustio.

Služba dimnjačarska kako je, se naziva ovdje broji nekih desetak ljudi u ovom trenutku i ono što će biti prioritet jeste da će se sa tim, sa tom ekipom u tom broju raditi po programu, ali će se pokušati fokus staviti na naselja koja su najzagađenija, jer je to najpraktičnije rješenje.

A praksa ukoliko pokaže da bude potreban dodatni broj ljudi, da se zaposle, a budimo realni praksa nama isključivo može biti vodilja, jer pripremanje nekakvih projekcija samo po sebi ne bih reko da može imati neku svrhu, a nije isključeno da s obzirom da se ovo radi u toku cijele godine i da jednom u toku cijele godine svi imaju obavezu da dopuste čišćenje dimovodnog objekta, nije možda suludo očekivati i da će sa ekipom od deset ljudi ovaj poso se može iznijeti.

A ako opet kažem praksa pokaže da to nije slučaj. Ako se Gradsko vijeće opredijelilo da na ovaj način radimo na smanjenju aerozagađenja onda vjerovatno, moja je pretpostavka da Gradsko vijeće neće imati ništa protiv ni kadrovskog jačanja Komunalca. Opet kažem ako to objektivne prilike budu, budu pokazale da je potrebno. Evo toliko.

MIREL MIŠKOVIĆ

Zahvaljujem. Evo i direktor Javnog komunalnog preduzeća Komunalac nam se javio za riječ, da nam kratko da neko obrazloženje.

ADMIR BEĆIROVIĆ – direktor Javno komunalnog preduzeća Komunalac Tuzla

Evo, sve vas srdačno pozdravljam. Znači mi smo da bi uopšte počeli raditi ovu djelatnost morali sklopiti ugovor sa jednim, znači jedino ovlašteno da kažem jedini ovlašteni obrt u gradu kako bi uspostavili jednu međusobnu saradnju.

Cilj nam je bio da u ovom trenutku dok se mi kadrovski ne ojačamo do evo nekih par mjeseci, do nove godine, možda i početkom sljedeće godine iskoristimo znači jedinog da kažem najiskusnijeg čovjeka u gradu, da pokupimo to znanje, da se educiramo kako bi mi samostalno ovaj posao u konačnici preuzeli.

Mi jesmo ispočetka i planirali. Prvo smo se morali registrovati. Onda smo planirali da kažem tri radnika koji će zajedno sa samostalnim obrtom ići na teren i da kažem kupit znanje i peč zanat.

Mi smo dogovorili da u toj prvoj fazi po znači našem pozivu, po reakciji inspekcije izađe znači dimnjačar na lice mjesta, utvrdi nedostatke, da nalaz i onda taj nalaz, odnosno zapisnik ispostavlja nama na osnovu čega ćemo mi ispostavljat fakturu.

Naravno da on ne može da kažem, to je obrt, on nije u, u sistemu PDV-a, al ono kako smo mi zamislili da u gradu imamo nekih osamnaest do 20.000 hiljada individualnih objekata gdje nam da kažem, da kažem ono, malo to jače, kvalitetnije, bolje, brže uradimo ne možemo unaprijed predvidit broj izvršilaca, nego kako se poso bude širio, tako ćemo povećavat broj ljudi.

Naravno ovdje za svakog radnika se mora uplatiti razlika predmeta da bi dobio zvanje dimnjačara, da dobije certifikat. Zatim gospodin Adil je ima svoj da kažem certifikat na osnovu čeg, kojeg ćemo mi svoje radnike dat njemu na praksu.

Znači da jednostavo se uspostavi ta neka saradnja. On je već u penziji. On ima nekih desetak radnika. Hoćel mu sin nastaviti, nećel, to je veliko pitanje. I zato bi t, trebali iskoristiti ovu priliku da pokupimo to što se kaže znanje, jer koliko imamo u ovom trenutku domaćinstava, mi to sigurno sa dva, tri radnika neće moći.

Ali ima plan gdje smo mi i program planirali da se kroz određene mjesne zajednice u toku čitave godine rade te aktivnosti.

Da građani koju su zainteresovani da se jave, oni koji nisu da inspekcija im naloži da to urade. U ljetnom, jesenjem, zimskom periodu se takođe mogu dimnjaci čistiti. Znači, vatra se malo smanji, stiša, odžak se očisti i neće, tu nema nekih posebnih problema.

Ja u razgovoru sa svojim radnicima koji imaju svoje odžake, ima. Na neki način to je ta neka cijena 25 maraka bila da se odžak očisti i da se čađ pokupi.

Mi smo vođeni ovom pričom da se građanima ne stavlja previše opterećenja, da kažem na, na kućni budžet, dali mogućnost zna, da siđe ukoliko hoće, da sam sebi pokupi tu čađ i da iznese, iznese napolje.

Ukoliko neće mi možemo to za njega uraditi. Al ove cijene su iste košto sad je gospodin Mehmedović ponudio. I nema nikakve razlike. Faktički mi nemamo nikakvog ni prihoda, nemamo ništa do onog trenutka kad ojačamo, uradimo ono što treba i da to funkcionise kao sve što mi do sad i, i radimo. Eto toliko.

MIREL MIŠKOVIĆ

Zahvaljujem. Replika. Mirnes Ajanović. Samo kome je replika da naglasite?

MIRNES AJANOVIĆ

Ja sam već najavio prije kolegi Imamoviću. (MIREL MIŠKOVIĆ – Iskoristili ste pravo njemu replike.) Ispravka kriv, al to nije isti povod. Nije ista. (MIREL MIŠKOVIĆ – Pa nema veze.) Ispravka krivog navoda. (MIREL MIŠKOVIĆ – Hajd ispravite krivi navod.) Pa. Al nije isti povod. Ovo je bilo (MIREL MIŠKOVIĆ – Nema veze jednom imate pravo repliku jednom govorniku.) Po izjavi. Po izjavi predlagača ako je, ako se nisam, ja, ne neću ništa. Ako mislite da nešto griješim ne. Ako sam u pravu može. Mogu? (MIREL MIŠKOVIĆ – Ma evo već ste uzeli riječ.) Dobro. Ako se neko ne buni onda OK. (MIREL MIŠKOVIĆ – Evo završite.)

Ma kolegi Imamoviću. Malo je on zapeo oko ovog pravnicu pa nismo mi stručni, a tvrdi da dimnjak kada se očisti nije bitno to kako vatra gori.

Mislim da, evo čuli smo i evo više ovo, pardon. Mogu se javiti za riječ poslije ovog što smo čuli? (MIREL MIŠKOVIĆ – Pa kad završimo raspravu klubova.) To je to. Evo nek bude riječ nek ne bude replika ili bilo šta. Da. Ima. Nismo zatvorili raspravu.

Mislim da kolega Imamović griješi. Nama treba odluka. Treba nam taj jedan čist dimnjak, pa jedan po jedana kakop bi obezbijedili bolje uslove život u ovom periodu aerozagađenja koje će biti evidentno u zimskom periodu i mislim da on griješi kada svoje zvanje pravnik negira time što smatra da nije stručan bez obzira što se kasnije ispravlja da nešto neće pomoći. Jeste. Ali imam pravo ja to reći na taj način.

Vrlo dobro zna on kao i ja da upravo su običaji izvor prava i propisa kao i zakoni odluka. I naši su običaji ovo što sam upravo rekao da smo viđali, a i on je to viđao i ja da vatra dobro gori bez dima ukoliko imamo čist dimnjak.

I zato ova odluka treba. Mi nećemo gubiti vrijeme čekajući kako kaže direktor dva, tri ili četiri mjeseca za uspostavljanje Službe. Evo sada već u narednom periodu nakon Odluke dimnjačar će moći da ode ili da mi ukažemo na problem u određenim naseljima i smatram da iz tog razloga treba glasati za odluku da bi se smatralo operativnim. Moraju imati cijene.

A ovaj prijedlog Gradonačelniku, naravno ako smatra da treba pomoć, ili neko iz mjesne zajednice da pozove i zatraži za građane koji ne mogu to raditi, a dime, zagađuju, evidentno, bez obzira što možda koriste normalan ugalj i ogrev, a ne nekakve gume ili slično. Odluka nam treba i po običajnom pravu dovoljno smo stručni da se možemo izjasniti o njoj i na ovaj način. Hvala.

MIREL MIŠKOVIĆ

Dobro. Zahvaljujem. Za riječ se javio dalje Elvir Kasumović, Klub vijećnika SBB. Izvolite.

ELVIR KASUMOVIĆ

Zahvaljujem. Dopredsjedavajući. Mi kad smo do, donosili odluku vezanu za dimnjačarsku djelatnost prvenstveno smo to sagledavali u tome što je to sa aspekta bezbjedonosne situacije izuzetno potrebno za građane Grada Tuzle.

S tim u vezi smo i donijeli jel tu Odluku i evo prenjeli smo sve ovlasti na javno komunalno preduzeće Komunalac gdje su oni evo odlukom o izmjenama i dopunama Odluke o komunalnim djelatnostima Gradsko vijeće povjerilo JKP Komunalac d.o.o. Tuzla obavljanje dimnjačarskih poslova, odnosno provjere ispravnosti funkcionisanja dimnovodnih kanala i uređeja za loženje.

Onda su oni sve te svoje ovlasti prenijeli na nadzorni odbor, pa je nadzorni odbor u dogovoru sa je li ovom pravitom, pravatnim tradicionalnim starim obrtom dimnjačar formirali neke cijene jel koje bi bile rentabilne za obavljanje ove djelatnosti.

Međutim, kao što Mirnes na početku reče smatram da, da u, u 70% slučajeva ova, ova, ova cijena je i prihvatljiva za građane Grada Tuzle, ali moramo sagledati onih možda 30 ili više posto građana Grada Tuzle za koje je ova cijena. Evo ja ću nastaviti dok se završi ovaj. (MIREL MIŠKOVIĆ – Evo. Izvolite.)

Mislim da 30 i više posto građana Grada Tuzle možda nije u situaciji da, da, da izvrši čišćenje koje smo mi donijeli kao obavezno je li. S tim u vezi smatram da nisu isto tako, smatram da nisu to neka znatna sredstva gdje bi subvencionirali o, ov, ovu djelatnosti.

Isto kao što smo malo prije pričali kako jedno javno preduzeće zbog nekih vremenskih je li neprilika možda neće poslovati pozitivno i tako dalje. S tim u vezi moramo sagledati i ovaj aspekt dimnjačarske djelatnosti, gdje smo je mi donijeli kao obavezu građanima Grada Tuzle.

Znači. Naša je veća obaveza da subvencioniramo ono što je aspekt bezbjednosti i aspekt da kažem pravne regulative prema građanima Grada Tuzle, nego da možda subvencioniramo ne, nešto što evo na neki način nije moglo da pozitivno posluje i tako dalje.

Ovdje imamo veću obavezu, jel su u pitanju možda i životi, jel svakodnevno i iz štampe ili negdje ovako na drugim mjestima saznamo da se možda desila ne, neka nezgoda baš vezano z, zbog toga, zbog zapaljenja di, i, i eksplozije dimnjaka i tako dalje.

Odluka je po meni, odnosno po viđenju kluba Saveza za bolju budućnost malo je neprecizna. Čišćenje za individualne stambene objekte je redovno i osnovne usluge se svode na dimnjak obični cilindričnog četvrtastog ili okruglog pro, presjeka 18 KM i imamo još dole ove etažne dimnjake i tako dalje, 24 KM.

Mislim da je to opet trebalo da se formira po, cijena po dužnom metru. Ne možemo domaćinstvima či, čiji je dimnjak ne znam veličine tri, četiri metra naplaćivati iste usluge gdje, čiji je dimnjak deset, petnaest metara možda i tako dalje.

A što se tiče ove socijalne karte pa, dajte da zadužimo ovo povjereništvo mjesnih zajednica oni sigurno znaju ko je u kakvim socijalnim da kažem sta, ko ima kakav socijalni status, ko je u situaciji da možda iz, izvrši svoje ove obaveze, a ko nije i tako dalje, da se na taj način subvencionira.

Jel vidite nešto. Do, do. Dovešćemo ovom odlukom i subvencioniranjem, dovešćemo do kvantiteta. Na osnovu kvantiteta dobit ćemo kvalitet i dobit ćemo rentabilnost obavljanja ove djelatnosti.

Mene malo u, u, u obrazloženju ove odluke, malo mi nije jasno kaže za ovu saradnju odlučili smo se iz više razloga, ne samo zbog nepostojanja stručnog kadra nego i zato što preduzeće ne posjeduje nikakvu opremu za obavljanje dimnjačarske djelatnosti.

Ja mogu da se slažem, mi kad kažemo da ne možemo mi kao grad preuzeti obavezu prevoza naših građana i tako dalje. Da sutra od, od, od, od Dioničkog društva Gradski i

prigradski saobraćaj preuzmemo jel tu odgovornost, jel autobusi izuzetno dosta koštaju, al ne mogu da svatim sad da, da je cijena koštanja ove opreme toliko enormna da, da, da evo grad ne može da se suoči sa to, sa tim problemom i ovo Javno, javno Komunalno preduzeće. Znete.

S tim u vezi, mislim imamo, kao što reč, rekoše prethodnici imamo obavezi da, da, donošenja ovako ovih odluka koje su u interesu građana Grada Tuzle, al nemojte da ih donosimo u interesu protiv interesa građana Grada Tuzle.

Mislim da bi u ovih, u formi zaključaka ipak trebali da, da na neki način prema ovim socijalnim, socijalno ugroženim kategorijama na neki način ublažimo o,o, ove cijene, jel nije jasno definisana i precizna odluka.

Svi dimnjaci su svedeni pod jedan ili pod dva, što će uveliko doći do,do, do problema na terenu, jel kad dođe ne, ne, neko tamo iz manje kuće pa kaže i ja sam moro isto platiti kao i ovaj moj komšija koji ima ne znam tri puta veći dimnjak od mene i tako dalje.

Al dajte da mi to onda evo ako već predlagatelj Odluke, nadzorni odbor nije uvidio te stvari mi smo u obavezi kao, kao, kao izabrani zvaničnici građana Grada Tuzle da mislimo na, na, na te kategorije stanovništva. Eto toliko. Hvala.

MIREL MIŠKOVIĆ

Zahvaljujem. Pošto nema više prijavljenih za raspravu, zaključujem raspravu.

I sada stavljam na izjašnjavanje odluku o davanju saglasnosti na Odluku o utvrđivanju cijena dimnjačarskih usluga na području Grada Tuzla i pozivam vijećnike da aktiviraju uređaje za elektronsko glasanje i da se pritiskom na odgovarajući taster izjasne za prijedlog, ili protiv prijedloga, ili kao suzdržani u odnosu na prijedlog. Glasanje je okončano.

Konstatujem da je ODLUKA O DAVANJU SAGLASNOSTI NA ODLUKU O UTVRĐIVANJU CIJENA DIMNJAČARSKIH USLUGA NA PODRUČJU GRADA TUZLA jednoglasno usvojena, 23 vijećnika je glasalo za, nije bilo glasova protiv i nije bilo suzdržanih glasova.

Sada stavljam na izjašnjavanje zaključke. Pozivam sekretara Gradskog vijeća, da pročita zaključke koji su proizašli iz rasprave.

SLAĐANA KRAJINA

- Gradsko vijeće Tuzla traži od JKP Komunalac Tuzla da, u saradnji sa resornom službom, na jednu od narednih sjednica Gradskog vijeća Tuzla dostavi informaciju o realizaciji Odluke o utvrđivanju cijena dimnjačarskih usluga na području grada Tuzla.

- Gradsko vijeće Tuzla sugeriše Gradonačelniku da se u saradnji sa Javnim komunalnim preduzećem Komunalac Tuzla i resornom službom a po dobijanju informacije o realizaciji Odluke razmotre mogućnosti subvencioniranja troškova plaćanja dimnjačarskih usluga onim licima koja su u stanju socijalne potrebe za koje se utvrdi da ne mogu da plate ovu uslugu ili da se dio sredstava obezbjedi plaćanjem marka na marku.

Ja mislim da bi ovdje samo trebalo dodati neke kriterije ili nešto. Pa samo zbog kriterija. Ovako ne može.

MIREL MIŠKOVIĆ

Samo malo. Poslovnička Mensur Alić.

MENSUR ALIĆ

Tačno. Da bi glasao zaključak, da bi glasao za zaključak, Tuzlanska alternativa izričito traži da se u zaključku tačno navedene i sa koje pozicije sredstva da se izdvoje.

S koje pozicije iz Budžeta da se sredstva izdvoje za ovu namjenu. Jer nećemo više nikad glasat ni za jednu, ni za jedan zaključak ako se tačno ne navedu odakle sredstva da se obezbijedi. Jer ovo. Na ovakav način dovedemo ponovo i Gradonačelnika i Vijeće, mi odgovorni pred građanima jer nismo sproveli posao, odluku, nije bilo sredstava.

Ne možemo tako raditi. To. Mi do sad. Mi više nikad nećemo glasat zato iako je već evo izborna kampanja počela za 2020-tu.

Na ovom Vijeću, ovo vije, završeni ovi izbori, krenuli smo već u izbornu kampanju za 2020-tu. Rano. Hvala. (MIREL MIŠKOVIĆ – Porano. Možemo u sklopu te informacije dalje raspravljat o daljem. Evo samo ima. Evo prije nego što pročitate ima obrađivač. Znači i on da dopuni nešto samo da vidimo.)

AMIR RAZIĆ

Prijedlog obrađivača je slijedeći da u tekstu zaključka se doda samo jedna stvar. Prilikom razmatranja opcije uvođenja subvencija za konkretnu komunalnu uslugu obavezno da se uključi Javna ustanova Centar za socijalni rad Tuzla. Zašto?

Zato što u jednom projektu koji nema veze sa ovom komunalnom djelatnošću, nego sa nekom drugom u saradnji sa UNDIP i radi se na subvencijama za neku drugu komunalnu uslugu.

I jedina institucija koja može dat relevantne podatke u ovom smislu jeste Javna ustanova Centar za socijalni rad Tuzla.

Mislim da povjerenički odbori kao što je bio nečiji prijedlog, nisam sad siguran čiji je nisu ni ovlašteni da daju, niti podaci koje oni prikupe mogu biti relevantni. (MIREL MIŠKOVIĆ – Ne. Ne.) ali je prijedlog obrađivača da u tekst kakav jeste, super nemamo ništa protiv njega da se uključi Centar za socijalni rad. OK. Ako bude. Da se Centar za socijalni rad u svakom slučaju (MIREL MIŠKOVIĆ - Nema tog zaključka, tako da.) Dobro. Hvala.

MIREL MIŠKOVIĆ

Zahvaljujemo. Evo neka nam sekretar ponovo pročita zaključke pa da se onda izjasnimo o njima. Izvolite.

SLAĐANA KRAJINA

- Gradsko vijeće Tuzla traži od Javno komunalnog preduzeća Komunalac Tuzla da, u saradnji sa resornom službom, na jednu od narednih sjednica Gradskog vijeća Tuzla dostavi informaciju o realizaciji Odluke o utvrđivanju cijena dimnjačarskih usluga na području grada Tuzla.

Stavljam ovaj zaključak na izjašnjavanje koje je pročitala sekretar Gradskog vijeća i pozivam vijećnike da aktiviraju uređaje za elektronsko glasanje i da se pritiskom na odgovarajući taster izjasne za prijedlog, ili protiv prijedloga, ili kao suzdržani u odnosu na prijedlog. Glasanje je okončano.

Konstatujem da je zaključak, koje je pročitala sekretar Gradskog vijeća jednoglasno usvojen, 24 vijećnika je glasalo za, nije bilo glasova protiv i nije bilo suzdržanih glasova.

1. Gradsko vijeće Tuzla traži od JKP Komunalac Tuzla da, u saradnji sa resornom Službom, na jednu od narednih sjednica Gradskog vijeća Tuzla dostavi informaciju o realizaciji Odluke o utvrđivanju cijena dimnjačarskih usluga na području Grada Tuzla.

Prelazimo na šestu tačku dnevnoga reda:

INFORMACIJA O PROVEDENOM POSTUPKU JAVNOG OGLAŠAVANJA SA UTVRĐENOM RANG LISTOM KANDIDATA ZA IZBOR ČLANA UPRAVNOG ODBORA JAVNE USTANOVE CENTAR ZA SOCIJALNI RAD TUZLA

Predlagač je Gradonačelnik Grada Tuzle. Obrađivač je Služba za ekonomski razvoj i društvene djelatnosti. Materijal su razmatrali: Komisija za ekonomske odnose, Komisija za poduzetništvo i klubovi vijećnika

Ima li potrebe da predlagač ili obrađivač daju uvodno izlaganje? Nema.

Ima li potrebe da se pročitaju izvještaji komisija? Nema. Otvaram raspravu klubova vijećnika. Ako nema nikog. Zatvaram raspravu klubova vijećnika. Otvaram raspravu vijećnika. Nema niko. Zatvaram raspravu vijećnika.

Konstatujem da je Gradsko vijeće Tuzla primilo k znanju INFORMACIJU O PROVEDENOM POSTUPKU JAVNOG OGLAŠAVANJA SA UTVRĐENOM RANG LISTOM KANDIDATA ZA IZBOR ČLANA UPRAVNOG ODBORA JAVNE USTANOVE CENTAR ZA SOCIJALNI RAD TUZLA.

Prelazimo na. A imamo jedan samo zaključak, pa pozivam sekretara da nam pročita zaključak.

SLADANA KRAJINA

- U skladu sa članom 19. Odluke o postupku izbora i konačnog imenovanja članova organa upravljanja u javnim preduzećima, Javnim komunalnim preduzećima, javnim ustanovama, javnim ustanovama za predškolski odgoj i zdravstvenim ustanovama, čiji je osnivač ili suosnivač Grad Tuzla („Službeni glasnik Grada Tuzla“, broj 11/15.), Gradsko vijeće Tuzla će Informaciju o provedenom postupku javnog oglašavanja s utvrđenom rang listom kandidata za izbor člana Upravnog odbora Javne ustanove Centar za socijalni rad Tuzla dostaviti Gradonačelniku Tuzla, koji je dužan izvršiti konačno imenovanje i osigurati objavu izvršenog imenovanja.

MIREL MIŠKOVIĆ

Zahvaljujem. Stavljam na izjašnjavanje zaključak koje je pročitala sekretar Gradskog vijeća i pozivam vijećnike da aktiviraju uređaje za elektronsko glasanje i da se pritiskom na odgovarajući taster izjasne za prijedlog, ili protiv prijedloga, ili kao suzdržani u odnosu na prijedlog. Glasanje je okončano.

Konstatujem da je zaključak, koje je pročitala sekretar Gradskog vijeća jednoglasno usvojen, 21 vijećnik je glasao za, nije bilo glasova protiv i nije bilo suzdržanih glasova.

1. U skladu sa članom 19. Odluke o postupku izbora i konačnog imenovanja članova organa upravljanja u javnim preduzećima, javnim komunalnim preduzećima, javnim ustanovama, javnim ustanovama za predškolski odgoj i zdravstvenim ustanovama, čiji je osnivač ili suosnivač Grad Tuzla („Službeni glasnik Grada Tuzla“, broj 11/15.), Gradsko vijeće Tuzla Informaciju o provedenom postupku javnog oglašavanja s utvrđenom rang listom

kandidata za izbor člana Upravnog odbora Javne ustanove Centar za socijalni rad Tuzla dostavlja gradonačelniku Grada Tuzle, koji je dužan izvršiti konačno imenovanje i osigurati objavu izvršenog imenovanja.

Prelazimo na sedmu tačku dnevnoga reda.

**IZVJEŠTAJ O RADU I POSLOVANJU JAVNIH I DRUGIH PREDUZEĆA,
ČIJI JE OSNIVAČ ILI SUOSNIVAČ GRAD TUZLA ZA 2017. GODINU**
a) JP RTV 7 d.o.o. Tuzla

Predlagač je Skupština Preduzeća. Obrađivač je menadžment preduzeća. Materijal su razmatrali: Komisija za ekonomske odnose, Komisija za poduzetništvo i klubovi vijećnika.

Pitam prisutne, da li ima potrebe da se obrađivač ili predlagač obrate uvodnim izlaganjem? Nema. Ako nema. Imal potrebe da se pročitaju izvještaji komisija. Nema.

Otvaram raspravu klubova vijećnika. Za riječ se javio Mirnes Ajanović. Prvi. Klub vijećnika BOSS.

MIRNES AJANOVIĆ

Dobar je izvještaj, dobro normativno u skladu sa zahtjevima Vijeća a osvrnuto je i na zaključke Vijeća koji su bili sa prethodnih sjednica. U zaključnim napomenama evidentno je da je program ostavimo dakle subjektivan stav ono što vidimo, nego evo u odnosu na ovo.

Dakle, po, po izvještaju bolji, a opet u subjektivnom jeste kvalitetniji i, i bolji je sadržajno, dakle, uređen, može biti još bolje po prezentaciji rada onoga što mi u okviru Gradskog vijeća imamo obavezu prema građanima da budemo transparentni kako je to definisano i u Poslovniku o radu Gradskog vijeća.

Puna transparentnost koja, ne treba biti samo u okviru prenošenja sjednica, jer to nekada nekome teško i pratiti. Neko da sad u ovome modernom vremenu kada se sve završava na kratkim informacijama i da prati sjednicu pet, šest, sedam ili više sati. Teško očekivati da će to neko uraditi.

Ali generalno okolnost da, da program se emituje gotovo u cijelom svijetu, da su se evo iz menadžmentu potrudili da zbog nemogućnosti emitovanja osim zemaljskim putem, što je sad u stvari i suština funkcionisanja većine medija koriste sve elektronske komunikacijske mreže, internet.

Cijeli svijet dakle može da gleda ono što mi radimo u Gradu Tuzla. Dakle, mi govorim svi generalno građani, nevladine organizacije, razna udruženja sve ono što jeste značajno za Tuzlake da mogu gledati i drugi, da možemo biti i primjer drugima.

Naravno BOSS podržava ovakav prijedlog. Ciljevi i prijedlozi mijera su tu. Radi se sad o vrlo po ovom izvještaju profesionalnom radu. Ako neko ima kakvih eventualno primjedbi ili dopuna to je korisno svakako. Meni je samo bitno ta transparentnost rada koja, rada Gradskog vijeća koja mora postojati ipak u većem obimu.

Imamo mi ovdje eto napisano da ide dakle kompletan prenos sjednica Gradskog vijeća, taj materijal se reemituje i na zvaničnoj stranici Tuzla ba. Otvoreno kroz predstavu glasa javnosti o mjesnim zajednicama i to je dobro.

Ali i oni sami u tački 22 kažu da grad, grad, Gradsko vijeće učinimo otvorenim i transparentnim. Emituje se redovne vanredne i svećane sjednice Vijeća.

Treba više tog prostora, prezentacije onoga što se događa na vijećima. Dakle, poslije sjednica vijeća. Evo recimo moram malo staviti paralelu. RTV Slon svaki put nas, za svaku

sjednicu, većinu svakog predstavnika, svakog kluba pita ili da priliku da iznesemo stav o tome šta se dešavalo.

Treba to uvesti i RTV 7. Za razliku od drugih medija oni vrlo dobro prate rad političkih stranaka. Tu su redovni. Većinom dođu. Ako ne dođu reemituju i tu ne može biti zamjerke tu oni rade posao vrlo dobro.

Koliko sam ja primjetio i koliko pratim trude se da omoguće svima da mogu iznijeti svoj stav bez obzira da li bili pozicija ili opozicija, ali samo ovaj dio Gradskog vijeća gdje se već kada građani odluče se za koga će glasati moral omogućiti i ta transparentnost koliko ko i kako, na koji način radi u interesu ili protiv interesa građana.

To bi dodatno nas još obavezalo na savjesniji rad. Svakako ovo Vijeće radi dosta dobro, ali ja nikada neću to prihvatiti kao nešto što treba da bude princip. Treba uvijek biti bolje.

I zato bih eto predložio da se još više da mogućnosti za prezentaciju rada Gradskog vijeća, ne samo kroz to direktno emitovanje sjednica, rekao sam iz kojih razloga, nego i kroz tu parcijalnu mogućnost po, po tačkama dnevnog reda, prezentacije onoga što je zanimljivo građanima.

Pa evo jedan prijedlog. Reemitovanje između sjednica Vijeća u određenom periodu kada to neće smetati po programskoj šemi, kada treba je popuniti.

Svake tačke dnevnog reda koja je, bilo bi dobro kad bi bila baš svaka, ali ako ne baš svaka koja se preskače ili mi ne diskutujemo iz razloga što smatramo da je predlagač sasvim dovoljno dao svog angažmana i nema potrebe za raspravom. Nego tačke koje prouzrokuju raspravu, diskusiju, da imaju mogućnost da budu reemitovane posebno.

Dakle u nekakvom posebnom programskom dijelu koji se treba nazvati kako će već to uraditi to, nećemo ulaziti u programsku šemu, to je moj prijedlog. Da kroz to. Evo recimo kao što imamo to dakle kroz mjesne zajednice, pa svaka nešto mjesna zajednica posebno.

Svaka tačka dnevnog reda koja je rezultirala našim angažmanom, raspravom u vezi te tačke zaslužuje da građani o njoj posebno imaju priliku da čuju šta se dešavalo, ne samo u tom globalnom cjelo, cjelodnevnom emitovanju, nego i kasnijem reemitovanju dijelova gdje to na RTV 7 recimo kada se prate razni događaji u Gradu Tuzla, a gotovo sve se prati, rade vrlo profesionalno.

Dovedu i sagovornike, vrlo često svakodnevno imaju gotovo možemo reći desetak ili više od desetak sagovornika, što je vrlo zahtjevno. Ali ovdje ne moraju oni nas pozivati da mi raspravljamo o onome što smo već raspravljali, nego u tom nekakvom programskom dijelu o radu vijeća dodatnom uz jedan kratak komentar uvodničara ili voditelja.

Prezentirati svaku od tačaka u tim nekakvim periodima dana. Recimo ako imamo pet, deset, pa pet, šest, sedam dana uzatopno ili, ilikako njima već odgovara u programskoj šemi.

Mislim da bi time dali još veću mogućnost boljeg rada same RTV 7 možda bi to rezultiralo, možda i ne bi, hajd nek oni procijene i većim praćenjem samog programa. Možda bi se građani na taj način kada se najavi da ima ta jedna emisija odlučili da čuju šta se raspravljalo o budžetu, šta je bilo oko toplifikacije, bilo kakve tačke dnevnog reda.

Kažem koja iz, koja je rezultirala raspravom. Time bi nas dodatno još obavezala na bolji rad. Televizija bi možda imala i reklamni dio u okviru tog programa gdje bi to postalo vjerovatno interesantno i onima koji žele da se oglašavaju na televiziji, a građani bi sasvim sigurno imali transparentni uvid u rad Gradskog vijeća Tuzla. Hvala.

MIREL MIŠKOVIĆ

Zahvaljujem. Dalje za riječ se javio Elvir Bijedić ispred kluba SDP-a. Izvolite.

ELVIR BIJEDIĆ – vijećnik Socijaldemokratske partije

Zahvaljujem predsjedavajući. Sve vas srdačno pozdravljam obzirom da se danas prvi put javljam za riječ.

Dakle klub vijećnika SDP-a je razmatrao ovaj izvještaj Javnog preduzeća RTV 7 i mišljenja smo da je to Javno preduzeće u potpunosti ispunilo svoju misiju, dakle i opravdalo postojanje i to zaista u jednoj velikoj da tako kažem neravnopravnoj borbi sa konkurencijom u poplavi ovih komercijalnih privatnih televizija. Zaista su se izborili i našli su svoje mjesto na ekranima u ovom gradu i te kako.

Znači, oni su u tom svom četrdeset postotnom informativnom programu kako nalaže Regulatorna agencija za komunikacije zaista uspijevaju kao što je rekao i kolega Ajanović budu na svakom dijelu grada i kad, i pokrivaju apsolutno sve događaje i sve ono što se tiče života građana u ovom gradu.

A pored toga svakako su dakle i trude se kroz ove žive prenose da tako kažem. Sjetimo se prenosa Nove godine sa trga znači posljednjeg i prenosi Dječije nove godine, Izbor sportiste, Ginisovi rekordi i tako dalje da ne nabrajam. Oni su to lijepo stavili u svom izvještaju.

Dakle vrlo često ih ovdje i u ovoj Gradskoj vijećnici pozivamo da promovišu kako Javna preduzeća, tako akcije civilne zaštite, Službe civilne zaštite, Vodovoda i kanalizacije, edukacije građana, dakle tako da mislim da je zaista red i da i odavde ode jedna zahvalnost za sve ono što rade u stvarno teškim uslovima.

Novinarski poso je mislim i u svakakvim uslovima i kiša i snijeg i prirodne nepogode i noć i dan i mislim da bi zaista trebalo odavde i klub SDP-a i čestita uposlenicima i menadžmentu na ovaj prošlogodišnjem uspjehu koji evo osim dakle 42.000 dobiti koji bi trebao da bude u drugom planu apsolutno mislim da su ispunili, ispunili svoju misiju.

Oni su u ovom svom izvještaju iznijeli prijedloge i mjere za dalji u daljem poslovanju i dakle i to apsolutno podržavamo i mislim da bi iz toga mogao proistaći jedan zaključak, dakle ovo što kaže kolega Alić.

Ne bih volio da licitiram sa zaključkom, ali zaista bih volio da, da u što skorije vrijeme mi kao Vijeće sagledamo mogućnosti koje mogu se unaprijediti kako kroz tehnički, tako i kadrovski razvoj ove RTV kuće i ovog RTV servisa, dakle kako bi zaista to podiglo se na još jedan viši nivo, dakle kako na zadovoljstvo građana, tako uposlenika Javnog servisa RTV 7. I to ne samo da jav, mislim to je TV kuća, radio i, i portali. Portal RTV 7.

Dakle klub vijećnika SDP-a će svakako podržat ovaj izvještaj uz još jednom zahvalu za sve ono što rade i iskrene čestitke na dosadašnjem radu. Hvala.

MIREL MIŠKOVIĆ

Zahvaljujem. Dalje za riječ se javlja Mirza Tupajić, Klub vijećnika SDA. Izvolite.

MIRZA TUPAJIĆ

Na prošloj sjednici Kolegija sam tražio da kao zaključak, tražio sam zaključak da i Stručna služba postavi pitanje, znači u, u, onaj koje je upućeno znači ovom Javnom preduzeću zbog čega nisu u adekvatnom roku dostavili izvještaj.

Znači ovo je mjesec oktobar. Po planu i programu rada Gradskog vijeća mi smo ovo trebali nekad već davno u junu, julu razmatrati. Al neyse.

Što se tiče izvještaja on je dobar. Ja čestitam preduzeću na uspješnom radu. Vidimo tamo da je preduzeće čak poslovalo u, u, u dobiti negdje oko kak, 47.000 konvertibilnih maraka koje su preusmjerene na sanaciju predhodnih dugova iz prethodnih godina.

Međutim ono što smo mi kao vijećnici evo godinama iz kluba Stranke demokratske akcije ukazivali jeste, znači ovo Javno preduzeće prenosi sjednice Gradskog vijeća, imamo izvještaje rada Gradske izvršne vlasti, rada Gradskih službi, međutim ne razumijem zbog čega se izbjegava da se naprave tematske emisije klubova vijećnika, vijećnika, evo i ja sam već ulazimo, ulazim u sedmu godinu svo, svog vijećničkog mandata, znači ovo mi je drugi mandat.

Ja nikada nisam gostovao u toj televiziji, a većina isto vijećnika mislim da pogotovu iz opozicije nije, čak ne znamo ni, ni gdje se nalaze prostorije.

Ne razumijem zašto nemamo tih tematskih emisija gdje bi otvoreno razgovarali, iznijeli svoje, svoja mišljenja, gdje bi možda građani mogli da učestvuju u tim emisijama da, da ima i telefonska linija i tako dalje i tako dalje.

Te emisije sigurno bile bi gledane. Ali evo ja predlažem da, da se dobro razmisli o tome i da je to nešto što, što je potrebno i ovom Gradskom vijeću i tako dalje.

2016. godine vidim tamo u izvještaju marketinga, da je bilo negdje oko 145.541 konvertibilna marka dobiti. 2017. godine to je nešto manje oko 140.427.

Mislim da ovo preduzeće mora po, naći načina da ovaj, ovu prihodovnu stranu od marketinga poboljša znači barem evo za početak oko 200.000 maraka.

Zašto to govorim. Zato što znam da tamo radnici i nemaju naš, baš nešto velike plate. Da, da se nađe prostora, znači kroz marketing, kroz poboljšanje znači poslovanje ovog preduzeća, prihodovne znači strane, ne samo ovo znači što dobiva od Budžeta Grada Tuzla da bi se našla mogućnost i da se povećaju plate radnicima. Eto toliko. Hvala.

MIREL MIŠKOVIĆ

Zahvaljujem. Dalje riječ ima Nedžad Jusić, nezavisni vijećnik. Izvolite.

NEDŽAD JUSIĆ

E. hvala. kad je u pitanju izvještaj o radu i poslovanju Javno preduzeća Radio televizije 7 d.o.o. Tuzla mogu reći izuzetno da je dobar i kvalitetan i kraju lično želim da iz, iskažem zahvalnost svim uposlenicima a, pomenute televizije na praćenju aktivnosti kada su u pitanju nacionalne manjine.

Ali s obzirom pošto sam ja i prije nekih hajde, koliko godinu dana možda rekao za neke aktivnosti koje ja pokrećem na ovom Gradskom vijeću želim da uđe, da uđu u sistem.

Da se to ipak ne odnosi da li će neki urednik poslati ili neće novinara na praćenju određene manifestacije ili bilo koje druge aktivnosti koji se dotiču, koji se tiču nacionalnih manjina, želim samo da podsjetim da je Zakon o zaštiti prava pripadnika nacionalnih manjina usvojen 2003. godine, odnosno izmjene i dopune su izvršene 2005. godine.

U članu 16 pomenutog Zakona stoji: Radio i televizijske stanice čiji su osnivači Bosna i Hercegovina, entiteti, kantoni, gradovi, općine koji ostvaruju ulogu Javne službe obavezni su u svojim programima, programskim šemama predvidjeti posebne emisije za pripadnike nacionalnih manjina, a mogu osigurati i druge sadržaje na jezicima manjina.

Na žalost mi, ovo sve, se ovo se sve dešava sporadično, znači kako se na koji način urednik odnosi spram određenim događajima a zakon nas obavezuje na kraju krajeva da je svaka ta stanica radio televizijska koja je osnovana u svojstvu javnog emitera obavezna i dužna u skladu sa zakonom da predvidi takve emisije.

Moj bi bio jedan prijedlog da normalno kad kažem u skladu sa mogućnostima mi ne obavezujemo nekog da to odradi kao Vijeće, nego da vidimo u skladu sa mogućnostima. Javno preduzeće Radio televizija 7 d.o.o. Tuzla da u narednom periodu predvidi u svojim programskim šemama emisije o nacionalnim manjinama kako bi se to i sprovodilo.

Jer, samo bi želio da podsjetim. Iz popisa iz hiljad, iz 2013. godine u Gradu Tuzla živi 10,3% stanovništva koji se nisu izjasnili kao konstitutivni narod. Hvala.

MIREL MIŠKOVIĆ

Zahvaljujem. Dalje za riječ se javio Elvir Kasumović, SBB. Izvolite.

ELVIR KASUMOVIĆ

Hvala. Analizirajući Izvještaj o radu i poslovanju za period od 01.01.2017. do 31.12.2017. godine Javno preduzeće Radio televizija 7 d.o.o. Tuzla uvidili smo određene da kažem pa po nekim političkim opcijama i, i. i realne a po asp, gledajući sa aspekta Gradskog odbora Saveza za bolju budućnost Tuzla vidili smo da se radi o nekim neistinitim informacija koje su unesene u izvještaj.

S tim u vezi kaže se da u informativno političkoj emisiji Fokus u sedmici kaže, ostvarujemo sve kvalitetniju saradnju sa vijećnicima Gradskog vijeća i ovu emisiju već koncepcijski profiliramo u smjen, u smjeru komunikacije vijećnika sa građanima i obrnuto jer je takođe bila jedna od programskih sugestija vijećnika. I n, da. Istina je bila da je to bila sugestija vijećnika, međutim klub vijećnika Saveza za bolju budućnost u 2017. godinu u ovoj emisiji i u nekim emisijima koje su posvećene jel radu Gradskog vijeća Tuzla nije dobila, dobilo ni jednu jedinu minutu, odnosno sekundu reklamnog prostora.

Obzirom da je Gradska uprava, odnosno Grad Tuzla osnivač ovog javnog preduzeća i obzirom da se sredstva za rad ovog javnog preduzeća daju iz budžeta grada, odnosno direktno iz džepova građana Grada Tuzle smatramo da je potrebno da menadžment bez obzira na sugestije ljudi i gru, Gradske uprave ima objektivan stav po pitanju informisanja javnosti, a ne na osnovu toga što neko nekome već kaže nemoj ovog ili daj nek ovaj dobije više ili manje ili nikako repla, reklamnog prostora, da ne bi trebalo da tako da se funkcioniše.

Razočarani smo u ovaj vid prikriivanja da kažem i mišljenja, iznoš, javnog iznošenja mišljenja i viđenja politike rukovođenja ovim gradom. Građani su ti na kraju koji trebaju da daju svoj sud bez obzira ko ih informiše, na koji način.

S tim u vezi smatramo da je ovo javno preduzeće koje je osnovano na inicijativu i Gradskog vijeća Tuzla a kojim rukovodi Grad Tuzla treba svim klubovima, odnosno svim vjećnicima da da isti, istu, i, isti termin vremenski termin iznošenja mišljenja da ne kažem reklamiranja, jer se ne radi o reklamiranju, nego iznošenja mišljenja. Demokratskim principima.

S tim u vezi kažem da klub vijećnika Saveza za bolju budućnost bila je praksa u ranijim godinama da smo dobijali i da smo malte ne svake sedmice iznosili svoje stavove, što je evo bilo evo za svaku pohvalu.

Ali ne znam šta se to desilo u 2017-toj godini. Od koga je to došlo, ja ne znam za ostale opozicione klubove da li su oni pozivani i tako dalje. Međutim dok se uređivačka po, politika prema klubu Saveza za bolju budućnost od strane ove ustanove ne promijeni, ni klub vijećnika Saveza za bolju budućnost neće dati podršku radu Izvještaju ovog javnog preduzeća.

Još kad se uzme u obzir da direktorica ovog javnog preduzeća ima i do 5 i 6 puta veću plaću nego uposlenici koji rade na tehničkom ostvarivanju programa to nas još uvijek sa, sa neke druge strane boli.

Imajte suosjećanja prema svojim radnicima jel oni su oni koji maloprije rekoše kisnu i suočavaju se sa nekim problemima na terenu a ne u uredno ugrijanomj uređenoj kancelariji javnog preduzeća.

Jedne prilike smo donijeli, da donijeli odluku da se uposlenicima Javnog preduzeća RTV 7 koji evo sa nama ostaju do kasno u noć izdvoje određene naknade pa da se iz sredstava budžeta nagrade ti ljudi kao i određeni portali koji su prenosili ove sjednice vijeća, pa nisu ispoštovane te naše odluke Gradskog vijeća. Sad ti portali više ne prenose sjednice Gradskog vijeća.

Ovi ljudi nažalost moraju za izuzetno niska plaće da rade i da ostaju sa nama zajedno da prenose ove sjednice. Dokle god se stanje u ovom javnom preduzeću ne promijeni klub vijećnika Saveza za bolju budućnost neće glasati da se da podrška o radu ovom javnom preduzeću. I nap, napominjem da se da isti ili bar približan broj prostora da i mi im iskažemo svoje stavove a neka građani kažu da li smo mi u pravu ili nisu. E. Hvala lijepo.

MIREL MIŠKOVIĆ

Zahvaljujem. Replika. Sunčica Delibegović, SDP. Izvolite.

SUNČICA DELIBEGOVIĆ – vijećnik Socijaldemokratske partije

Dozvolite da vas sve srdačno pozdravim s obzirom da se prvi puta danas javljam za govornicu.

Replicirala bi kolegi Kasumoviću. Molim vas kolega Kasumoviću kada iznosite u javnost takve stvari koje su isključivo i privatnog karaktera konkretno kada govorite o plaćama zaposlenika RTV 7.

Vodi te se argumentima. Nemojte molim vas u javnost iznositi takve stvari. Ja sam sigurna da to nije tačno što ste rekli za plaću direktorice i uposlenika. Zahvaljujem.

MIREL MIŠKOVIĆ

Zahvaljujem. Replika Erna Mešić. Izvolite.

ERNA DELIĆ

Zahvaljujem. Ispravka (MIREL MIŠKOVIĆ – Delić.) u prezimenu. Pitam kolegu Kasumovića. Da li Kasumović Elvir vijećnik Gradskog vijeća Tuzla, član Kluba vijećnika Saveza za bolju budućnost Fahrudin Radončić u, uvjetuje jednu javnu medijsku kuću, da će glasati za nečiji izvještaj ukoliko se pojavi i ostvari medijski nastup na toj medijskoj kući? Zahvaljujem.

MIREL MIŠKOVIĆ

Zahvaljujem. Replika Elvir Kasumović. Samo naglasite kome.

ELVIR KASUMOVIĆ

Replika mojoj uvaženoj kolegici Sunčici, jer na ovu drugu mi je smiješno odgovarati. Zašto u izvještaju kada smo i to jednom prilike donijeli i, i, tu odluku jedne prilike donijeli da

se visina plaća uposlenika u jednoj tabeli decidno navede. Zbog čega to nemamo u Izvještaju ovog, javno, javnog preduzeća, ja vas pitam?

MIREL MIŠKOVIĆ

Zahvaljujem. Replika. Alen Kapidžić, SDP. Izvolite.

ALEN KAPIDŽIĆ

Bilo bi korektno da kolega Kasumović odgovori i na ovo drugo pitanje. Znači ne možete nekog uslovljavat. Hoćete li glasati za izvještaj ili nećete zato što vam da prostor ili ne da. Mislim. Opet pravimo, opet pravimo neke ajd, ružno mi je to reći ali stvarno pravimo cirkus od ovoga vijeća.

Ljudi mi smo ovdje da ocjenimo izvještaj o radu i poslovanju. Dajte držite se ba izvještaja. Komentarišite o izvještaju. Hvala.

MIREL MIŠKOVIĆ

Zahvaljujem. Elvir Bijedić. Replika. Replika. Elvir Bijedić. Izvolite.

ELVIR BIJEDIĆ

Kolegi Kasumoviću. Molim vas, mislim, ne znam. OK. Ne stoji u izvještaju, u izvještaju ne stoji da je prosječna plata uposlenika 689 konvertibilnih maraka, ali raspravljat o, i, na bazi ovog podatka, insinuirati i kako kolegica Sunčica jako dobro reče ulaziti u taj jedan, u tu privatni sferu mislim daa je vrlo neukusno, neumjesno i degutantno. I molio bih vas da se suzdržite takvih komentara i zamolio bih vas evo i u svoje ime i u ime kolegice koja je postavila pitanje, dakle da li vi to zaista uslovljavate usvajanje izvještaja, da li uslovljavate usvajanje izvještaja javno preduzeće RTV 7 svojim nastupima ispred Stranke za bolju budućnost. Hvala.

MIREL MIŠKOVIĆ

Zahvaljujem. Replika. Elvir Kasumović. Izvolite.

ELVIR KASUMOVIĆ

Ispravka krivog navoda. Mi nismo stranka nego Savez za bolju budućnost. (MIREL MIŠKOVIĆ – Zahvaljujem. U ovom izlaganju ko je želio da sluša moje izlaganje (MIREL MIŠKOVIĆ – A ha.) od prve do zadnje riječi ni u jednom momentu nismo uslovili nikoga po tom pitanju, nego smo samo iznijeli viđenje po ovom pitanju. I rekli smo zbog neobjek, neobjektivnosti iznošenja podataka i zbog nedavanja prilike svima da iznesu svoje stavove po ovom pitanju.

Ne želimo. Ja, pogotovu u klubu vijećnika Saveza za bolju budućnost gdje nismo dobili ni jedne sekunde u protekloj godini, zbog toga ne želimo da podržimo nešto. Vidite nešto.

Javno preduzeće televizija 7 je dobila od Grada Tuzle 500.000 konvertibilnih maraka za obavljanje svoje djelatnosti. I ja treba sada da to podržim nekome i da uvažim nekoga tamo ko uopšte ne uvažava mene. Zbog čega, hajd pitam vas? Hvala.

MIREL MIŠKOVIĆ

Replika. Sabahudin Imamović.

SABAHUDIN IMAMOVIĆ

Moja replika je replika kolegama iz SDP-a. Dakle javno trošenje sredstava traži javnu kontrolu. Da nije tako mi ne bismo ovaj izvještaj danas imali i ne bismo ovdje, raspravljali o finansijskom aspektu ovog izvještaja.

Dakle, ja ne vidim ništa sporno da znamo koliko direktor jednog javnog preduzeća ima, kolika mu je plaća.

Neka svako osnuje privatni medij i nek ima godišnju plaću od 100.000 maraka, ja nema ništa protiv.

Međutim, kao što je kolega Kasumović rekao kada Grad Tuzla iz budžeta izdvaja 80% prihoda imamo pravo da znamo kako se taj novac troši. Toliko.

MIREL MIŠKOVIĆ

Zahvaljujem. Replika. Alen Kapidžić. Izvolite.

ALEN KAPIDŽIĆ

Replika se odnosi uvaženom kolegi Sabahudinu Imamoviću. Upravo to i jeste problem što smo mi govorili. Ovdje se uopšte ne govori o finansijskom aspektu. Znači, evo ovdje tačno piše koliko to, gdje su raspoređena sredstva uzmete izvještaj pa će te vidjeti gdje se troše sredstva, sva ova koja su dobijena.

Ali ne možete pričati zato što ja nisam dobio 2 minute na toj televiziji, et sad neću glasati zato. Mislim to ljudi stvarno nema smisla.

MIREL MIŠKOVIĆ

Dalje. Replika. Mirnes Ajanović. Izvolite.

MIRNES AJANOVIĆ

Replika svima. Ja. Sad se naduravamo oko toga, a mi smo. Ja zakomplikovali smo, a mi smo sami krivi što recimo u ovom izvještaju nema informacije koliko ima direktor, koliko imaju radnici, dobijamo prosječnu informaciju.

Tako je bilo, ja sam to upozorio i kad je bilo Javna ustanova, Javna zdravstvena ustanova Gradske apoteke Tuzla isto takođe ne znamo koliko ima direktor. I to je postalo praksa da mi to ne znamo.

I sad ovdje se iscrpljivati da nešto koliko on ima ili nema ja bih radije se trošio na okolnosti da. To kad govorimo ispadne. Eto. Hajde. Al suština je, evo jedan od kolega je vijećnika, kolega Tupajić i to i rekao.

Suština je možemo li mi iz ovih sredstava viška povećati u narednom periodu naknade uposlenicima ovim sa nižim platama.

Nema veze prosjek imamo toliko koliki je, ja. Šta to ako mi izdvojimo sredstva iz budžeta za rad medija. To ja zakonska obaveza. Zakon o principima lokalne samouprave

obavezuje Grad Tuzlu, kao i svaku drugu opštinu u Federaciji Bosne i Hercegovine na potpuno transparentan rad i zakonodavne vlasti.

A to znači da mi moramo obezbijediti sredstva mediju koji će to obezbijediti. I ova sredstva, ja sam za i povećanje sredstava, izdvajanje iz budžeta. Mi smo to više puta zaključicima i isticali, pa i kolega Kasumović je to napominjao.

Ljudi su s nama, prisutni su, dajte da te manje plate povećamo. Prijedlog dakle zaključka ako postoje budžetska, budžetska mogućnost ako postoji da još se izdvoji sredstava za mediji koji dobro radi.

Danas ako nemamo prezentaciju informacije šta smo radili, mi nismo ništa radili. Imamo situaciju da će ljudi reći. Šta vi tamo sjedite, ne radite, jer nemaju pristup adekvatan informaciji.

Prenošenje sjednice od od pet, šest sati, sedam ne gleda, ko gleda niko. Pogledajte na Tuzla ba dvadeset, trideset pregleda, to je ako čak i vijećnici ne pogledaju djelić ni.

Prezentacija informacije građanima je osnova danas funkcionisanja svih, dakle šta radimo, valjamo li, nevaljamo, ko radi, ko ne radi, kako ko radi, kakve odluke ko donosi, kako ko uslovljava, e tada kad to građani znaju onda mi odgovramo za to. Ovako niko ni za šta ne odgovara.

Ja predlažem mogućnost još povećanja sredstava zbog obaveze ispunjenja, zakonske obaveze, transparentnog rada Gradskog vijeća Tuzla, jer je to suština svega. Mi kad ovdje transparentno radimo mi smo taj kontrolni mehanizam, dobro je rekao kolega Imamović. Mi kontrolišem osve to.

Al dajte da ti ljudi koji su s nama, koji nas prate imaju veće te manje plate. Koliko ima direktor. Ja sam tražio više puta za neke druge institucije nisam dobio izgleda to nećemo ni dobiti, nije ni bitno.

Bitno je koliko imaju ljudi koji su tu operativni, koji rade, ako oni imaju bar minimalno pristojnu platu da me, da mogu sebi obezbijediti uslove života onda mene nikad nije interesovalo koliko ima direktor platu.

Dajte obezbjedite ljudima uslove života koji će rezultirati da mogu preživjeti, a direktor ako to može uraditi svaka mu čast nek ima 10.000 maraka mjesečno, ako je zakonito naravno.

MIREL MIŠKOVIĆ

Zahvaljujem. Ispravku krivog navoda ima Sabahudin Imamović. Izvolite.

SABAHUDIN IMAMOVIĆ

Ovdje se ne radi o pukoj znatiželji da mi saznamo kolika je plaća, mada imamo pravo da znamo, nego ovdje se nama osporava pravo da pitamo za, o tome uopšte, ja smatram da imamo pravo da pitamo.

I nije nebitno kolika je plaća direktora, jer mi imamo ovdje direktore javnih preduzeća koji imaju zaposlenih po, po nekoliko stotina radnika, imamo direktore koji imaju kao što je Javno preduzeće stadion „Tušanj“, gdje isto tako pre, oko 80% se sredstava obezbjeđuje iz budžeta i ja bih najradije bio direktor stadiona. To je najsigurnije.

A imate opet ovamo javna preduzeća gdje se bore na tržištu, mada uglavno sva naša naravno pošto se radi o komunalnim djelatnostima imaju, imaju monopolski položaj, ali ipak imaju daleko većih problema.

Dakle nije isto biti direktor Komunalca, biti direktor RTV 7, direktor Tušnja ili direktor tamo Centralnog grijanja ili Vodovoda i kanalizacije.

Dakle, obim poslova je neuporediv. I ja bih volio kada je posle onog plenumackog sindroma, kad se krenulo na kazan, da se svima smanjuju plaće i da se tamo nešto, valjda svi džaba da radimo ove poslove.

Bila je dobra prilika da se utvrde kriteriji koliko posao kojeg direktora vrijedi u javnompreduzeću, pa da na taj način dođemo i do direktora ili direktorice javnog preduzeća RTV 7 da vidimo koliko njen posao vrijedi i koliko ona rizika preuzima u tom poslu s obzirom da, da dobija 80% sigurnih sredstava iz budžeta i od marketinga ako nešto namakne.

Dakle, mi dok je ovog Vijeća mi ćemo pitati kad god se radi o javnim sredstvima tražit ćemo javnu kontrolu i tražit ćemo transparentnost. Hvala.

MIREL MIŠKOVIĆ

Zahvaljujem. Ispravka krivog navoda, Mirnes Ajanović. Izvolite.

MIRNES AJANOVIĆ

Nekako po onome što je kazao kolega Imamović ispade da sam ja rekao da nije bitno kolika je plata direktora. Jesam ali u drugom smislu. Nije ni bitno kolika je plata direktora, nek ima koliko god hoće ako obezbijedi dobru platu radnicima. I to je suština.

Dakle i zaista me ne interesuje koliko direktor ima ako radnici koji rade u operativi ili oni sa najnižim platama imaju platu da mogu preživjeti. I to je suština.

I opet ističem treba povećati prihode ovom preduzeću. Svi ostali koji rade, evo upravo sam govorio o raznim direktorima, ovi i oni, mi ako nemamo transparentnost rada, ako to nemamo kako reći građanima, ako moramo to mi ići od vrata do vrata, na kraju ćemo biti izgleda tako biti prinuđeni ako ne budemo dobili transparentnost punu. Džaba nam priča.

Ništa mi nemamo od toga ako ćemo mi danas raspravljati o svakom direktoru, svakog javnog preduzeća ako to niko neće čuti, ostaje unutar nas.

Transparentnost rada je zakonska obaveza. Poslovnički definisana kao obaveza i tu ne treba štedjeti, jer bez te transparentnosti sutra ćemo dovesti građane u poziciju da mogu glasati za raznorazne, svakakve manipulatore, prevarante, ljude koj gledaju samo lične interese, koji su spremni na sve i svašta da bi zadovoljili svoje interese i zloupotrijebiti, prevariti, oteti, svašta uraditi. Zato nam treba ta transparentnost.

Da bi transparentnost imali, da bi firma radila kako treba to neće značiti koliku platu ima direktor nego koliko imaju na raspolaganju novca za finansiranje potreba funkcionisanja, evo u ovom slučaju televizije.

Ali ono što je suštinski tih radnika koji će onda biti zadovoljniji i njih neće ni, niti njih neće interesovati kolika je plata direktora ako imaju solidnu platu da mogu preživjeti.

Zato i dalje ostajem pri ovom zaključku da nam je potrebno povećanje sredstava za ovu kuću, a kako bi se povećale naknade i plate uposlenicima koji su u operativi ili onim sa nižim primanjima, a kako bi ovaj prosjek bio malo većim, jer ovo je ispod prosječne plate u Federaciji Bosne i Hercegovine što treba evidentno povećati.

Ne treba kriviti menadžment za to što nema više, eto imaju čak i viška četrdeset sedam hiljada, al treba iz budžeta izdvojiti još sredstava.

MIREL MIŠKOVIĆ

Zahvaljujem. Replika. Elvir Kasumović. Samo kome da navedete.

ELVIR KASUMOVIĆ

Replika klubu SDP-a. Pa. Obzirom da su se evo mali (MIREL MIŠKOVIĆ – Nije problem.) broj, mali broj (MIREL MIŠKOVIĆ – Evo. Izvolite.) koji se nije javio. (MIREL MIŠKOVIĆ – Izvolite.) Replika ide u smislu da vas pitam gospodo, odnosno kolege da li je korektno da mi koji izdvajamo, evo zajedno sa vama donosimo te odluke da se prema ovom javnom preduzeću izdvoji pola miliona makara za funkcionisanje ova, ovog javnog preduzeća ne dobijemo ni jednu sekundu mogućnosti iznošenja svog viđenja i stava po pitanju funkcionisanja Gradskog vijeća i tako dalje, a u isto vrijeme evo vaš predsjednik stranke na najtiražnijem tiskanom časopisu u Bosni i Hercegovini dobiva naslovnicu bez ikakve naknade i još ne učestvuje u davanju prema tom, tom, tom, in, in pisanom mediju, a dobiva naslovnicu.

A mi ne možemo da dobijemo ni jedne jedine sekunde. A to su naše pare. Hvala.

MIREL MIŠKOVIĆ

Dalje. Replika. Merima Softić Sprečić

MERIMA SOFTIĆ SPREČIĆ – vijećnik Socijaldemokratske partije

Ja zaista želim replicirati jer ne vidim u kojem smjeru ide ovakva vrsta kritike, a vezana je za Izvještaj o radu i poslovanju ovog javnog servisa.

Znači sad ste opet gospodine Elviru Kasumoviću rekli da i spomenuli da vi želite javni prostor ovom preduzeću kako bi ste u suštini glasali kako bi bili zadovoljni ili nezadovoljni o rad, radom i poslovanjem ovog javnog servisa.

Spomenuli ste ovom, što sam rekla rečenom u prilog ide upravo da ste napravili jedno poređenje sa našim predsjednikom koji je dobio takođe znači medijskog prostora za jednu, zajedan drugi tiraž, neću govoriti o kojoj medijskoj kući se radi.

Znači. Molim vas vratite se na Izvješta o radu i poslovanju. Moje pitanje je evo direkton je vama.

Da li ste vi zadovoljni radom i poslovanjem ovog RTV servisa? Da li vi smatrate da su njihove programske šeme dobre? Da li smatrate ti ljudi, a nedovoljno su kadrovski ojačani prisustvuju svim sportskim manifestacijama, kulturnim manifestacijama, prate rad Vijeća, da prate rad svih nevladinih organizacija, raznih udruga, raznih, da dolaze na Press konferencije koje su im javljene pola sata unaprijed?

Je li vi u suštini hoćete da kažete da ste vi nezadovoljni tim što vi nemate medijskog prostora ili ste, želite da kažete da ste nezadovoljni samim tim što oni ne mogu da pristupe svim ovim manifestacijama, da ne znaju da prenesu građanstvu vijest ili određene informacije, činjenica što se tiče svega onoga što se dešava u Gradu Tuzla? Evo to je moje pitanje vama.

MIREL MIŠKOVIĆ

Zahvaljujem. Repliku ima Elvir Bijedić. Izvolite.

ELVIR BIJEDIĆ

Replika kolegi Sabahudinu Imamoviću. Dakle, da ne ostane da, da visi u zraku. Klub SDP-a takođe zahtjeva Izvještaj o radu i poslovanju svih preduzeća, javnih preduzeća, tako i javno preduzeće RTV 7 i smatramo dakle da imate pravo i vi, potpuno imamo pravo i mi i

smatramo da sve ono što treba da se zna o poslovanju javnog preduzeća stoji sadržano ovdje sa svim, sa svim potvrdama i Nadzornog odbora i Revizora i tako dalje.

Dakle, tako da mislim apsolutno da tu nema nikakve dileme i ne bi volio da ostane nikakav trag sumnje. Znači potpuno transparentno. I mislim da je uopšte i uzorno bez veze mislim i pričat o tome.

Druga stvar svakako, samo da, neću se više javljati, ali da iskoristim. Ja sam svakako i u prethodnom svom izlaganju u ime kluba vijećnika jedan zaključak, dakle da se razmotri mogućnost i da se unaprijedi kadrovski da se ojača.

Jer pazite problem je vi kažete 80% po, dolazi iz budžeta. Tako je jel su ljudi limitirani regulatornu agenciju za komunikaciju kojim kaže može 6 minuta komercijalnog prostora u sat vremena.

Praktički je nemoguće dakle a uz kadrovsku strukturu kakvu imaju. Moramo ih kadrovski ojačati i iz tog razloga dakle proizilazi i zaključak i evo napraviti ćemo ga na kraju dakle da se poboljša i ka, da se stvore uslovi da se poboljša, da se kadrovski ojača a time svakako na dobrobit građanina odraženi standard uposlenih. Jer zaista plata od 689 prosječna je apsolutno minimalna.

A što se tiče kolege Kasumovića i previše smo rekli i mislim da zaista apsurdno je bilo šta više replicirati. Hvala.

MIREL MIŠKOVIĆ

Zahvaljujem. Ima repliku Alen Kapidžić. Izvolite.

ALEN KAPIDŽIĆ

Prvo nije korektno od kolege Kasumovića da spominje ljude koji nisu u ovoj sali. Znači to je jedna stvar. A druga stvar, evo ako će biti lakše. Nisam ja imo ni jednu sekundu isto na ovoj televiziji medijskog prostora, a evo kažem direktorici glasat ću uvijek za korektan izvještaj.

Nisam ni na drugim medijima, pa šta ima veze, jel kakve to ljudi ima veze sa izvještajem. Pa ja sam danas ovdje čuo, daj usk, a iz budžeta izdvojiti ćemo para za ovo. Pa mi da imamo sto pedeset miliona budžet nama ne može biti, nama ne može biti ba ljudi. Pa de vratite se ba na izvještaj molim vas, ja vas molim vratite se na izvještaj.

MIREL MIŠKOVIĆ

Evo imamo još jednu ispravku krivog navoda pa da završimo diskusiju. Imamo još dva diskutanta, pa da završimo. (ELVIR KASUMOVIĆ – Ispravka krivog navoda ide prema mojoj kolegici Merimi.) Evo. Izvolite.

ELVIR KASUMOVIĆ

Opet se vraćam na, na početak priče ni jednim svojim, ni jednom svojom izjavom nisam uslovio nikoga niti želim da to radim, niti sam kada. Dosta sam iskusan čovjek da bi ikoga uslovljavao po pitanju, ja sam legalista, pravnik i znam kakve su sankcije po tom pitanju.

Ova informativna kuća je osnovana u cilju objektivnog informisanja građana i to je osnovni problem našeg nepodržavanja ovog izvještaja.

Zbog toga što ne vrše svoju funkciju i namjenu u kojoj su osnovani i mislim da je tu stvar jasna.

MIREL MIŠKOVIĆ

Zahvaljujem. Repliku još ima Sabahudin Imamović i završavamo sa replikama. Izvolite.

SABAHUDIN IMAMOVIĆ

Ovdje niko nije označio radnike RTV 7 kao neradnike ili da ne zaslužuju adekvatan tretman. Dakle i svi se mi radujemo uspjehu, da imamo jedan uspješan medijski servis. On je potreban Gradu Tuzla i mene više interesuje šta se događa u pojedinim mjesnim zajednicama, nego u Kini i Sjevernoj Koreji. Tu živimo dakle. Interesuje me da li je realizovan neki infrastrukturni projekat i tako dalje.

Ono što je suština, dale prvo mi, ponovo znači imamo pravo da kritikujemo iznosimo argumentovano drugačije stavove i da postavljamo pitanja.

Ono što suština je da se ne slažemo dakle sa uređivačkom politikom. Računica je je jedostavna. Menadžment ove kuće zna odakle joj milost dolazi, a to je tih 500.000 hiljada iz budžeta i oni čine sve da tu milost zasluže i da ona traje.

Znači uređivačka politika je jednodimenzionalna, bez imalo analitike ili kritičkog stava. Ne može da se prati svaki projekat kako je uspješno realizovan a da se ne kaže da, koliko projekata ima da nije realizovano.

Neka uzmu program kapitalnih investicija, neka pročitaju pa će vidjeti koliko projekata u posljednjih 10 godina nije realizovano. To je suština, a drugo što se nama nije nikada dakle iz opozicije dala prilika da učestvujemo u tematskoj debatnoj emisiji bar prilikom usvajanja važećih dokumenata kao što je evo budžet, kao što je program kapitalnih investicija, kao što je povećanje cijena i drugi problemi u ovom gradu koji nas sve zajedno muče.

Znači nikada nije bilo prilike da iznesemo drugačiji stav. Dakle, to je jedna televizija koja je potpuno posvećena do neukusa Gradonačelniku. Ja čak vjerujem da on to i ne traži. U toj mjeri. Da mu podilaze. Ali se podilazi bez mjere.

U ovom gradu nije sve samo savršeno. Kada bude savršeno hajde da raspustimo i Bijeće i sve stranke i da postavimo par ljudi neka vode ovaj grad.

Znači mi hoćemo ovdje da kritikujemo argumentovano i da postavljamo pitanja. Dakle nije dobra uređivačka politika. Ja sam 10 godina Vijećnik u Gradskom vijeću, samo sam jednom od, odgovorio onom idiotu i tako sam se otprilike i osjećao.

Kad su mi postavili neko razumno pitanje i da ja odgovorim kontra pitanjem i da se da diskutujem sa kolegama iz SDP-a i svi mi, svi mi dijelimo iste otprilike životne vrijednosti ali bi biramo drugačije puteve do, do njih.

Nikada nije bilo dematre, dematne emisije. Nemojte da se zavaravamo. Dakle to je ključni problem. Puštanje snika sjednice za penzionere i domaćice u sirovoj formi uz svo poštovanje i te kategorije naših sugrađana nije nikakvo objektivno i pravovremeno prezentiranje rada ovog Vijeća.

Mi ovdje imamo drugačije stavove i hoćemo da se čuje. Znači uređivačka politika je katastrofalna. A ponavljam drago nam je da imamo stabilan medijski servis i drago nam je da, da opstane i, jer Grad Tuzla to zaslužuje.

Mi imamo pravo da pitamo kolika je plaća direktorice, jer su plaće radnika izuzetno male.

MIREL MIŠKOVIĆ

Dobro. Zahvaljujem. Dalje za diskusiju se javio Ivica Kovačević ispred kluba HDZ-a.

IVICA KOVAČEVIĆ

Zahvaljujem zamjenice predsjedavajućeg. Evo ja ću biti vrlo kratak budući da su svi, vladajuća i oporba, rekli jako mnogo. Samo dakle jedna rečenica

Klub vijećnika HDZ-a ostat će suzdržan prema ovom izvješću iz jednog jednostavnog razloga što smo evo kao zaključak dugi niz godina imali da će RTV 7 praviti i organizirati neke tematske i dematske emisije koje se nikada nisu dogodile.

Dakle, imali smo to dugi niz godina na Kolegiju i ovdje na Vijeću kao zaključak koji nikad nije proveden u dijelo i to je jedan jedini razlog zbog kojeg smo mi danas suzdržani. Hvala lijepa.

MIREL MIŠKOVIĆ

Zahvaljujem. Dalje za riječ se javio Nedžad Malikić, ispred Kluba Tuzlanske alternative. Izvolite.

NEDŽAD MALIKIĆ

Hvala. Da, da budem iskren nisam se planirao javiti al moram par stvari reći. Smatram da je izvještaj urađen po metodologiji koje je usvojilo ovo Gradsko vijeće imajući u vidu imajući u vidu da je RTV 7 poslovaio pozitivno.

Također moram ovdje naglasiti da ni klub vijećnika Tuzlanske alternative nije ni minutu medijskog prostora dobio kada je u pitanju taj medijski prostor, ali ipak ćemo glasati za ovaj izvještaj.

Mi mislimo i smatramo da nam treba ovaj medijski servis. Vrlo dobro znamo šta je bilo sa TV Tuzlom kada smo osnivali ovu televiziju. Ona mora biti medijski servis svih građana, ne jedne politike ili nekog drugog.

Znači, ovo mora se iznići iznad politike. Mi naravno dajemo sredstva od petstotina hiljada maraka kada je u pitanju rad ovog preduzeća.

Mislim da treba, ako treba i povećati ta sredstva. Mislim da ovdje ne bi trebali re, da, da diskutujemo na način na koji diskutujemo i da se uslovljava na, na bilo koji način.

Znači. Ponavljam ponovo klub vijećnika Tuzlanske alternative će glasati za izvještaje ovoga preduzeća. Hvala.

MIREL MIŠKOVIĆ

Zahvaljujem. Ovim zaključujem raspravu klubova vijećnika. Ima li neko ispred? Otvaram raspravu vijećnika. Pitam ima li neko ispred vijećnika da se javlja? Svi su već dobili riječ po više puta, ali evo Erna Mešić. Izvolite.

ERNA DELIĆ

Nisam dobijala riječ. Tražila sam repliku. Zahvaljujem. Imam jedno konkretno pitanje prema menadžmentu RTV 7 može i pismeno na sljedećoj sjednici da mi se odgovori ali ukoliko direktorica bude izlazila volila bi odgovor na sljedeće pitanje.

Kablovski operater Telemach već u određenim naseljima u Gradu Tuzla je proširio svoju mrežu, međutim program RTV 7 ne nalazi se u kao programski ponuđen na, na, na listi kanala kablovskog operatera Telemach.

Kao građanka sam im se obratila putem maila. Dobila sam jedan kratak odgovor koji bi evo ako bude bilo potrebe i podijelila sa direktoricom, nego me zanima da li je menadžment se obratio ovoj, ovom kablovskom operateru i da li planira u budućnosti ostvariti saradnju kako bi se program ove televizije gledao i preko tog kablovskog operatera. Zahvaljujem.

MIREL MIŠKOVIĆ

Zahvaljujem. Kao vijećnik se javlja i Sabahudin Imamović. Izvolite.

SABAHUDIN IMAMOVIĆ

S obzirom da sam većinu stvari koje sam imao namjeru reći u redovnoj diskusiji rekao u ovim replikama.

Samo bih htio pitati direktoricu pošto sam dobio pritužbe nekih sugrađana za vrijeme Bajrama su puštane neke pjesme srbijanske, ne znam neprimjerene za, za Bajram. Kao kad bi mi recimo za pravoslavni Božić puštali Šehidski rastanak. Eto takav je. To je najbolje poređenje.

Vjerovatno je to zbog ove kaže prisutne kadrovske napetosti. Tako piše na stranici dvadesetprvoj. Kaže da je prisutna kadrovska napetost u radiju i vjerovatno je to zbog, takav promašaj napravljen zbog toga. Hvala.

MIREL MIŠKOVIĆ

Zahvaljujem. Pošto nema više prijavljenih vijećnika za raspravu, zaključujem raspravu vijećnika.

I sada stavljam na izjašnjavanje izvještaj o radu i poslovanju Javnog preduzeća RTV 7 d.o.o. Tuzla za 2017. godinu i pozivam vijećnike da aktiviraju uređaje za elektronsko glasanje i da se pritiskom na odgovarajući taster izjasne za prijedlog, ili protiv prijedloga, ili kao suzdržani u odnosu na prijedlog. Glasanje je okončano.

Konstatujem da je **IZVJEŠTAJ O RADU I POSLOVANJU JAVNOG PREDUZEĆA RTV 7 d.o.o. Tuzla ZA 2017. GODINU** usvojen većinom glasova, 17 vijećnika je glasalo za, nije bilo glasova protiv i 9 vijećnika su bili suzdržani.

Sada pozivam sekretara Gradskog vijeća, da pročita zaključke koji su proizašli iz rasprave.

SLADANA KRAJINA

- Gradsko vijeće Tuzla preporučuje Javnom preduzeću RTV 7 d.o.o. Tuzla da se, u skladu sa programskom šemom, još veća pažnja posveti radu Gradskog vijeća, klubova vijećnika i komisija vijeća kroz tematske emisije o usvojenim dokumentima na sjednicama Gradskog vijeća Tuzla, kroz reemitovanje dijelova sjednica Gradskog vijeća i slično, a sve u cilju transparentnijeg rada Gradskog vijeća i većeg uvida građana u rad Gradskog vijeća.

- Gradsko vijeće Tuzla podržava ciljeve i prijedloge mjera koje je dalo Javno preduzeće RTV u svom Izvještaju.

- Gradsko vijeće Tuzla sugerije da se sagledaju mogućnosti, kako kroz tehnički, tako i kroz kadrovski razvoj, kako bi se usluge ovog javnog servisa, radija, televizije i web portala, podigle na još viši nivo, na zadovoljstvo, kako građana, tako i uposlenika ovog Preduzeća.

- Gradsko vijeće Tuzla sugerije ovom Preduzeću da se ulože dodatni napori da se, marketinškim uslugama, a u skladu sa Dozvolom, Pravilima i propisima Regulatorne agencije za komunikacije i Kodeksom o komercijalnim komunikacijama, poveća prihodovna strana budžeta, kako bi se na taj način obezbjedila dodatna sredstva za unapređenje programske šeme i tehnički razvoj.

- Gradsko vijeće Tuzla sugerije Javnom preduzeću RTV7 da, u skladu sa mogućnostima, programskom šemom planiraju emisije o nacionalnim manjinama, a u skladu sa odredbama Zakona o zaštiti prava nacionalnih manjina.

- Gradsko vijeće Tuzla sugerije da se razmotri mogućnost povećanja sredstava koja iz budžeta Grada Tuzla izdvajaju za rad ovog Preduzeća a kako bi se povećale plate i druge naknade uposlenika, koje su ispod prosjeka u odnosu na uposlenike drugih javnih preduzeća i ustanova čiji je osnivač ili suosnivač Grad Tuzla.

- Gradsko vijeće Tuzla traži od Javnog preduzeća RTV7 Tuzla da dostavi informaciju o tome da li se menadžment ovog Preduzeća obratio kablovskom operateru Telemach kako bi se program ovog javnog servisa mogao pratiti i putem ovog kablovskog operatera.

MIREL MIŠKOVIĆ

Zahvaljujem. Sada stavljam na izjašnjavanje (SLAĐANA KRAJINA – Sabahudin. Sabahudin.) A. Dopuna zaključaka Sabahudin Imamović. Izvolite.

SABAHUDIN IMAMOVIĆ

Možete li samo pročitati prvi zaključak još jednom?

SLAĐANA KRAJINA

- Gradsko vijeće Tuzla preporučuje Javnom preduzeću RTV 7 d.o.o. Tuzla da se, u skladu sa programskom šemom, još veća pažnja posveti radu Gradskog vijeća, klubova vijećnika i komisija vijeća kroz tematske emisije o usvojenim dokumentima na sjednicama Gradskog vijeća Tuzla, kroz reemitovanje dijelova sjednica Gradskog vijeća i slično, a sve u cilju transparentnijeg rada Gradskog vijeća i većeg uvida građana u rad Gradskog vijeća.

MIREL MIŠKOVIĆ

A. Ha. Dopuna. Izvolite.

SABAHUDIN IMAMOVIĆ

Dakle u ovo, u ovom dijelu da se omogući učestvovanje, da se doda, dakle vijećnicima ili predstavnicima različitih političkih opcija. U tom smislu. Ili, ili svih klubova i tako u tom smislu. Uglavnom da. Nije, nije tako. Ma ne moram ja kad nisam do sad ne moram. Pričat ću ja na Vijeću.

SLAĐANA KRAJINA

Onda klubova vijećnika svih političkih subjekata koji participiraju u Gradskom vijeću Tuzla. Može li tako?

MIREL MIŠKOVIĆ

Dobro. Zahvaljujem. (SLAĐANA KRAJINA - I samostalnih vijećnika. Je li to?) Jeste. I samostalnih vijećnika. Ma ne morate to. Dobro.

Sada stavljam na izjašnjavanje zaključke koje je pročitala sekretar Gradskog vijeća i pozivam vijećnike da aktiviraju uređaje za elektronsko glasanje i da se pritiskom na odgovarajući taster izjasne za prijedlog, ili protiv prijedloga, ili kao suzdržani u odnosu na prijedlog. Glasanje je okončano.

Konstatujem da su zaključci, koje je pročitala sekretar Gradskog vijeća, jednoglasno usvojeni, 25 vijećnika je glasalo za, nije bilo glasova protiv i nije bilo suzdržanih glasova.

1. Gradsko vijeće Tuzla preporučuje JP RTV 7 d.o.o. Tuzla da se, u skladu sa programskom šemom, još veća pažnja posveti radu Gradskog vijeća, klubova vijećnika svih političkih subjekata koji participiraju u Gradskom vijeću Tuzla, samostalnih vijećnika i komisija Vijeća, kroz tematske emisije o usvojenim dokumentima na sjednicama Gradskog vijeća Tuzla, kroz reemitovanje dijelova sjednica Gradskog vijeća i slično, a sve u cilju transparentnijeg rada Gradskog vijeća i većeg uvida građana u rad Gradskog vijeća.

2. Gradsko vijeće Tuzla podržava ciljeve i prijedloge mjera koje je dalo JP RTV u svom Izvještaju.

3. Gradsko vijeće Tuzla sugerše da se sagledaju mogućnosti, kako kroz tehnički, tako i kroz kadrovski razvoj, kako bi se usluge ovog javnog servisa, radija, televizije i web portala, podigle na još viši stepen, na zadovoljstvo, kako građana, tako i uposlenika ovog Preduzeća.

4. Gradsko vijeće Tuzla sugerše ovom Preduzeću da se ulože dodatni naponi da se, marketinškim uslugama, a u skladu sa Dozvolom, Pravilima i propisima Regulatorne agencije za komunikacije i Kodeksom o komercijalnim komunikacijama, poveća prihodovna strana budžeta, kako bi se na taj način obezbjedila dodatna sredstva za unapređenje programske šeme i tehnički razvoj.

5. Gradsko vijeće Tuzla sugerše JP RTV7 da se, u skladu sa mogućnostima, programskom šemom planiraju posebne emisije o nacionalnim manjinama, a u skladu sa odredbama Zakona o zaštiti prava pripadnika nacionalnih manjina („Službeni glasnik Bosne i Hercegovine“, 12/03., 76/05. i 93/08.) kojima je propisano da su „radio i televizijske stanice čiji su osnivači BiH, entiteti, kantoni, gradovi i općine koji ostvaruju ulogu javne službe obavezni u svojim programskim šemama predvidjeti posebne emisije za pripadnike nacionalnih manjina a mogu osigurati i druge sadržaje na jezicima manjina”.

6. Gradsko vijeće Tuzla sugerše da se razmotri mogućnost povećanja sredstava koja se iz budžeta Grada Tuzla izdvajaju za rad ovog Preduzeća a kako bi se povećale plate i druge naknade uposlenika, koje su ispod prosjeka u odnosu na uposlenike drugih javnih preduzeća i ustanova čiji je osnivač ili suosnivač Grad Tuzla.

7. Gradsko vijeće Tuzla traži od JP RTV7 Tuzla da dostavi informaciju o tome da li se menadžment ovog Preduzeća obratio kablovskom operateru Telemach kako bi se program ovog javnog servisa mogao pratiti i putem tog kablovskog operatera.

Prelazimo na osmu tačku dnevnoga reda:

a) INFORMACIJA O REALIZACIJI AKTIVNOSTI NA RJEŠAVANJU STAMBENIH PROBLEMA RASELJENIH LICA I SOCIJALNE KATEGORIJE STANOVNIKA

b) INFORMACIJA O IMPLEMENTACIJI LOKALNOG AKCIONOG PLANA ZA UNAPREĐENJE POLOŽAJA READMISIRANIH POVRATNIKA U GRADU TUZLA 2015.-2018. GODINE

Predlagač je gradonačelnik Grada Tuzle. Obrađivač: Služba za boračko-invalidsku zaštitu, stambene poslove i integraciju raseljenih lica. Materijal su razmatrali: Komisija za stambena pitanja (a), Komisija za ekonomske odnose (b) kao i klubovi vijećnika

Ima li potrebe da obrađivač ili predlagač daju uvodno izlaganje? Nema. Ima li potrebe za izvještajem komisija? Nema. Otvaram raspravu klubova vijećnika. Mirnes Ajanović se javlja za riječ. Izvolite.

MIRNES AJANOVIĆ

Informacija je dobro sačinjena i smatram da u ovakvoj informaciji nema prostora dodatne rasprave.

MIREL MIŠKOVIĆ

Zahvaljujem. Za riječ se dalje javlja Nedžad Jusić. Nezavisni vijećnik

NEDŽAD JUSIĆ

OK. Kad je informaciju, što se tiče informacije možda i nema, nego ipak jutros sam, jutros sam čuo jednu informaciju, nije mi draga informacija, al sam onda vidio da nismo sami u tom procesu kriminalne mafije, odnosno građevinske mafije, kada je netko rekao, netko je provjerio u stvari, asfalt na papirima 7 centi, a u stvari od je urađen sa cent, dva, tri, koliko je urađen ne znam. Ja mislim da sam jutros tako čuo.

I meni je drago ova informacija što dolazi na Gradskom vijeću i što imam priliku na kraju krajeva reći par svojih viđenja, odnosno informacijama s kojima raspolazem.

Ovu informaciju smo takođe imali prošle godine ili u sličnom obliku i malo mi zaparalo sada i uši i oči i vezano pomenuta informacija o troškovima uloznim na socijalno stanovanje na području Kiseljaka i ovdje stoji da je implementator uložio 228.000, 2.970, kao i Grad Tuzla negdje oko 100.000.

Ako se ja ne varam, a mislim da me dobro služi pamćenje je u prošloj informaciji stajalo da je ovaj objekat koštao negdje oko tristosedamdeset, osamdeset hiljada maraka, pa se pitam gdje u stvari tih pedeset sad nema u informaciji za pomenuti objekat.

Takođe želim napomenut i, i evo već godinu dana ja tražim informaciju, pokušavam doći do određene dokumentacije vezano za stambeni objekat, ali evo zadnji sam odgovor dobio od Službe za prostorno uređenje da je to „Državna tajna“, da ja ne mogu doći do projektne dokumentacije, u stvari da napravimo poređenje sa projektnom dokumentacijom koja je na papiru u odnosu na stvarno stanje na terenu pomenutog objekta.

Jel ponovo kažem ovo je nepotvrđeno ali dok ne, ne utvrdimo drugačije ja ću ovako govoriti. Jednostavno materijali koji su rađeni na pomenutim stambenim objektima ne odgovaraju kvalitetu, ne odgovaraju stvarnom stanju dokumentacije koja je na papiru.

Primjera radi armatura željeza koje je rađeno u, u u ploči pomenutog objekta trebalo je da bude 10 milimetara, oni stavljali 6 milimetara. Trebali beton da urade od 300 marku oni uradili lošu. Evo nakon dvije, dvije godine taj objekat je pukao.

I jednostavno imam neke informacije. Kaže ipak to su romi krivi, sad ću se malo i našaliti, malo su se udebljali pa su otežali samom objektu pa nije mogo da izdrži, pa je zbog toga pukao.

Ovo stvarno vam govorim, na kraju krajeva, na kraju ću morat pozvati, jel je i Grad Tuzla uložio 100.000 maraka u ovaj objekat. Objekat je uništen, ne zahvaljujući romima, nego, nego zahvaljujući ne stručnom nadzoru ili da n eupotrebim grube rijeći, tko je u stvari finansijska sredstva zloupotrijebio.

I zbog toga. Evo sad, ja sam tražio i na prošloj sjednici Gradskog vijeća pomenutu dokumentaciju. Ponovo tražim. Molim i ovo Vijeće ja kao Jusić Nedžad kroz organizaciju koju djelujem i radim Udruženje Roma „Eurorom“, jer mi smo obezbijedili finansijska sredstva za nezavisnog stručnjaka, sudskog vještaka građevinske struke kojim ćemo mi platiti njegovu zaradu i na taj način da uporedi jednostavno.

Možda ja i griješim, možda ja nisam u pravu da uporedi jednostavno projektu dokumentaciju sa stvarnim stanjem na terenu.

Pa ukoliko je napravljen određeni propust nek netko odgovara, nek netko odgovara. Jel ponovo. Evo upozoravam i Vijeće može netko naskradat u tim zgradama. To nije samo ta zgrada na Kiseljaku i druge zgrade su u pitanju.

Jel jednostavno humanitarna organizacija pod nazivom Hilfswerk samo se predstavlja tako. Oni su glavni implementatori ovog svega i oni i po mom nek, nek, mišljenju love u mutnom. I zbog toga nemojmo.

Ukoliko dođemo do problema, ukoliko nam nastradaju djeca u tim stambenim objektima svi ćemo snosit odgovornost ukoliko ne poduzmemo određene korake.

Evo nakon 2 godine zgrada je pukla. Znači odvaja se zgrada. Nemoguće nitko kao fizičko lice ne može uticati na tome da se načinu takvi propusti na ti, takvim zgradama, ali jednostavno to je stanje takvo kako jeste.

Te molim ovo Vijeće jednostavno možda i sa jednim zaključkom sovim, ukoliko je ponovo kažem sve u skladu sa zakonom, ukoliko nije državna tajna, da se ne mogu doći do tih dokumenata, do te Projektne dokumentacije da se uputi Službi za prostorno uređenje jedan prijedlog da ustupi pomenutu dokumentaciju ukoliko iole postoji mogućnost da treće lice dođe do te dokumentacije i da se napravi analiza, a tu analizu će platit Udruženje Roma Eurorom.

Jednostavno da budemo i mi čisti. Čiste svijesti. Da nam ne dođe, na kraju krajeva ponovo kažem u situaciju da nam ljudi nastradaju u tim stambenim objektima a da mi ništa nismo poduzeli.

I evo jednostavno zbog toga tažim od ovoga Vijeća da se i Vijeće uključi u rješavanju ovog problema. Hvala.

MIREL MIŠKOVIĆ

Zahvaljujem. Riječ ima Emir Hodžić, ispred Kluba SDP-a. Izvolite.

EMIR HODŽIĆ – vijećnik Socijaldemokratske partije

Hvala naljepša. Pozdravljam sve prisutne. Evo ja ću vrlo kratko. Uvažavajući sve ovo što je kolega Jusić rekao, pretpostavljam ipak da je to vezano za, uglavnom za vezano one koji obezbjeđuju donatorska sredstva.

Ja bi da ova informacija, rekao da ova informacija ne zaslužuje samo da se konstatuje, da je primljena k znanju, nego zaslužuje i svaku pohvalu za uloženi trud i rezultate koji su izraženi kroz ovaj referat i tabele, te koristim priliku da čestitam Službi i u ime svih vijećnika i vijećnika SDP-a na izuzetnom radu za sve ovo što nam je prikazano u informaciji, a pogotovo za naredne, za projekte u narednoj godini koji koliko smo mogli vidjeti su izuzetno bogati. Hvala.

MIREL MIŠKOVIĆ

Zahvaljujem. Replika. Replika. Sunčica Delibegović.

SUNČICA DELIBEGOVIĆ

Evo ja želim replicirati vijećniku Jusiću. Ja koliko sam vas razumjela vi. Naime u potpunosti razumijem o čemu vi govorite. Vašu zabrinutost, predanost u vašem radu, ali isto tako ne želim da se osjećam odgovorna niti ja, niti bi, i ne smatram bilo koga odgovornim ovjed u ovoj Sali za problem o kojem govorite.

Jer kada je ta dotična zgrada izgrađena zna se da za prijem, odnosno pri predaji ili primopredaji zgrade postoji Komisija za tehnički prijem. Jel tako? Znači Komisija je ta koja je odgovorna.

Ja, ne možemo mi biti ovdje odgovorni ili, ili tražiti nekakvu dokumentaciju. Neka struka kaže svoje, a dalje neka ide, neka radi sud ukoliko postoje sumnjive radnje. Zahvaljujem.

MIREL MIŠKOVIĆ

Zahvaljujem. Poslovnička. Erna Mešić. Izvolite. Delić.

ERNA DELIĆ

Zahvaljujem. Ja bih zaista zamolila predsjedavajući da pozovete vijećnike u salu. Ako biste molim te, molim vas pogledali (MIREL MIŠKOVIĆ – Jeste. Radimo.) Sala je prazna. (MIREL MIŠKOVIĆ – Radimo na ivici kvoruma.) Zaista nije u redu. (MIREL MIŠKOVIĆ – Evo pozivam vijećnike.) Radimo na ivici kvoruma. To je moja poslovnička. Pa svejedno. Možemo i mi izać, pa gledat ćemo televiziju svi zajedno. Nije problem.

SLAĐANA KRAJINA

Služba je dužna da obezbijedi samo kvorum.

MIREL MIŠKOVIĆ

Evo pozivam vijećnike koji prate u, u u holu prenos sjednice da uđu u salu kakao bi imali kvorum. A imamo kvorum. Ma ja. Imamo kvorum. Bitno je, brojim ja da imamo i pratim. Repliku ima Nedžad Jusić. Izvolite.

NEDŽAD JUSIĆ

Ma možda da replika ili ispravka krivog navoda kolegi Emiru. Nisu ovo samo

donatorska sredstva, ovo su budžetska sredstva. Samo da to znamo. Znači mi moramo pratit i budžetska sredstva gdje se troše.

Ovo nisu samo donatorska sredstva i ne smijemo dozvoliti ni donatorska sredstva da ugrožavaju živote ljudi i djece u našem gradu, bez obzira što su donatorska. Al ovo nisu samo donatorska sredstva, ovo su i sredstva iz budžeta Grada tuzle. Hvala.

MIREL MIŠKOVIĆ

Zahvaljujem. Ima li još neko ispred klubova vijećnika da se javlja? Ako nema zaključujem raspravu klubova vijećnika. Otvaram raspravu vijećnika. Niko se ne javlja za riječ. Zatvaram raspravu vijećnika.

I konstatujem da je Gradsko vijeće Tuzla primilo k znanju:

a) INFORMACIJU O REALIZACIJI AKTIVNOSTI NA RJEŠAVANJU STAMBENIH PROBLEMA RASELJENIH LICA I SOCIJALNE KATEGORIJE STANOVNIKA

b) INFORMACIJU O IMPLEMENTACIJI LOKALNOG AKCIONOG PLANA ZA UNAPREĐENJE POLOŽAJA READMISIRANIH POVRATNIKA U GRADU TUZLA 2015. - 2018. GODINE.

Sada pozivam sekretara, da pročita zaključke koji su proizašli iz rasprave.

SLAĐANA KRAJINA

Ne znam samo jesam li shvatila šta ste htjeli.

- Gradsko vijeće Tuzla predlaže Službi za prostorno uređenje i zaštitu okoline da ustupi projektnu dokumentaciju za stambeni objekat rađen, kako donatorskim sredstvima tako i sredstvima iz budžeta Grada Tuzla po projektu Hilfswerk Austrija - lokacija Kiseljak nezavisnom stručnom vještaku radi upoređivanja projektne dokumentacije sa stvarnim stanjem na terenu, kako bi se utvrdilo da li postoje određeni propusti, ko je za njih odgovoran i šta je potrebno poduzeti da bi se spriječile eventualne neželjene posljedice.

Jel to što ste htjeli?

MIREL MIŠKOVIĆ

Zahvaljujem. Sada stavljam na izjašnjavanje zaključke koje je pročitala sekretar Gradskog vijeća i pozivam vijećnike da aktiviraju uređaje za elektronsko glasanje i da se pritiskom na odgovarajući taster izjasne za prijedlog, ili protiv prijedloga, ili kao suzdržani u odnosu na prijedlog. Glasanje je okončano.

Konstatujem da su zaključci, koje je pročitala sekretar Gradskog vijeća usvojeni jednoglasno, 23 vijećnika je glasalo za, nije bilo glasova protiv i nije bilo suzdržanih glasova.

1. Gradsko vijeće Tuzla predlaže Službi za prostorno uređenje i zaštitu okoline da ustupi projektnu dokumentaciju za stambeni objekat rađen, kako donatorskim sredstvima tako i sredstvima iz budžeta Grada Tuzla po projektu Hilfswerk Austrija - lokacija Kiseljak nezavisnom stručnom vještaku radi upoređivanja projektne dokumentacije sa stvarnim stanjem na terenu, kako bi se utvrdilo da li postoje određeni propusti, ko je za njih odgovoran i šta je potrebno poduzeti kako bi se spriječile eventualne neželjene posljedice.

Prelazimo na devetu tačku dnevnog reda:

LOKALNI AKCIONI PLAN ZA RE/INTEGRACIJU BH DRŽAVLJANA KOJI SE VRAĆAJU PO OSNOVU SPORAZUMA O READMISIJI NA PODRUČJE GRADA TUZLA ZA PERIOD 2019. - 2022. GODINA

Predlagač je gradonačelnik Grada Tuzla. Obrađivač je Služba za bračko-invalidsku zaštitu, stambene poslove i integraciju raseljenih lica. Materijal su razmatrali: Komisija za ekonomske odnose i klubovi vijećnika.

Da li ima potrebe da obrađivač ili predlagač daju uvodno izlaganje? Nema. Otvaram onda raspravu klubova vijećnika. Javljao se neko za riječ? Sunčica Delibegović. Izvolite.

SUNČICA DELIBEGOVIĆ

Ma evo kratko ću. Naime lijepo je vidjeti da pred nama imamo jedan dokument koji se zove Lokalni akcioni plan za Reintegraciju BH državljana koji se vraćaju po osnovu Sporazuma o readmisiji na području grada Tuzle.

A ovaj akcioni plan nastao kao posljedica Sporazuma o stabilizaciji pridruživanju između Evropskih zajednica i njihovih država članica i Bosne i Hercegovine kao osnove za kontrolu i sprečavanje ilegalnih migracija.

Naime, ovo nam sve govori lijepo je znati da ova, da postoji ovakav jedan plan i da brinemo o ovoj kategoriji ljudi.

U ovom dokumentu pod pojmom lokalnog akcionog planiranja, unapređenja položaja readminisanih povratnika podrazumjeva se proces donošenja odluke o tome koje promjene značajne za readmisirane povratnike namjerav, se namjeravaju ostvariti u lokalnom okruženju.

U vezi s ovim Gradska uprava je formirala jedan multidisciplinarni tim koji će raditi na provedbi ovog akcionog plana, a on zaista podrazumijeva jako, jako puno aktivnosti i još jedanput kažem lijepo je zaista znati da imamo jedan ovakav plan, da se vodi računa o ovoj kategoriji i da se tačno u brojkama iskazuje koliko je evidentirano takvih osoba.

Pa se kaže da je na područje Grada Tuzla vraćeno 728 osoba u periodu 13-ta do sed, do 2017-te. Zatim nakon dostavljenih podataka od strane Policijske uprave je konstatovano da je 169 osoba ima prijavljenu adresu, dok 37 osoba nije na navedenoj adresi.

Znači sve nam kazuje na brojne aktivnosti ovog plana i jasno definisane njihove ciljeve, te svoditi analizu, a da bi se sve ovo implementiralo naravno potrebna su broja podrške u smislu, u smislu ljudskih resursa, te materijalnih izdataka, te je važno napomenut s obzirom da smo govorili i o budžetu na ovoj sjednici da, da lokalna zajednica raspolaže sa ljudskim, materijalnim i tehničkim resursima, a finansijski resursi će biti dostupni u 2019-toj kroz budžet na lokalnom nivou, kao i kroz donatorska ulaganja.

Što se tiče budžeta za realizaciju ovog akcionog plana je bit će potrebno 20.000 konvertibilnih maraka na godišnjem nivou, a za realiz, realizaciju plana novac će se obezbijediti kroz budžet grada, viših nivoa vlasti, donatorskih sredstava i drugih dostupnih izvora. Svakako da će ovaj tim dostavljati i godišnje izvještaje. Eto ja bih toliko. Hvala.

MIREL MIŠKOVIĆ

Zahvaljujem. Ima li još neko ispred klubova vijećnika da se javlja za riječ? Elvir Kasumović, Klub vijećnika SBB-a. Izvolite.

ELVIR KASUMOVIĆ

U ovoj informaciji na strani 11. imamo analizu situacije i sporna pitanja. I kaže se, prema evidenciji Ministarstva za ljudska prava, izbjeglice BiH na područje grada vraćeno je 728 osoba po osnovu Sporazuma o readmisiji u periodu od 2013-te do 2017-te godine.

U sljedećem pasusu kaže se nakon dostavljenih podataka od strane Policijske uprave konstatovano je da 169 osoba ima prijavljenu adresu boravišta ili prev, prebivališta na području Grada Tuzla, dok 37 osoba nije na navedenoj adresi.

Kada se saberu ova dva donja rezultata dođemo do iznosa od 206 osoba, a imajući u vidu da je na područje grada vraćeno 728 osoba, šta je sa 522 osobe? Matematika ovdje nešto, nije, nije logična, ili nije dobro sabrano dva i dva. Eh. Još sam ovdje nešto samo htio reći. Samo da. A. Ha.

Stambeno zbrinjavanje osoba koje se vrate, pa se kaže da je jedan, za jedan dio povratnika obezbjeđeno stambeno zbrinjavanje do 6 mjeseci i, i da, da se radi o nekoliko stambenih jedinica i tako dalje. A šta nakon 6 mjeseci? Znači ovaj plan je da morao da ima dugoročniju, drugoročniju ponudu rješenja, a ne sa, samo po, ponudu od, od, od nekih 6 mjeseci.

Nažalost situacija inače kakva je u zemlji, tako evo i u Gradu Tuzla ja sumnjam da ćemo se mi suočiti sa enormnim brojem readmisiranih osoba, mislim da ćemo imati veći, veći problem, odnosno imamo već veći problem osoba koje odlaze i dalje tamo.

I daleko bih bio zadovoljniji da smo imali neka, neki lokalni akcioni plan po pitanju zadržavanja osoba, obzirom da smo na, za to nadležnosti, ne kažem da je negdje situacija u državi bolja i da negdje je daleko i gora. Slažem se sa tom evo da kažem činjenicom.

Ali mi smo nadležni za područje Grada Tuzle i mislim da bi ubudućem periodu poput ovih informacija koje je gospodin Alić na početku sjednice rekao vezano za ovu poslovnu zonu Kreka-sjever i tako dalje, da bi se daleko trebali posvetiti više tim pitanjima i prvenstveno da gledamo da zadržimo, jel nas nadležnost za to obavezuje da, da, da, da zadržimo mlade osobe na području Grada Tuzle kako bi na bilo koji način evo zadržali te naše kadrove i kako bi se zadržale je li porodice na okupu i tako dalje. Hvala.

MIREL MIŠKOVIĆ

Zahvaljujem. Ima li još neko ispred klubova vijećnika? Ako nema zaključujem raspravu klubova vijećnika. Otvaram raspravu vijećnika. Ako se niko ne javlja, zatvaram raspravu vijećnika.

I sada stavljam na izjašnjavanje Lokalni akcioni plan za re/integraciju BH državljana koji se vraćaju po osnovu Sporazuma o readmisiji na područje Grada Tuzla za period 2019. - 2022. godina i pozivam vijećnike da aktiviraju uređaje za elektronsko glasanje i da se pritiskom na odgovarajući taster izjasne za prijedlog, ili protiv prijedloga, ili kao suzdržani u odnosu na prijedlog. Glasanje je okončano.

Konstatujem da je LOKALNI AKCIONI PLAN ZA RE/INTEGRACIJU BH DRŽAVLJANA KOJI SE VRAĆAJU PO OSNOVU SPORAZUMA O READMISIJI NA PODRUČJE GRADA TUZLA ZA PERIOD 2019. - 2022. GODINA usvojen jednoglasno, 25 vijećnika je glasalo za, nije bilo glasova protiv i nije bilo suzdržanih glasova.

Prelazimo na desetu tačku dnevnoga reda:

INFORMACIJA O PROBLEMATICI SNABDIJEVANJA ELEKTRIČNOM ENERGIJOM PODRUČJA GRADA TUZLA

Obrađivač je Javno preduzeće Elektroprivreda BiH dd Sarajevo Podružnica Elektrodistribucija Tuzla. Materijal su razmatrali: Komisija za komunalna pitanja i pitanja mjesnih zajednica te klubovi vijećnika

Otvaram po ovom pitanju raspravu klubova vijećnika. Mirnes Ajanović se javlja za riječ. Izvolite. Poslovnička. Sabahudin Imamović.

SABAHUDIN IMAMOVIĆ

Možemo li utvrditi je li ovdje prisutan predstavnik Elektrodistri, Elektroprivrede? Znači nema nikog je li? (MIREL MIŠKOVIĆ - Ja kolko vidim nema nikog.) Onda nema ovdje svrhe, onda ništa.)

MIREL MIŠKOVIĆ

Za riječ se javio Mirnes Ajanović (MIRNES AJANOVIĆ – Hvala.) ispred kluba vijećnika BOSS-a.

MIRNES AJANOVIĆ

Pa imamo informaciju. Imamo svrhe. Imamo njihovu evo, njihove aktivnosti. Nisu, rade oni dobro, nema kvarova na području Grada Tuzle, brzo to saniraju to mi znamo. Ono što jeste problem gdje oni govore o kvalitetu isporuke i što zadovoljnijim kupcima.

Prijedlog zaključka. Gradsko vijeće Tuzla traži da se odmah pusti u pogon lift u objektu „B“3 na Stupinama, a kako bi se građanima omogućilo korištenje svojih stanova bez smetnji, a posebno građanima koji se nalaze na višim spratovima. A tu ima čak i osoba kojima je onemogućeno kretanje bez korištenja lifta zbog zdravstvenog stanja.

Obrazloženje. Isključen lift u „B“ 3 na Stupinama iz razloga što i pored okolnosti da su građani plaćali zajedničku potrošnju našli su da je lift priključen bio na nekakvu drugu struju i jednostavno su ga isključili.

Preporuka još u zaključku. Gradsko vijeće preporučuje Javnom preduzeću Podružnica Elektrodistribucija Tuzla da bilo kakav spor koji ima sa građanima rješava putem nadležnog suda, a ne samovoljnim isključivanjem lifta koji je neophodan za funkcionisanje građana u tom objektu.

Dakle, umjesto da riješe to ovako kako to i jeste pravno i jedino moguće na sudu, putem sudske parnice, pa nek sud ocijeni je li ko kriv za to, kako se desilo, otkuda da struja bude iz nekakvog drugog izvora, do donošenja odluke suda da se može isključiti lift.

Oni nemaju to pravo raditi, pa ja bih zamolio u ime ovih građana koji se nalaze u vrlo teškom stanju gotovo u agoniji, mnogi nisu mjesecima izašli iz stana jer nisu u mogućnosti zatražimo da se ovo što prije realizuje i da nam se dostavi informacija do sljedeće sjednice Gradskog vijeća ili prije. Što prije da nam se dostavi informacija o realizaciji ovog zaključka.

Pa eto to je otprilike to i ako je potrebno malo još formulisati zaključak kasnije ali (MIREL MIŠKOVIĆ – Dobro.) dužni smo ovo uraditi radi građana.

MIREL MIŠKOVIĆ

Zahvaljujem. Dalje za riječ se javio Mensur Alić, Tuzlanska Alternativa. Izvolite.

MENSUR ALIĆ

Zahvaljujem. Evo sve je ovdje rećeno, napisano je sve, ali pitanje je kako to oni i na koji način realizuju. Zato sam i predložio da za sljedeće vijeće bude tačka dnevnog reda Poslovna zona „Kreka-sjever“.

Za godinu dana gospoda nije uspjela još da dobije, čak nisu ni podnijeli zahtjev za građevinsku dozvolu da bi postavili dole stanicu, da bi se mogle graditi ovih pet fabrika.

Juče sam bio na licu mjesta na poziv investitora koji je već objekat treba da zatvara. To je pekara „Kabil“ da ne mogu dalje nastaviti radove i traže alternativno rješenje kako bi mogli kad se objekat zatvori da imaju unutra svjetlosti, napajanje.

Znači još nisu podnijeli ni zahtjev za građevinsku dozvolu da postave stanicu dole kako bi mogli ostalih četiri pravna lica koja su podnijeli, koja su dobili lokaciju dole za gradnju četiri još fabrike, nemaju namjeru ni da počnu, sve zbog neriješenih ovakvih problema.

Električna energija je jedna od osnovnih stvari koje treba dovesti na lokaciju. Žaloso je da ljudi obustave gradnju radi nečijeg, ja mogu reći nerada.

I zbog toga tražim da nam informaciju posebno o tom dijelu poslovne zone dostave za sljedeće vijeće na kojem će biti tačka dnevnog reda poslovna zona Sjever i Kreka.

Jer ovo do sad ne vodi ničemu. Molim vas ko bude imo vremena neka ode, neka obiđe poslovnu zonu da vidi kako je to asfaltirano, kompletan svim, prilaz svim ovim parcelama obezbjeđen asfalt širok, ljepota, a nema struje.

A tu smo. Termoelektrana nas truje, Termoelektrana nas truje, a mi ne možemo dobiti dole stanicu, da bi zaposlili bar stotinu radnika ako ništa drugo.

Neka ode svako neka vidi, to je sramota za čitav grad, ne Gradsku upravu nego za Elektroprivredu. Da li su, da li je i tu politika upetljana? Ja mislim da jeste. Evo toliko i hvala.

MIREL MIŠKOVIĆ

Zahvaljujem. Pošto nema više niko ispred klubova vijećnika za raspravu, za, zatvaram raspravu klubova vijećnika. Otvaram raspravu vijećnika. Prvi se za riječ javio Sabahudin Imamović, samostalni vijećnik. Izvolite. Evo. Izvolite.

SABAHUDIN IMAMOVIĆ

Meni je žao što ovdje nije prisutan predstavnik Elek, „Elektrodistribucije“ jer ja spadam u nezadovoljne korisnike.

Dakle, živim u zapadnom dijelu Grada Tuzla. Tuzla je jedini grad gdje je za, gdje je zapadni dio manje razvijen od istočnog. To je jedan kuriozitet.

Znači u posljednjih dvije sedmice imali smo nekoliko nestanaka struje i, i nekakvih neobjašnjivih popravaka po nekoliko sati. Dakle tokom vikenda i sve ovo me je podsjetilo na vrijeme prije rata kada bi se pripremalo ne vrijeme mi smo već spremali svijeće.

Ovo je nedopustivo dakle. I ov, iskreno sam se obradovo kad sam vidio ovu informaciju i mislio sam da ćemo imat priliku da im kažem u lice. Dakle, ovo je u posljednje vrijeme nedopustivo.

Evo oni nagovještavaju da će se nešto stanje popraviti i evo nadovezujući se na ovo što je kolega Alić rekao ja mislim da mi ovu informaciju ne trebamo primit k znanju i donijet zaključak da smo nezadovoljni.

Prvo što nisu ispoštovali ovo Vijeće da prisustvuje predstavnik. Drugo što nismo zadovoljni njihovim radom. Dakle i da u tom smislu ide neki zaključak. Hvala.

MIREL MIŠKOVIĆ

Mi moramo primiti informaciju k znanju, ali možemo izraziti nezadovoljstvo svoje tom informacijom kroz zaključke, a mi informaciju moramo primiti k znanju (SLAĐANA KRAJINA - Mi svaku informaciju primamo k znanju.) onaka kaka je. (SLAĐANA KRAJINA – Kako. Čim je čuješ primiš je k znanju.) (MENSUR ALIĆ – Poslovnička.) Evo. Poslovnička Mensur Alić. Izvolite.

MENSUR ALIĆ

Mi imamo već jedan zaključak i nismo trebali uopšte raspravljati, uopšte nismo trebali raspravljati. (MIREL MIŠKOVIĆ – Jeste.) Imamo takav zaključak vijeća. (MIREL MIŠKOVIĆ – Jeste.) Ako nema prisutnog predla, predlagača ili (MIREL MIŠKOVIĆ – Ne raspravljamo.) izvjestioca mi ne raspravljamo o toj informaciji. Imamo takav. I nismo trebali. Evo sad ja sam vratio se nazad i znam da imamo takav zaključak.

Znači oni nama samo pošalju ovako informaciju izvolite vi na Vijeću pričajte vi šta hoćete i kome hoćete nas nema tu i nema ti šta odgovorit.

Evo našli smo se u situaciji da primamo informaciju a nismo zadovoljni s njom. Kako ćemo je primiti onda? Možemo ići zaključkom. I taj zaključak oni neće ni pročitati kad im mi pošaljemo. (MIREL MIŠKOVIĆ- Ma jeste.)

Nego da tražimo drugu pog, da tražimo ponovo informaciju drugu da nam pošalju do sljedećeg vijeća, da ovu odbijemo. Evo tak, u tom nekako ako, pravno, ja nisam pravnik (MIREL MIŠKOVIĆ - Da pravno to uobličimo samo. I ja sam da se pravno samo uobličiti to.) al evo hajmo da vidimo kako uobličiti to, jer imamo nezadovoljstvo.

Da ne, da ne govorim ja sad lične stvari koje sam, ovo Sabahudin o čemu je govorio. Da ti ne, samo najavi prije na dva sata kaže neće sutra bit električne energije u Gornjoj Tuzli od osam do tri.

I vi, šta ste. Svezane ruke ne možete raditi. Kaže nabavite agregat. Pa ne možete nabaviti agregat od hiljadu vati. Ko to može? To. Da ne govorim o tome. Neću to govoriti, jer to bi bilo lično onda.

Ovdje sam govorio o poslovnoj zoni što je, što je interes čitavog grada i ljudi koji se bave poslom privatnim koji su trebali započeti fabrike a nisu počeli evo radi, radi toga.

Evo to je problem što, što stoji nam, nismo, nisu ljudi počeli raditi. I sad primamo informaciju. Ne možemo je primiti, jel ne znam postoji li mogućnost kako. (MIREL MIŠKOVIĆ – Evo samo pravno da vidimo kako možemo.) Zahvaljujem.

MIREL MIŠKOVIĆ

Poslovnička. Mirnes Ajanović. Izvolite.

MIRNES AJANOVIĆ

Ne možemo mi ovo odbiti, ali ne moramo završiti sada. Kroz raspravu se evo proizveo zaključak da nedolazak njih na sjednicu Gradskog vijeća ne može rezultirati time da se mi izjasnimo u smislu ovoga da li je prihvatamo ka znanju, k znanju.

Predlažem da pozovemo na narednoj sjednici. Ostavimo ovu tačku za narednu sjednicu. U međuvremenu zaključke koje imamo da dopune informaciju sa zaključcima koje

smo u raspravi istakli, a pogotovo ove koje su hitne i ostavimo to za narednu sjednicu pa ćemo vidjeti šta ćemo. Toliko.

MIREL MIŠKOVIĆ

Jasminka Mijatović. Poslovnička intervencija. Izvolite.

JASMINKA MIJATOVIĆ

Želim doprinijeti ovoj diskusiji na način da ukoliko u zaključku naznačimo samo činjenicu da zbog njihovog neprisustva nismo istu primili k znanju ili razmatrali mislim da ćemo i na narednoj sjednici osk, biti uskraćeni za dodatnu in, informaciju.

Smatram osnovanim da sve što su kolege kazale da to bude zaključak Gradskog vijeća sa naznakom da tražimo dopunu i detaljniju informaciju o napajanju električnom e, energijom u gradnj, u Gradu Tuzla na način kako je traženo i u prethodnom zaključku.

Sve ovo što su kolege kazale je u većini i ruralnih mjesnih zajednica takvo, jer čim puhne vjetar automatski imate nestanak struje što povlači za sobom osim svijeća i mnogo dro, mnogo drugih potrebstina koje nisu zaista primjerene 21. stoljeću.

Ali, a, ukoliko budemo samo kazali da zbog ne, njihovog nedolaska ovdje ne, ne primamo tu informaciju k znanju ili ne ra, ne razmatramo, onda ćemo biti os, uskraćeni u narednom periodu, odnosno na narednoj sjednici.

Čisto da smo informaciju razmotrili i da smatramo da ista je, nije obrazložena na traženi način. Da nije adekvatno obuhvaćen način napajanja električnom energijom u Gradu Tuzla i da tražimo dopunu, uz evo njihovu nazočnost na, u narednom periodu. Hvala.

MIREL MIŠKOVIĆ

Zahvaljujem. Ispravka krivog navoda. Mirnes Ajanović. Izvolite.

MIRNES AJANOVIĆ

Nisam predložio da mi ovo ne razmatramo, nego da odgodimo izjašnjenje. Ništa više. Da, dakle samo odgoditi izjašnjenje sa zaključicima koje imamo da se dopuni informacija s tim. Mi nismo još uvijek se izjasnili. I ostavljam za narednu sjednicu Gradskog vijeća (MIREL MIŠKOVIĆ – Na ovoj tački nema izjašnjenja ovo samo primamo informaciju.) Primamo k znanju, ali i to je jedna vrsta za. Nismo završili tačku.

Dakle. Gradsko vijeće nije raz, završilo raspravu po ovoj tački dnevnog reda. Ostavljam je za narednu sjednicu. (MIREL MIŠKOVIĆ - Hoćemo li je prebacit za idući dnevni red.) za narednu sjednicu. A do tada pozivamo njih da dođu da se izja, da budu prisutni i da se izjasne na zaključke u pisanoj formi.

Ovo je jedini način da to uradimo kvalitetno.

MIREL MIŠKOVIĆ

Evo. Mensur Alić. Poslovnička.

MENSUR ALIĆ

Pa ja mislim da je Jasminka najbolje predložila najbolji zaključak. I ja bi taj zaključak

takav da, da usvojimo. Ovo što je Jasminka predložila. Mislim da je to najbolji zaključak.

Jer, ako kažemo da nismo raspravili, a jesmo raspravili onda sledeći put nam neće ponovo doći. Možemo opet raspravljati. Da. Može.

Evo. Mis, ja se slažem sa ovim zaključkom i on bi bio mislim dovoljan da, da, da ovaj dopunu izvještaja.

MIREL MIŠKOVIĆ

Evo samo da mi zaključimo, ovaj da raspravu završimo. Ima još riječ Edim Kadić. Izvolite.

ELVIR MAHMUZIĆ

Ma ne. Čisto je konfuzna situacija i evo i mi smo istog stava, a poštujući zaključak koji smo već ranije donijeli da ne raspravljamo uopšte o tačkama dnevnog reda gdje se onaj koji priprema tu, da li je to informacija, odluka, ne raspravlja u koliko ljudi nisu prisutni.

Ja smatram da svako treba poštovati dignitet ovog Vijeća. Pojaviti se na sjednici Gradskog vijeća. I mi imamo dosta pitanja. Ali evo kad smo ustanovili da nema nikog od predstavnika Elektroprivrede, jednostavno nemamo ih kome postaviti.

Ukoliko sad budemo glasali o nekim zaključcima već smo ušli u jednu određenu vrstu rasprave. Već se zna da smo primili k znanju.

Kad neko sutr, već, večeras, sutra pogleda ovu sjednicu jer ima u Stenogramu, pogledat će, znat će se namjera.

Mi smo diskutovali o toj tački dnevnog reda. I ja bi definitivno volio isto da se ako možemo ja znam šta znači izjasniti se, za, protiv i suzdržan, ali, ne, ne, ne ja znam šta znači izjasniti se. Dakle, to može biti za, protiv i suzdržan.

Kad je u pitanju informacija tu nema izjašnjavanja, tu se prima k znanju, ako gledamo pravno. Ali, da (MIREL MIŠKOVIĆ – Možemo izjasniti nezadovoljstvo svoje kroz zaključke.)

Imamo, imamo zaključke, imamo definitivno zaključke, nije to kolegice sporno, sporno je hoćemo li se mi izjašnjavat o nekim zaključcima koji se tiču ove informacije, a nismo zadovoljni s informacijom.

Ne, ne, ne, jasno je generalni zaključak da nismo zadovoljni što, što nisu dostavili potpunu informaciju, što ne prisustvuju sjednici. Ja bi nekako to spojio i Jasminkino i Mirnesovo, Mensurovo ko je već predložio i da ostavim za sljedeći put da ljudi dođu da se pojave kako bi kompletirali tu informaciju. Imamo i mi mnogo pitanja nekih znaš.

MIREL MIŠKOVIĆ

Zahvaljujem. Mirnes Ajanović. Replika. Izvolite.

MIRNES AJANOVIĆ

Mi ako danas ovo završimo nema njih do iduće godine. Ako mi ne završimo tačku imaju obavezu, bilo bi sramota da ne dođu na narednoj sjednici. Ja ne znam zašto je to problem da mi kažemo. Nismo završili raspravu, pozivamo vas, dođite, jer nije bio prisutan predstavnik. Iz tog razloga Vijeće nije želilo da raz, da završi raspravu.

U međuvremenu imamo zaključak. Dopunite nam ovu informaciju tim. Mi smo operativni. Mi kad završimo tačku gotovo je, oni nemaju više nikakvu obavezu prema nama.

Zakonsku obavezu su ispoštovali do iduće godine i iduće informacije. I dalje ostajem pri ovome, ako hoćemo da ih dovedemo ne zatvaramo tačku iz razloga što ih nema, odlažemo za narednu sjednicu uz zaključke koje predlažemo. Kako god hoćete. Et.

MIREL MIŠKOVIĆ

Zahvaljujem. Edim Kadić ima riječ ispred, kao samostalni vijećnik. Izvolite.

EDIM KADIĆ

Ovaj, slažem se sa većinom što ste vi rekli. Za mene je daleko veći problem ovo što je gospodin Mensur rekao da mi pet, šest godina pričamo o poslovnim zonama asphaltirali sve, opremili i sad ljudi ne mogu nastaviti raditi zbog nedostatka električne energije. To je strašno.

Ja predlažem da sutra održite predsjednici klubova, vijeće preskonferenciju gdje se, da se pozovu odgovorni da, da pod hitno taj problem riješi, jer mi se moramo boriti za svako radno mjesto i ovo je strašno ako Grad Tuzla prvi put može da kaže da, da ima poslovne zone, da privlači investitore. Kakva je ovo poruka.

Pogotovo ako ovdje ima politike a čini mi se i meni ovako kad razmišljam da je vrlo lako moguće. I to je prilika evo i da ovi koji nisu bili na RTV 7 da dođu, da zovnemo i njih da nas se dole na asfaltu slikate i njih da pozovemo i posle da uputimo svim medijima. Eto. Hvala lijepo.

MIREL MIŠKOVIĆ

Zahvaljujem. Elvir Bijedić ima riječ. Izvolite.

ELVIR BIJEDIĆ

Samo kratko da probam i ja da dam doprinos ovoj diskusiji. Možemo li da kažemo u sljedećem dakle kao zaključak, da smo mi razmatrali ovu informaciju ali da kao Gradsko vijeće nismo zadovoljni zbog nedostatka znači informacija da i da iz tog razloga tražimo nastavak, u nastavku sjednice, uz obavezno prisustvo nekoga ko nam može dati te informacije i ne mislim nastavak sjednice niste me razumjeli, nego nastavak tačke koja informacija je nepotpuna.

Mi smo je raspravljali, primili smo je k znanju i smatramo da je nepotpuna a nismo imali prisustvo.

SLAĐANA KRAJINA

Evo mogu da pročitam prvi zaključak ako se slažete.

Gradsko vijeće Tuzla izražava svoje nezadovoljstvo dostavljenom Informacijom i neprisustvovanjem obrađivača sjednici Gradskog vijeća Tuzla te traži da se dostavi dopunjena i obrazložena informacija u skladu sa raspravom i zaključcima predloženim na sjednici vijeća.

Ako treba da im se i dostavi Stenogram. Da im se dostavi Sten, i čim dostave informaciju ona će biti uvrštena na sljedećoj sjednici, al ne možemo odlagati rasprave.

A šta je sa ova, ova treća, tri zaključka?

Gradsko vijeće Tuzla traži od JP Elektroprivreda BiH Podružnica Elektrodistribucija Tuzla da odmah pusti u pogon lift u objektu „B“ 3 na Stupinama to je predložen zaključak. (MIREL MIŠKOVIĆ – Ili da ostavimo te zaključke kad nam oni dostave.) Pa imamo i ovaj

poslovne zone. Jel nećete ni njega? Pa evo jel imaju zaključci. Ne mogu ja sad probrat zaključke koje. Ostavi zaključke. (MIRNES AJANOVIĆ – Poslovnička.)

MIREL MIŠKOVIĆ

Poslovnička. Mirnes Ajanović. Izvolite. (SLAĐANA KRAJINA – Aha. Pardon. Izvinjavam se.)

MIRNES AJANOVIĆ

Ma imamo zaključke, ništa oni nisu sporni. Mensurov je hitan i ovaj za „B“3 je hitan. Daleko je iduća sjednica i da li će doći uopšte. (MIREL MIŠKOVIĆ – Da.) Idu ovi pored ovih ostalih i mi tražimo od njih.

MIREL MIŠKOVIĆ

Ništa. Primamo informaciju k znanju idu ovi zaključci i to je to. Riječ, riječ ima Elvir Kasumović još i da zaključimo raspravu.

ELVIR KASUMOVIĆ

Ma evo i mi smo razočarani što nema niko od predstavnika ove „Elektrodistribucije“ da, da prisustvuje ovdje i da obrazloži ov, ovaj jel sve ovu informaciju.

Međutim samo da ne upadnemo u neku pravnu zavrzlamu po ovom pitanju. Moramo riješiti je na neki način. Tačka sama po sebi je otvorena.

Već su, već imamo govornike da se već rasprava otvorila po tom pitanju. Znači moramo je na neki način i zaključiti, ali možemo donijeti jel određeni zaključak po tom pitanju.

Ne možemo zaključiti sjednicu ako nismo zaključili ovu tačku dnevnog reda. Prema tome trebamo naći prav, pravno rješenje po tom pitanju.

MIREL MIŠKOVIĆ

Evo ja mislim da smo mi našli to pravno rješenje i zaključujem raspravu vijećnika. I s obzirom da nema više prijavljenih za diskusiju ja konstatujem da je Gradsko vijeće Tuzla primilo k znanju INFORMACIJU O PROBLEMATICI SNABDIJEVANJA ELEKTRIČNOM ENERGIJOM PODRUČJA GRADA TUZLA, a sada pozivam sekretara Gradskog vijeća, da pročita zaključke koji su proizašli iz rasprave.

SLAĐANA KRAJINA

- Gradsko vijeće Tuzla izražava svoje nezadovoljstvo dostavljenom Informacijom i neprisustvovanjem obrađivača sjednici Gradskog vijeća te traži da se dostavi dopunjena i obrazložena informacija u skladu sa raspravom i zaključcima usvojenim na sjednici Gradskog vijeća.

Može se staviti do naredne sjednice Gradskog vijeća. Ako je do naredne. Dobro.

- Gradsko vijeće Tuzla traži od Javnog preduzeća Elektroprivreda BiH Podružnica Elektrodistribucija Tuzla da odmah pusti u pogon lift u objektu B3 na Stupinama, a kako bi se

građanima omogućilo korištenje svojih stanova bez smetnji a posebno onim građanima koji se nalaze na višim spratovima.

- Gradsko vijeće Tuzla preporučuje ovom javnom Preduzeću da bilo kakav spor koji ima sa etažnim vlasnicima rješava putem nadležnog suda a ne isključivanjem lifta. Ako sam dobro razumjela.

- Gradsko vijeće Tuzla traži od Javnog preduzeća Elektroprivreda BiH Podružnica Elektrodistribucija Tuzla da do naredne sjednice Gradskog vijeća dostavi posebnu informaciju o snabdijevanju električnom energijom poslovne zone Kreka. (MIREL MIŠKOVIĆ – Kreka-sjever. Ja. Kreka-sjever.)

MIREL MIŠKOVIĆ

Dobro zahvaljujem. Sada stavljam na izjašnjavanje zaključke koje je pročitala sekretar Gradskog vijeća i pozivam (SLAĐANA KRAJINA – Ja ne znam samo za ovaj drugi zaključak da li je, ja se izvinjavam. Ne znam.) Recite evo za drugi zaključak.

SLAĐANA KRAJINA

Pa ne znam baš. Gradsko vijeće Tuzla traži od ele, od Elektrodistribucije da odmah pusti u pogon lift u objektu „B“3. Mi ne znamo ni zašto je on isključen. Imamo li mi pravo nekom. Može se nešto desiti neko pogine u liftu pobogu. Ja, da li je u redu da, da ovo ovako tražimo. Nemamo nikakvo. (MENSUR ALIĆ – Možda da samo tražimo informaciju od njih po tom pitanju.) Možda tražimo da se pusti u pogon. Ne znamo zbog čega je isključena. (MENSUR ALIĆ - Informaciju da tražimo zbog čega je isključen.) Evo ko što je Mirnes predložio.

MIREL MIŠKOVIĆ

Evo Mirnes Ajanović. Poslovnička. Izvolite.

MIRNES AJANOVIĆ

Ma staviti ako su ispunjeni tehnički uslovi da se pusti lift. Naravno. (MIREL MIŠKOVIĆ – Eto to je to. To je to.) Ovo je bilo na Komisiji za ljudska prava i ovo je problem koji je evidentno i postoji. I na medijima je prezentirano svudje u Tuzli. Još uvijek ljudi nemaju mjesecima lift.

MIREL MIŠKOVIĆ

Stavljam na izjašnjavanje zaključke koje je pročitala sekretar Gradskog vijeća i pozivam vijećnike da aktiviraju uređaje za elektronsko glasanje i da se pritiskom na odgovarajući taster izjasne za prijedlog, ili protiv prijedloga, ili kao suzdržani u odnosu na prijedlog. Glasanje je okončano.

Konstatujem da su zaključci, koje je pročitala sekretar Gradskog vijeća, usvojeni jednoglasno, 25 vijećnika je glasalo za, bez glasova protiv i bez suzdržanih glasova.

1. Gradsko vijeće Tuzla izražava svoje nezadovoljstvo dostavljenom Informacijom i neprisustvovanjem obrađivača sjednici Gradskog vijeća Tuzla te traži da se dostavi dopunjena i obrazložena informacija u skladu sa raspravom i zaključcima usvojenim na sjednici Gradskog vijeća.

2. Gradsko vijeće Tuzla traži od JP Elektroprivreda BiH Podružnica Elektrodistribucija Tuzla da odmah pusti u pogon lift u objektu B3 na Stupinama, ako su ispunjeni tehnički uslovi, kako bi se građanima omogućilo korištenje svojih stanova bez smetnji a posebno onim građanima koji se nalaze na višim spratovima.

3. Gradsko vijeće Tuzla preporučuje ovom javnom Preduzeću da bilo kakav spor koji ima sa etažnim vlasnicima rješava putem nadležnog suda a ne isključivanjem lifta.

4. Gradsko vijeće Tuzla traži od JP Elektroprivreda BiH Podružnica Elektrodistribucija Tuzla da do naredne sjednice Gradskog vijeća Tuzla dostave posebnu informaciju o snabdijevanju električnom energijom poslovne zone Kreka sjever.

5. Zadužuje se Stručna služba Gradskog vijeća da izvod iz stenograma sa ove sjednice Gradskog vijeća Tuzla dostavi JP Elektroprivreda BIH DD Sarajevo Podružnica Elektrodistribucija Tuzla.

Prelazimo na jedanaestu tačku dnevnoga reda:

IZVJEŠTAJ KOMISIJE ZA IZBOR I IMENOVANJA

Pozivam sekretara da pročita Izvještaj Komisije za izbor i imenovanja sa sjednice održane 29. oktobra 2018. godine.

SLADANA KRAJINA

Na osnovu člana 30. a u vezi sa članom 35. Poslovnika Gradskog vijeća Tuzla ("Službeni glasnik Grada Tuzla" broj 9/17. i 2/18.), Komisija za izbor i imenovanja sa sjednice održane 29. 10. 2018. godine podnosi Gradskom vijeću izvještaj:

1. Komisija za izbor i imenovanja je razmatrala Prijedlog Kluba vijećnika SDA Stranke demokratske akcije za izmjenu predsjednika Savjeta mjesne zajednice Gornja Lipnica i člana Savjeta mjesne zajednice Gornja Lipnica te je jednoglasno usvojila slijedeći zaključak:

Komisija za izbor i imenovanja je razmatrala i prihvata prijedlog Kluba vijećnika SDA Stranke demokratske akcije za izmjenu predsjednika Savjeta Mjesne zajednice Gornja Lipnica i člana Savjeta Mjesne zajednice Gornja Tuzla, te predlaže Gradskom vijeću Tuzla da se Elvis Krdžalić razriješi dužnosti predsjednika Savjeta Mjesne zajednice Gornja Lipnica, a da se na dužnost predsjednika Savjeta Mjesne zajednice Gornja Lipnica izabere Mirsad Malkočević, te da se Sanela Jasenčić razriješi dužnosti člana Savjeta Mjesne zajednice Gornja Tuzla, a da se na dužnost člana Savjeta Mjesne zajednice Gornja Tuzla izabere Amir Memišević.

2. Komisija za izbor i imenovanja je razmatrala Prijedlog Kluba vijećnika Demokratske fronte za izmjenu člana Savjeta Mjesne zajednice Kiseljak te je jednoglasno usvojila slijedeći zaključak:

Komisija za izbor i imenovanje razmatrala i prihvata prijedlog Kluba vijećnika Demokratske fronte za izmjenu člana Savjeta Mjesne zajednice Kiseljak, te predlaže Gradskom vijeću Tuzla da se Nedim Šabić razriješi dužnosti člana Savjeta Mjesne zajednice Kiseljak, a da se na dužnost člana Savjeta Mjesne zajednice Kiseljak izabere Mustafa Spahić. I.

3. Komisija za izbor i imenovanja je razmatrala Prijedlog Kluba vijećnika Hrvatske demokratske zajednice za izmjenu člana Savjeta Mjesne zajednice Kiseljak, te je jednoglasno usvojila slijedeći zaključak:

Komisija za izbor i imenovanja je razmatrala i prihvata Prijedlog Kluba vijećnika Hrvatske demokratske zajednice za izmjenu člana Savjeta Mjesne zajednice Kiseljak, te predlaže Gradskom vijeću Tuzla da se Dražan Galušić razriješi dužnosti člana Savjeta Mjesne

zajednice Kiseljak, a da se na dužnost člana Savjeta Mjesne zajednice Kiseljak izabere Gordana Vareškić.

Komisija za izbor i imenovanja je razmatrala Prijedlog Kluba vijećnika Hrvatske demokratske zajednice za izmjenu člana Mandatno-imunitetske komisije, člana Komisije za jednakopravnost polova, člana Komisije za ljudska prava i slobode i Komisije za predstavke i prijedloge te je jednoglasno usvojila slijedeći zaključak:

Komisija za izbor i imenovanja je razmatrala i prihvata Prijedlog Kluba vijećnika Hrvatske demokratske zajednice za izmjenu člana Mandatne-imunitetske komisije, člana Komisije za jednakopravnost polova, Komisije za ljudska prava slobode i Komisije za predstavke i prijedloge te predlaže Gradskom vijeću Tuzla da se Gordana Vareškić razriješi dužnosti člana Mandatne-imunitetske komisije, a da se na dužnost ovog člana izabere Dražan Galušić, da se Magdalena Vidaković razriješi dužnosti člana Komisije za jednakopravnost polova, a da se na dužnost člana Komisije za jednakopravnost polova izabere Marina Krešić, da se Dejan Kovačević razriješi dužnosti člana Komisije za ljudska prava i slobode, a da se na dužnost člana Komisije za ljudska prava i slobode izabere Anto Jurić, da se Dražan Divković razriješi dužnosti člana Komisije za predstavke i prijedloge, a da se na dužnost člana Komisije za predstavke i prijedloge izabere Igor Anđić.

MIREL MIŠKOVIĆ

Zahvaljujem sekretaru. Otvaram raspravu klubova vijećnika. Javlja li se neko za riječ? Ako ne, zatvaram raspravu klubova vijećnika. Otvaram raspravu vijećnika. Zatvaram raspravu vijećnika.

Sada pozivam sekretara.

SLADANA KRAJINA

Hoćemo, hoćemo u paketu ako ćete izglasati sve? (MIREL MIŠKOVIĆ – Ako ste.) Da ne čitamo ponovo ove dijelove. (MIREL MIŠKOVIĆ – U paketu.) Stavljate na izjašnjavanje prijedlog Komisije za izbor i imenovanja.

MIREL MIŠKOVIĆ

Sada stavljam na izjašnjavanje prijedlog Komisije za izbor i imenovanje i pozivam vijećnike da aktiviraju uređaje za elektronsko glasanje i da se pritiskom na odgovarajući taster izjasne za prijedlog, ili protiv prijedloga, ili kao suzdržani u odnosu na prijedlog. Zahvaljujem. Glasanje je okončano.

Konstatujem da je 24 vijećnika glasalo za, nije bilo glasova protiv i 1 vijećnik je bio suzdržan, te je usvojen PRIJEDLOG KOMISIJE ZA IZBOR I IMENOVANJE koje nam je pročitao sekretar Gradskog vijeća.

- Gradsko vijeće Tuzla prihvata prijedlog Komisije za izbor i imenovanja, na inicijativu Kluba vijećnika SDA - Stranke demokratske akcije, te se:

- Elvis Krdžalić razrješava dužnosti predsjednika Savjeta mjesne zajednice Gornja Lipnica,

- Mirsad Malkočević bira na dužnost predsjednika Savjeta mjesne zajednice Gornja Lipnica,

- Sanela Jasenčić razrješava dužnosti člana Savjeta mjesne zajednice Gornja Tuzla,

- Amir Memišević bira na dužnost člana Savjeta mjesne zajednice Gornja Tuzla.

- Gradsko vijeće Tuzla prihvata prijedlog Komisije za izbor i imenovanja, na inicijativu Kluba vijećnika Demokratske fronte, te se:

- Nedim Šabić razrješava dužnosti člana Savjeta mjesne zajednice Kiseljak,
- Mustafa Spahić bira na dužnost člana Savjeta mjesne zajednice Kiseljak.

- Gradsko vijeće Tuzla prihvata prijedlog Komisije za izbor i imenovanja, na inicijativu Kluba vijećnika Hrvatske demokratske zajednice BiH - HDZ BiH, te se:

- Dražan Galušić razrješava dužnosti člana Savjeta mjesne zajednice Kiseljak,
- Gordana Vareškić bira na dužnost člana Savjeta mjesne zajednice Kiseljak,
- Gordana Vareškić razrješava dužnosti člana Mandatno-imunitetske komisije,
- Dražan Galušić bira na dužnost člana Mandatno-imunitetske komisije,
- Magdalena Vidaković razrješava dužnosti člana Komisije za jednakopravnost polova,
- Marina Krešić bira na dužnost člana Komisije za jednakopravnost polova,
- Dejan Kovačević razrješava dužnosti člana Komisije za ljudska prava i slobode,
- Anto Jurić bira na dužnost člana Komisije za ljudska prava i slobode,
- Dražan Divković razrješava dužnosti člana Komisije za predstavke i prijedloge,
- Igor Anđić bira na dužnost člana Komisije za predstavke i prijedloge.

Prelazimo na dvanaestu tačku dnevnoga reda:

TEKUĆA PITANJA

S obzirom da nije bilo prijedloga koji bi se razmatrali u okviru ove tačke dnevnog reda, konstatujem da smo iscrpili dnevni red i zaključujem 26. redovnu sjednicu Gradskog vijeća Tuzla u 17:30 minuta.

STENOGRAM SAČINILI:

Senada Karabegović

Jasminka Delalić

P R E D S J E D A V A J U Ć I

dr.med.sci. Aleksandar Vujadinović s.r.